

فدائے شاہانہ



اثر
مکتب اعدادی تاریخ عمومی و مکتب ملکیت شاهانه خفرا ادا معلی قائم مقام
علی توفیق

جلد ثالث

تاریخ قرون اخیرہ - آوجچی طبی

مکاتب اعدادی شاهانه اوچچی سه شاکر داسه محصودر

محرریک مهریله مهرلنامش اولان سهلهر ساخته در



مجلس معارف عسکریه کتبدیق وقراری و معارف بطاریک و معارف
رحصیلله طبع اولمشدر



استانبول

(قصار) مطبعه سی باب عالی جاده سنده رشید افندی خاندنه

نومرو ۳۸

۱۳۱۶



بِسْمِ اللَّهِ الرَّحْمَنِ الرَّحِيمِ

بِسْمِ

جناب ظهور فرمای احوال واقوام و معارف
 بخشده افراد افریده انام حضرت تیرینه حمد و ثنای
 بی حد و شمار ایله خاتم المرسلین پیغمبر دیشان افندی
 حضرت تیرینه تصلیات و تحیات فراوان و آل و اصحاب
 کرام تیرینه ترضیه بی پایان ایفا سندن صوکره بیان
 مقصده شو وجه ایله شروع اولنور که عاجز لری مکاتب
 اعدادیه شاهانه ناک برنجی و ایکنجی سنه لری شاگردانی
 ایچون تاریخ عمومینک قرون اولی و وسطی قسملرینی
 مقدا بالترتیب شایان بیوریلان مساعدۀ سنیه
 حضرت خلافتنهاییه امتثالاً طبع و تمثیل
 ایتدیرلیدیکی کی بوکره دخی مکاتب مذکورۀ ناک
 سید

اوچخی سنه طلبه سنه هفته ده برر درس و پریله برك
 هر دولتك وقوعات تاریخیه لرینه وقوف حاصل
 ایتدیرلك اوزره تاریخ عمومی مزبورك قرون اخیره
 قسمی مین اشبو اوچخی جلدی جمع و تلفیق ایدیلوب
 غبطه بخشای اعصار اولان عصر مسعود حضرت
 شهریاریده نهاده موقع انتشار اولمقلغه مجاسرت
 وجناب رب رحمن نسخه کبرای سلطنت و شوکت
 ولی نعمت پیمت پادشاه فاروقی سیرت افندمر
 حضرت تلرینك ایام عمر و اقبال تاجداریلرینی مزداد
 و فراوان بیورسون دعا سیله تزیین زبان رقت
 و مستعیناً بالله الکریم عرض اخباره مبادرت قلمشدر.



﴿ قرون اخيره تاريخى ﴾

قرون جديدہ نك تعريفي وقرون وسطادن تفریق وقرون
جديدہ نك بابلہ تقسیمی

— — — — —

استانبولك تاريخ فتحى اولان ۱۴۵۳ م و ۸۵۷ هـ [۱]
سنه سندن بولنديغمز زمانه قدر روى ارضده ظهوره كلن
وقايعدن باحث تاريخه (تاريخ قرونه مبرمه) ويا (تاريخ قرونه
اخيره) اطلاق اولتور.

قرون اخيره نك تعريفندن آكلاشلايدىغنه كوره قرون
مذكوره ي قرون وسطادن فصل وتفریق ايدن ماده هر نه قدر
فتح قسطنطينيه يعنى روما شرقى ايمپراطور اغنك اندراسيله
سلطنت عثمانيه نك «استانبول» ده حكم سورمكه باشلايدى زمان
ايسه ده «فرانس» ايله «انكلتر» بيننده يوز سنه دن زياده امتداد
ايدن (يوز سنه محاربه سى) نهايتى و (كشفيات) كيفيتى قرون
جديدہ ي قرون وسطادن تهريق ايدن مواددن اولديغندن
آنلردن هر برى برر بابده كوستريله چكى مثللو دول سائر
احوالى دخی آريجه بر بابده ذكر اولنه جقدر.

باب اول

كتابك ترتيبنه خلل كلامك ايچون برنجى بابده «استانبول» ك

[۱] م سنه ميلاديه ي و هـ تاريخ هجرى كوستر :

فتحندن بولنديغمز زمانه قدر سلطنت آل عثمانك احوالندن
 بحث ايتك لازم ايسهده قرون وسطاده دخی بيان اولنديني
 مثللو تاريخ عثمانی قسمی آريجه تدريس اوله كلديکنندن قسم
 مذکورک طبعی بوراده تحريرندن صرف نظر ايديلهرك وقوعات
 سائرهنك بيانيله اکتفا ايدلمشدر.

باب ثانی

بواب یوز سنه محاربه سی نهایتندن اعتباراً « فرانسه »
 و « انکلتره » نك احوالی باحث اولقله بر فصلده فرانسه وقواتی
 و دیگر فصلده انکلتره احوالی ذکر ایديله جکدر.

فصل اول

احوال فرانسه

والو آ خاندانی ۱۴۲۲: ۱۴۹۸ - اورلئان خاندانی ۱۴۹۸: ۱۵۸۹
 - بوربون خاندانی ۱۵۸۹: ۱۷۹۳ - قونوانسیون ۱۷۹۳: ۱۸۹۵
 - دیرکتوار حکومتی ۱۷۹۵: ۱۷۹۹ - قونسولاحکومتی ۱۷۹۹:
 ۱۸۰۴ - ایمپراطورلق دوری ۱۸۰۴: ۱۸۱۴ - بوربون خانداننك
 اعاده حکومتی ۱۸۱۵: ۱۸۳۰ - اورلئان خانداننك حکومت
 ثانیه سی ۱۸۳۰: ۱۸۴۸ - ایکنجی ریاست ۱۸۴۸: ۱۸۵۲
 - ایکنجی ایمپراطورلق ۱۸۵۲: ۱۸۷۱ - اوچنجی

ریاست ۱۸۷۱

﴿ والوآ خاندانك حكومتى ﴾

حكومت قرايه نك تأيدى ويدنجى شارل ۱۴۲۲ [۱] — اون
برنجى لوتى ۱۴۶۰ — سكرنجى شارل ۱۴۸۳ وابتاليا سفرى.

فاتح سلطان محمد خان حضرتلى « استانبول » ى فتح
بيوردىنى ائشاده فرانسزلر انكليزلرى مملكتلرندن دفع و طرد
ايدىرك يوز سنه محاربه سنه ختام و يرمشلىر و ملتريىك تأيد
و تقويه سنى احضار و حاصل ايلمشلىردىر.

برنجى شارل Charles VII — بوصره ده فرانسى تحت

قرايسنده مظفر عنوانيله مشهور اولان (يدنجى شارل) حكرمان
اولوب معيتمده بولنان ماهر قوماندانلر و مدبر مامورلر واسطه سيله
امور ماليه و عسكرى و سياسيه حقنده برچوق ترتيبات و تشكىلات
جديده نك اجراسنه « وفق اولدى . نفوذ قرايىك تنقيصى
ايچون تشبثات عديده يه قيام ايدى دره بىكلىرىك اكثريسى
تخويىف و تآديب اولنهرق دائره اطاعته آلمق اوزره ايكن
اوغلى وولى عهدى بولنان (لوتى) نك تشبثات مذكوره يه
مداخله سى اعماى فساداتى تصعيب و تعويق ايتمش واخذ و كرفى
ايچون اوزرينه سوق اولمان عسكردن دخى برتقريب قورتيلوب
بدرينك باشليجه دشمنى اولان « بورغونيا Bourgogne » [۲]

[۱] بو تاريخلر حكمدانك تاريخ جلوسلىرى كوسىردىر.

[۲] « فرانسى » نك شرقده واقع بر دوقه لىدر.

دوقه سی (فلیپ له بون Philippe le Bon) نزدینه فرار و پدرینک وفاتنه قدر اوراده قرار ایله اوتهدن بری افکار و حرکات فسادامیزی ایله چویردیکی آنتریقه لری برقات دها آرتیره رق پدرینی اصلاً راحت براقامشدر. +

دره بکله کلنجه مالک اولدقلری املاک جسیمه به کومه نره قریباً نائل ظفر اولق ایچون فرصت کوزتمکده ایدیلر. (بدنجی شارل) ایسه اوغلنک بویه حرکات نابجاسندن کدرلنوب باشه چیقهمیه جغنی دخی آگلادیغندن سائقه یأس ایله عالم سکونه چکلمش و اواخر حکومتی او وجه ایله اصرار ایدوب وفاتنده بیوک اوغلی لوئی (اون برنجی لوئی) عنوانیه مقامنه جلوس المشد ۱۴۶۱م ۸۶۶هـ + ۷

+ اوره برنجی لوئی Louis XI مومالیه فرانسه تختنه چین جلوسنده اداره حکومتی الده ایتمک ایچون اقتضا ایدن تداییری اجرا و طاقت رهبان ایله دره بکلرینک امتیازات و استقلاللرینی کسر و بطلله قیام ایله پایا ایچون مخصص اولان ویرگونک اخذینه کلن مأمورلری نفی و طرد ایدره رک مخصصات مذکورهنک دروماه به کیتمنسی منع و کسب نفوذ ایتمش اولان پایاسلردن بر قاجنی توقیف ایله اموال و انشاسنی غارت ایلدی.

دره بکله دخی (لوئی) دن (بدنجی شارل) زماننده ضایع و غیب ایتمش اولدقلری نفوذ و امتیازاتی اخذ ایله نائل امال اوله جقلرینی کوزتمکده ایکن هنوز ادا ایدمه دکلری

درہ بکک گذشتہ ویرگولرینک سربماً تأدیہ ایدلسی امری
آلمس اولدقلرندن جملہ سی حدت و غضب ایتمک باشلایهرق
« بورغونیا » قطعہ سندن باشقه « بلجیقا » ، « فلمنک » طرفلرینه
دخی مالک اولان (فلیپ له بون) ک خلنی (جسور شارل
Charles le Téméraire) ایله برلشمشر و انکلتزه قرالی
(دردنجی ادوار) ی دخی اتفاقه داخل ایدہرک (لوئی) علیہ
قیام و حرکت ایتمشلردر.

(لوئی) ایسه بو قدر پرنس و درہ بکک سہولتہ برلشوب
ایشہ باشلایه میہ جقلرینی درک و فہم ایتمکہ درحال طریق حیل
و خدعہ یہ سلوک ایدہرک درہ بکک رندن بعضلرینہ رتبہ و بعضلرینہ
آچہ و یرمک و عدلیہ بر چوغنی طرفہ جلب ایتش و دشمن
قویسی اولوب کندیسندن زیادہ قوتہ مالک اولان « بورغونیا »
دوقہ سی (شارل) ایله بر قاج دفعہ چارہ شمش ایسہ دہ نتیجہ
حرک قازانیلہ میہ جغنی آ گلائنجہ آرتق امداد و آچہ قوتیلہ
مذکور دوقہ اداره سندہ بولنان بککری و خصوصیلہ اسویجرہ -
لیلری علیہ تحریک و دوقہ (شارل) ی بو وجہ ایله مشغولیتہ
دوچار ایدہرک آنکله متفق بولنان سائر دوقہ لری ہم تأدیہ
و ہم دائرہ اطاعتہ ادخال ایلدی.

بو صرہ دہ مقدما (لوئی) نک نعم کثیرہ سنہ نائل اولدینی
حالدہ علیہ قیام ایدن (دوق دو نمور Duc de Nemours)
اخذ و گرفت اولنہرق اولادہشتلی بر عجبہ اعزام و بعدہ

« باستیل » حبسخانه سنده تیمور قفس دروننده اعدام ایدلدیکی
 مثللو [۱] انکلترده صاحب نفوذ (وارویق Varvick) ایله
 (آلتیجی هانری) نك و صیدی بولسان (مارغریت دائرو
 Narguerite d'Anjou) یی بارشدره رق (جسور شارل) ك
 انشته سی اولان انکاتره قرالی (دردنجی ادوار) ك مقامنه
 (آلتیجی هانری) یی اجلاس ایچون اسباب لازمه یی تهبه واحضار
 ایلدی.

(اون برنجی لوئی) یه جمله دن زیاده مقابله و مدافعه ده ثبات
 ایدن مومالیه شارل اولوب آنك فوتیله عاینه قیام ایدم جك
 و اداره سنه قارشى طوره جق کیمسه قالمدیغندن آرتق « فرانسه » ده
 دره بلكك اصولی محو اولوب کیتدی. امنیت و آسایش درجه
 مطلوبه یه واصل اولوب فرانسه اهالیسی کمال راحتله تجارت
 و زراعت یولی طوتمغه و یوللر پوستلر کشاد ایدم رك اعمار
 ملکه مباشرت ایتدی. [۲]

جسور شارلك وفاتنده (ماری Marie) اسمنده بر
 کریمه سندن باشقه وارثی اولمادیغندن (لوئی) بو حالدن بالاستفاده
 میراثی اخذ و ضبط ایچون سکز یاشنه هنوز واصل اولان
 (شارل) نامنده کی اوغلنه یکریمی یاشنی تجاوز ایتمش اولان (ماری) یی

[۱] (اون برنجی لوئی) دشملرینی تموردن معمول و سله وضع
 ایلدیکی مشهوردر.

[۲] پوسته لك « فرانسه » ده ابتدای کشادی (اون برنجی لوئی)
 زمانه مصادفدر.

تزويع ايدەجكى حوادثى اشاعە ايدەرك جەهاز اولمق اوزرە
 « بورغونيا » ايله فرانسه نك شەمال شرقىسندە كائىن « پىقاردىا
 (Picardie) و « آرتوا Artois » اىالتلىرىنە بىر بىھانە ايله تصريف
 ايتىمكە قالدقشەنچە (مارى) « آوسترىا » يە التجايە مجبور اولمش
 و ايمپراطور (اوجىجى فرەدرىق) ك اوغلى (ماقسىمىلىين
 Naximilien) ايله ازدواج ايتىمىدركە : بو ازدواجدن اسپانيا
 قرالى و آلمانىا ايمپراطورى مشهور (شارلكن) ك باباسى (گوزل
 فلىپ) وجودە ككشدر.

وقوعات مشروحه اوزرىنە (لوئى) شەتلى بىر محاربەيى
 كوزە آلدىرەرق (فرەدرىق) ايله ايتدىكى « كىنەغات Cuinegate »
 محاربەسندە ۱۷۷۹ م مەنە قدر مغلوب اولدى ايسەدە ۱۷۸۲دە
 عقد اولتان (آراس Arras) مەھدەسى اوزرىنە « بورغونيا »
 « پىقاردىا » « آرتوا » و فرانسه نك شرقىندە كائىن « فرانش قونىتە »
 اىالتلىرىنى ضبط و بونلردن باشقە بعض انتقالات ارثىيى بىھانە
 ايدەرك « فرانسه » نك اطراف مختلفەسندە بولتان بعض مالكانەلرى
 و ازجەلە « فرانسه » نك جنوب شرقىسندە كائىن « پرووانس
 Provence » ايله « لوار » نەرى حوالىسىندە واقع « آترو
 Anjou » و امثالى اىالتلىرى مالكانەدن قورتاروب ضميمە ملكى ايلدى .
 (لوئى) زمان سلطنتك نتيجە جەيلەسى اولان (آراس) مە .
 ۱۷۸۳دە سىندن سوكرە چوق ىشامىيوب نىھات « پلەسى لە تور
 Plessi les Tour » سىرايندە وفات ايتدى ۱۷۸۳ م .

الحاصل (اون برنجی لوئی) اون اون بر قدر ایالتی «فرانسه»
ممالککنه ضم و علاوه ایدوب پوسته اصولی دخی تاسیس و ترویج
ابتدیکی کبی بازارلرک عددینی تزید و تجارت ایله صنایعک
ترقیسینی تسهیل و «فرانسه» یه مطبعه مرتبلیخی برنجی دفعه
اوله رق جلب و ادخال ایلدی.

سکزیجی شارل Charles III — مومالیه (اون برنجی
لوئی) نك اوغلی اولوب فرانسه تختنه جلوسنده هنوز اون
اوج یاشنده بر صبی اولغله (آن دو بوزو Anne de Beaujou)
اسنده بولنان بیوک همشیره سنك ید وصایت و محافظه سینه
تسایم اولندی. بو صرمد مدیمبکری تبدیل سلطنتدن بالاستفاده
(اون برنجی لوئی) نك پولتیقهسی علینه حرکات غرضکارانه یه
قیام و (دوق دو رلئان Duc d'orléans) عنوانیه مشهر بولنان
عموجهسی (لوئی) دخی «فرانسه» ده قادینلرک حکومتی عادت
اولمديفنن بختله بو وصایت راضی اولمديقی اعلان ایدوب
ایمان مملکتک اجتماعنی طلب ایلدیلر سده اعیان و خصوصیه
مبعوثان عوام پرنسس (آن) ک کمال اقتدار و لیاقتی بالتصدیق
قراک محافظهسی خصوصنده ابقاسنه حکم ویردکلرندن مرام
و مقصدلرینه موفق اوله مدیلر. =

— بونک اوزرینه «اورلئان» دوقهسی مقدا امتیاز و استقلال.
لاریخی غیب و زائل ایدن دره بکلر ایله اتفاق ایدرک آلمانیا
ایمپراطوری (برنجی ماقسیملیان) ک و بریتانیا [۱] دوقهسی

(ايکنجې فرانسوا) نک و انکلتره قرالی (اوچنجې ريشار) د اتفاقلرني استحصال ايله (آن) عليهنه حرکت ايتديلر سده مومالها بونکا جاره دافع اولق اوزره انکلتره تاجني دعوا ايتمکه بولان (هانري تودور Henry VII Tudor) د مقدار کافي عسکر و آچه وبره رک (ريشار) عليهنه سوق ايتمش و طرف ديکړک حقندن دخي کنديسي کلهرک آنلري د فرانسه ، ايجون شانلي برمهاده عقدينه مجبور ايلمشدر .

فرانسه تاجنک صاحبي اولان (شارل) همشيره سي لندن امور دولتي يد اقتدارينه آلديني صرمده دفرانسه حال سعادت ايجنده بولنديني کبي د بریتانیا ، ايلتک وارثي بولنان (آن دو بریتاني) ايله دخي ازدواج ايلديکندن مذکور اياتي ملکنه ضم ايدهرک دفرانسه نک قوت سابقه سني برقات دها تزديد ايلدي .

۱۴۹۴ - (اون برنجي لوي) زمان حکومتده (آنزو) خاندانک دناپولي ، قرالينه اولان حقوقندن استفاده يه قيام ايتماش ايسده اوغلي (سکزنجي شارل) کوشه نسيانه آتيلان بو حقوقک استحصالني سر رشته ايدهرک د ايتاليا ، قطعه سني ضبط ايتک واورادن د يونانستان ، د کچه رک نهايت د قدس ، ي دخي خرسديانلر نامه استيلا ايلمک کبي افکار خيالپرستانه يه قابليدن ۱۴۹۴ ده ايتاليا سفريني وقوعه کتيردي .

او وقت د ايتاليا ، قطعه سي بتون بحر سفيدک تجارتکاي

اولدیفندن زراعت وصنعت خصوصاً لرنده اوروپا ممالکنک کافه سنه فائق ایدیسه ده ممالکک امنیت و آسایشی وقایه وضبط وربطی تأمین ایده جک بر هیئته مالک اولمدینی کبی اها لیسنده دخی لزومی درجه ده حب وطن وغیرت ملیه بولنمدینی جهتله ممالک سائر حکومتندن ضعیف واقتدارسز ومیدان معرکه ده نباتسز ایدی . بونکله برابر ممالک مذکورده عمومیتله قبول اولمش بر ایمراطور واطاعت وانقیادی وضبط وربطی تأمین ایده بیله جک بر دیوان اولمدیفندن ممالک مرکبه مختلفه سی یکدیگریه نظراً بتون بتون منفرد ومستقل ایدی . حکومت منفرده مستقله نک باشلیجه لری «میلان» ، «جنوه» ، «وندیک» ، «روما» ، «فلورانسه» ، «ناپولی» دن عبارت ایدی .

حکومت متجاوره «بریتانیا» ایالتک فرانسه تاج فرالیسنه انضمامندن ناشی دولت مشار الیها علیه عقد اتفاق ایده رک انکلتزه قرالی (یدنچی هازی = هازی تودور) «قاله» شهرینه و آلمانیا ایمراطوری (برنجی ماقسمیلیان) «آرتو» ایالته تسلط ایتمکده اولدقلری کبی اسپانیا قرالی (قاتولک فردیناند) دخی «پیره نه» طاغلرینی مرور ایچون حاضرلقده بولنمدیفندن (شارل) افکار باطنه سنی کندی علیه حرکت اوزره بولنان دول مند کوره ایله اجرای محاربه یه ترجیح برله بولتیقه شناساتک (وخصوصیه همشیره سی) (آن دوبرزو) نک نصایح عاقلانه لریه جواله سمع اعتبار ایتیه رک ویدری (لوی) نک حرب ایله

قازانمش اولدینی حدود ایالتلرینک اهمیت فوق العاده سنه دخی باقیه رق دشمنلرینه بر معاهده ایله ترك وکندیسی زاد و ذخیره وسائر احضارات عسکریه به باقمسزین آچقه ومهماتسز اولدینی حالده یالکمز حربیه تشنه بر طاقم سبکبار عسکردن بر استیلا اردوسی تشکیل ایده رک « آلب » طاغلرینی مرور ایلدی .

« توره ن » شهرینه حین وصولنده « صاووا » [۱] دوشی ایله « مون فررا Mont Ferrat » مارکزینه ایتدیکی ضیافت وبالولردن سوگره سیاحته دوام ایده بیلدی . « میلان » دوقه سی (مغربی لودوویق Ludovic Maure) دخی کندی دوقه لغندن موما الیهی « طوسقانه » حدودینه کچیرمش و آندن سوگره (شارل) « فلورانسه » پی (پیر دو مدیچی Pierre de Medicis) دن و « روماء » پی پایا (آلتنجی علسکساندر بورجیا) دن و « ناپولی » قطعه سنی دخی (ایکنجی فردیناند) دن ضبط ایلمشدر ۱۴۹۵ء ،

(شارل) آرتق بو قدر فتوحاته نائل اولنجه بالجله امالئک حصول پذیر اوله جفته کندنجه قناعت حاصل ایده رک و رفقاسی دخی ثروت و سامانه مالک پرنسس لر ایله ازدواج ایلیه رک کندیسی گویا [شرق ایمراطوری و « ناپولی » قرالی و « قدس » حامیسی] عنوانی آلمش ایسه ده آره دن ایکی ماه مرورنده اوروپا حکمدارلری یعنی اسپانیا قرالی (قاتولک فردیناند) و

[۱] صاووا « فراسه » ایله « ایتالیا » آره سنده بر دوقه لی اولوب مؤخرأ « ساردنیا » قرالیننه ربط اولمشدر .

آلمانیا ایمپراطوری (برنجی ماقسیملین) وانکلتره قرالی (یدنچی هانزی) ومیلان دوقهسی (لودوویق) وپایا (علکساندر بورجیا) ووندیکلیلر (شارل) ک مظفریتلرینی چکه میوب گویا «ایتالیا» نک فرانسزلر طرفدن ضبطی اوروپا موازنه سنک اخلالنی موجب اولور بهانه سیله «فرانسه» علیهنه براتفاق عمومی عقد ایتدیلر .
 بونک اوزرینه (شارل) «ایتالیا» ده اوطوره میوب (زیلبردو مونپانسیه Gilbert de monpensier) قومانداسیله ۱۰,۰۰۰ قدر فرانسز عسکرینی «ناپولی» ده ترك و کندیسی عساكر متباقیه سنی آلهرق «آپه نین» طاغلرینی بالمرور «پو» نه ری توابعندن «تارو Taro» صوبی وادیسند ۲۵,۰۰۰ قدر متفقین اردوسنه تصادفله «فورنو Fornoue» محاربه سی وقوعه کلدی ۱۴۹۵ . محاربه مذکوره هر نه قدر فرانسزلرك غلبه سیله ختام بولدی ایسه ده حاصل ایتدکاری نتیجه ظفر خط رجعتلرینی تامیندن غیری برایشه یرامدی .

(شارل) «فرانسه» به دخولنده ایتالیایی کاملاً اونوده رق قولایلقله ضبطنه موفق اولدینی ممالکک محافظه وبقاسی خصوصنده هیچ بر تشبثده بولنماش و ایتالیا حکومتلری فرانسزلردن حکمدار سابقلرینه انتقال ایلمشدر .

الحاصل (شارل) ایتالیادن عودت ایتدکدن سوکړه چوق یشامیوب (آموآز Amboise) سراینده ۲۸ یاشنده اولدینی حالده بلا ولد ذکور وفات ایتدیکندن عموجه سی اولوب

«اورلئان» دوقہسی بولان (لوئی) (اون ایکنجی لوئی) عنوانیہ
مقامی احراز ایلدی ۱۴۹۸ . بونکله قابہ سین نسلدن تشعب
ایدن «والوآ» سلالہ سنک حکومتی ختام بولہ رق (اورلئان)
خاندانک حکومتی ابتدا ایتدی . X

﴿اورلئان خاندانک حکومتی﴾

حامدان مدکور دن «فراسه» ده اون ایکنجی لوئی ۱۴۹۸ —
برنجی فرانسوا ۱۵۱۵ — انکجی هاری ۱۵۴۷ — ایکنجی
فرانسوا ۱۵۵۹ — طقوزنجی شارل ۱۵۶۰ — اوچنجی هاری
۱۵۷۴ حکومت سورمسلدور .

7 اورہ ایکنجی لوئی Louis XII — موما الہ ۳۶ یاشنده
فرانسه تختہ جلوس ایلدی . درحال «بریتانیا» دوقہ لغنک
الدن کیتامسی ایچون (سکزنجی شارل) ک زوجہسی (آن دو
بریتانی) یی تحت ازدواحنہ آلوب بعدہ کافہ تکالیف میرہینی
برثلث نسبتده تنزیل و محکمہ لری اصلاح وعسکری تنظیم
ایدہ رک سلفی (شارل) مثللو اینالیاده کائن «میلان» ، «ناپولی»
حکومتلرینک استردادینہ قیام ایتدی ۱۵۰۰ ؛ میلادندہ
(لودوویق سفورزا Ludovic Sforza) و ناپولیدہ (ایکنجی
فرہدریق) اجرای حکومت ایتکده ایدیلر .
(لوئی) هر نه قدر ونديکيلردن آلدینی عساكر معاونه

ایله «میلان» ک ضبطنه موفق اولدی ایسه ده «ناپولی» نک استیلاسنه قیامنده اسپانیا قرالی (قاتولک فردیناند) ایله قطعه مذکوره نک ضبط وینلرنده تقسیمه خفیا قرار ویردیلر ۱۵۰۳ . او صرعه ده «ناپولی» قرالی بولنان (ایکنجی فره دریق) اسپانیوللرک جنرالی متفق ظنیه شهره ادخال ایلمش وحیه اهانته دوچار اولدیغنی آگلانجه حدتانه رک شهر مذکوری فرانسه قرالی (اون ایکنجی لوئی) یه بالتسلیم کنیدیسی وفاته قدر فرانسه ده کمال آسایشله امرار ایام ایلمشدر .

فرانسزلر «ناپولی» نک بو صورته ضبطدن سوگرمه تقسیمی امرنده اسپانیوللرایله مشکلاته تصادف ایلمشدرکه: بومشکلات (قاتولک فردیناند) ک مظفریتلریله ختام بولمش و «ناپولی» الکاسی اسپانیوللر ید استیلاسنه انتقال ایلمشدر ۱۵۰۴ .

بو صرعه ده پایالق مقامی احراز ایتمش اولان (ایکنجی ژول Jules II) دره بکریخی دائره اطاعت و تحت انضباط و تأمینه آلقده ایدی . او وقت پایا مستملکاتندن برقاج شهر وندیکیلر طرفدن ضبط اولنش اولدیغدن (ایکنجی ژول) مذکور شهرلرک استرداد ایچون (اون ایکنجی لوئی) ایله (برنجی ماقسیمیلین) ک اتفاقلرینی استحصالیله رک وندیکیلرک پایا مستملکاتندن طردینه موفق اولمشدی .

پایا وندیکیلر طرفدن مطلوباتی استحصالی ایتدکدن سوگرمه (لوئی) ایله (ماقسیمیلین) ک ایتالیدان دفع و اخراجنه

قیام ایدہ رک ابتدا آلمانیا لیری قاجر مش و بعدہ وندیکیلیر ایله
ایتدیکی اتفاق خفده سعی و غیرتی آرتیرہ رک فرانسزلر ایله
محاربه به باشلامشدر ۱۵۰۹ .

(لوئی) نك روما حکمدار جسمانیہ سیله باشلادیفی محاربه
مؤخرأ منازعۃ مذهبیه رنگنی آلفله (قاتولک فردینساند) ،
(برنجی ماقسیملین) ، (سکزنجی هازی) پاپا طرفی التزام
و فرانسزلرک ایتالیان طردینه قیام ایلدیلر . نہایت (لوئی)
غایت آخر شرطلر ایله فرانسه علمینہ حرکت ایدن اوج حکمدارک
هر بریلہ آری آری صلح عقد ایدہ رک ایتالیان کف ید
ایتمش و «پارس» . عودتندن سوگرہ ۵۳ یاشنده اولدینی حالده

وفات ایلمشدر ۱۵۱۵

، برنجی فرانسوا François Ier — موما الیہ برادری
(لوئی) دن سوگرہ فرانسه تختہ جلوس ایلدی . بو ذات تحت
حکومتہ جلوسنده سفلرینک کندی به ترک ایتمش اولدینی
« میلان » حکومتی اوزرنده اولان حقوقی دعوا به قیام
ایتدی . ۵۰,۰۰۰ عسکر ایله « ایتالیا » به کجدی . بو صرہده
میلان دوقه سی (سفورزا) اسویچرہ لیلرک مظاهرت و
معاونتیلہ مقابلہ و مدافعه سنہ چیقہرق یینلرنده « مارینیان
Marignan [۱] » ده (قهرمانلر محاربه سی) عنوانی ویردکلری
[۱] میلانک شرق جنوبنده و (۱۵) کیلومترہ بعدنده اولہرق
« لامبرو » چایی اوزرنده بر شہردر .

محاربه مشهوره ظهور ايتدی . (فرانسوا) متفق بولسان
ونديکيلارک انضمام معاونتيله نتيجه حربي قازانديغندن « ميلان »
دوقه لى فرانسزلرک مالکانه سى اولمشدر ۱۵۲۲ .

اشبو قهرمانلر محاربه سنده (فرانسوا) فوق العاده ابراز
شجاعت ايلديكى جهتله کسب ضرور ايدهرک بالجله اوروپاي
ضربى به حکم ايتک خيالرينه دوشمش ايدى .

« اسپانيا » ، « آلمانيا » حکمدارلقرينى يد نفوذنده جمع
ايتمش اولان مشهور (شارلکن Charles-Quint) بو صرده
آلمانيا ايمپراطورلتنک ايتاليا اوزرنده کى حقوقى ادمايه قيام
ايتمکله (برنجى فرانسوا) آکا اعلان حرب ايتدى . کبر
وعظمتندن متفق آرامقه بيله تنزل ايتمه رک باشلى باشنه ميدان
مخاصمه به آتلمشدر .

(شارلکن) ايسه بالعکس انکلتزه قرالى (سکزنجى هازى) يى
و (پاپا) ايله « وندیک » حکومتى و (فرانسوا) نک تحت
تبعيتنده بولسان بعض دره بکلى اتفاقه آلمش ايدى . حربک
دوره اولاسى (فرانسوا) به مساعد اولوب ايتالياده متفقله
قارشى غالبانه محاربه لر ايتمکده و نهايت « پايه Pavie [۱] »
قلعه سنى محاصره ايلمکده ايدى . بو محاصره ايله مشغول ايکن
عساكر متفقّه مغلوبه کنديلرينه انتظام و رونق تام و يروب
[۱] ميلانک غرب جوييسنده و (۳۰) کيلومترو بعدنده اولهرق

« پو » نهري قربنده در .

فرانسه عسکرینی احاطه ایدہ رک تضییقہ باشلادیلر . بونک اوزرینہ وقوعه کلن حرب فرانسلرک مغلویتی ایله (فرانسوا) نک بلیہ اسارتہ دوچار اولمسی انتاج ایلدی ۱۵۲۴ . بو آراق (شارلکن) مقر اداره سی بولنان « مادرید » شہرندہ بولندیغدن (فرانسوا) کندیسنک طلبی اوزرینہ شہر مذکورہ کوتورلدی ایسہدہ (شارل) دن مأمول ایتدیکی معاملہ یی کورہمدی .

بومغلویت عظیمہ اوزرینہ (فرانسوا) نک والدہ سی (لوئز دو صاوا) سلطان سلیمان قانونی حضر تیرینہ ایلچیلر کوندر وب (شارلکن) علیہنہ معاونتی استرحام ایتیش و حضرت پادشاہ دخی « فرانسه » یی زیر حمایہ سنہ آلہرق آوستریا و مجارستانہ دفعا تله سفرا یدوب کرک (شارلکن) و کرک برادری (فردیناند) ک عسکرینی پریشان و «ویانہ» یی محاصرہ ایلہ مشدر ۱۵۲۵ . [«مہاج» محاربہ مشہورہ سی اسفار مذکورہ نک مقدمہ موفقیتیدر .]

فرانسه قرالک اسارتی اوروپادہ تأثیرات عظیمہ یی موجب اولہرق هرکس قرالک اسارتی سبیلہ آرتق «فرانسه» یی (شارل) ک ملکی نظریلہ باقہہ باشلامش ایدی . لکن (فرانسوا) اسارتدن خلاص ایچون (شارل) طرفندن تنظیم اولنان و هرقرہ سی فرانسه ایچون مضر بولنان معاهدہ صلحیہ یی امضا ایدوب مقر حکومتہ عودت ایلدی ۱۵۲۶ . قورتیلور قورتلمز امضاسنک حکمنی انکار و ایتدیکی یمنی فراموش ایدہ رک تکرار «ایتالیاء» دہ محاربہ یی باشلادی .

بوصره ده (سکزنجی هازی) مقدما (شارل) ایله ایندیکی
اتفاقى ترك ایله فرانسه طرفی التزام ایتمش وعموم ایتالیا اهالیسی
دخی (شارلکن) که اداره سندن خوف ایله (فرانسوا) طرفه
میل ایلمش اولدقلرندن آره دن جزئی بر زمان سرورنده جمله سی
(فرانسوا) ایله برلشدیلر و (شارل) علیه (اتفاق مقدس)
عنوانی ویردکاری بر اتفاق عمومی عقد ایلدیلر . فقط طالع
حرب بودفه دخی (شارلکن)، مساعد جیقمغله طرف طرف
مغلوب اولان فرانسزلر ۱۵۲۹ ده « قامبره Cambrai [۱] »
شهرنده عقد اولنان معاهده بی امضالغه مجبور اولدیلر .

معاهده مذکورده دن سوگره (فرانسوا) ایله (شارلکن)
بیننده بر نتیجه قطعی حاصل ایدلمکسزین بر ایکی دفعه دها محاربه
وقوعه کلمش ونیجه قانلر دوکلدکدن سوگره طرفین قازاندقلرینی
اعاده ایله عقد صلح اولنمشدر ۱۵۴۴ .

بونجه مشاغل حربیه آره سنده اصلاحات داخلیه بی دخی
الدن بر اقامش وفرانسده شعر وانشانک وصنایع نفیسه نک
ایلك حامیسی کندیسى بولنمشدر .

ایکنجی هازی Henri II — (برنجی فرانسوا) نک تاریخ
وفاتی اولان ۱۵۴۷ سنه سنده اوغللرندن (هازی) (ایکنجی
هازی) عنوانیله فرانسه تحت قرالسنه جلوس ایلدى .

[۱] « اسقوت » نهړینک بر آياغی اوزرنده و « لیل » شهرینک (۵۰)
کیلومتره بعد جنوبیسنده کائن بر قصبه در .

موما الیہک پوتیقہدہ اتخاذا ایلدیکی باشلیجه مسلك اسپانیا دولتشك قوت و قدرتی كسر و تقلیل ایتمكدن عبارت اولدیغندن اول امرده فرانسه نك شمال و ضرب طرفلرنده بر چوق یرلره صاحب اولان انكلیزلر ایلہ حربہ کیریشوب ایکی یوز سنهدن بری تحت اداره لرنده بولسان « قاله » شهرینی استرداد ایلہ انكلیزلرك استیلا و نفوذندن فرانسه یی قورتارمش و سوگرده (شارلكن) ك بغض و عداوتی جلب ایتمش اولان آلمانیا پروتستانلرینی داخل اتفاق ایدرك اسپانیوللر ایلہ محارباتہ باشلامشدر . لکن ایتدیکی محاربانده مغلوبیت كندی طرفنده قالمقلا برمدتجك ایچون عقد متاركیه مجبور اولمشدی . آرهدن چوق كچمه دن (هازی) یكیدن اجرای خصومه ابتدار ایلہ آلمانیا بچمنده بیان اولنه جنی اوزره ۱۵۵۲ ده «وردون Verdun»، «تول Toul»، «مچ» قلعه لرینك فتح و ضبطنه . وفق اولدی .

(ایکنجی هازی) نك زوجه سی اولان (قاترینه دومدیجی) دن اون نفر اولادی دنیا به كلش ایسه ده (فرانسوا) ، (شارل) ، (هازی) نامنده کی اوغللری معمر اوله رق بدرلرینك وفاندن سوگره اوچی دخی بر برینی متعاقب مقام حكومه كچمشدر ۱۶۰۰ ایکنجی فرانسوا François II — موما الیه ایلہ والده سی بولسان (قاترینه دومدیجی Catherine de Médicis) قاتولك آیینده بولندقلری جهتلہ زوجه سی (ماری استورات Marie Stuart) ك منسوب اولدینی (گیز Guise) خاندانك تحریك

و تشويقيه او تاريخده فرانسه ده انتشاره باشلامش اولان پروتستانلر عليه قيام ايله بونلری فرانسه دن طرده تشبث ايلدی . حالوکه خاندان قرالیدن اولوب گيزلرك باشليجه دشمنلری بولسان (بوربون Bourbon) پرنسلى ايله فرانسه نك متفد دره بکلى پروتستانلری التزام ايلدکلرندن بو حال بالطبع فرانسه اهايسنك ايکي به انقسامی انتاج ايلمش (و فرانسوا) بر بچق سنه احرای حکومتدن سوگړه ۱۷ ياشنده بولنديني حاله بلاولده ذکور وفات ايتمکه برادری (شارل) (طقوزنجی شارل) عنوانيله فرانسه تحت قراليسنه جلوس ايتمشدر ۱۵۶۰ .

۸ طقوزنجی شارل دس بار تلمی و قهسی — بو قرالک زمانی قاتولک و پروتستان مذهبلى منازعه سيله فرانسه نك ايکي به آپرلدينی بر وقته مصادف اولوب ذاتاً صفر سنی جهتيه وصيلک مأموریتی والده سی (قاترينه دومديچی) به ویرلش اولديغندن پروتستان مذهبی ترویج ايدنلر ايله خیلی محاربات داخلیه وقوعه کلشدر .

موما اليهانك ال آلتندن بعض پروتستان پاپاسلريله رؤسانسی اعدام ايتديرمکه باشلامسی پروتستانلرك سلاحه صارلمسی انتاج ايتمش ايدی . محاربات واقعه غایت دهشت وشدتلی بر صورتده بدأ ايدمك طرفین خیلی قان دوکديلر . محارباتدن اوصاندقلری وقت عقد صلح ايدوب گویا تقويه صلح ايجون

قرالک همشیره سی (مارگریت Marguerite) ی پروتستانلرک
 سرامدان طرفگیراندن اولوب « ناوار » قralی عنوای حائر
 بولنان (هازی دو بوربون) ه تزویج ایتدیلر سده بو صهریت
 اعهای خصوصت امرنده بر تاثیر گوستره میوب نهایت (سن بارتلمی
 Saint — Barthelemy) نامیله معروف اولان وقعه مدهشهنک
 ظهورینی تسریع ایدن منازعات و محاربات کسب تجدد ایلدی .
 سن بارتلمی وقعه سی — وقعه مذکوره فرانسه ده قاتولکلر
 طرفندن پروتستانلرک محوی تصور ایدیله رک فی ۲۴ اغستوس
 سنه ۱۵۷۲ ده غایت دهشتلی بر صورتده ظهور ایتمش و فراسه ده
 چوق قان دو کیلوب پروتستانلردن نیجه جان تلف ایدلمش ایسه ده
 تصورات واقعه نک تمایله اجرا سنه موفق اولنه میه رق صوگره لری
 پروتستانلر بر لشوب قral (اوچنجی هازی) دن کندیله لری
 ایچون حریت وجدان استحصال ایلمشدر .

بو وقعه مؤله دن صوگره (شارل) ده ا چوق یشامیوب
 وفات ایتمکله . قامنی برادری (هازی) (اوچنجی هازی) عنوانیله
 احراز ایلدی ۱۵۷۴ .

اوچنجی هازی Henri III — (هازی د ، آنژو) اسمی
 ایله دخی یاد اولنورک مومالیه اولجه « لهستان » قralی اولوب
 برادری (شارل) ک وفاتی اوزرینه اورایی ترک ایله فرانسه یه
 عودت و تخت قralی یه جلوس ایلدی .
 بو آرائق فرانسه داخلنده ضبط وربط مفقود حکمنه

کیروب ولایت مأمورلی ایلہ سائر بیوک شهرلر اہالیسی بولندقلری ولایت وشہرلردہ اسکی درہ نکلیری مثللو استقلال داعیہ سنہ قالقشدقلرندن بونی اتحاد فرصت ایدن پروتستان گروہی دخی قیام ایتدیلر. قرال ایسہ محارہ داخلیدن

خلاص ایچون پروتستانلرہ عفو عمومی اعلان ایلدی ۷. قاتولکلرہ گلنجہ قرالک بومعاملہ سندن فوق الحد دلگیر اولوب پروتستان قراللغٹ انتشارندن خوف ایتدکلیری جہتہ منعی ایچون ینلرنده عقد ایتدیکلیری اتفاقہ قرالی رئیس نصب ایتدیلرسده مقدما قاتولکلرک رئیس اولان (دوق ہازی کیز) اسپانیا قرالی (ایکنجی فلیپ) ک وخصوصیلہ پاپانک حمایتی وقاتولکلرک کندبسنہ اولان توجہاتی سایہ سنده فرانسه تخت قرالیسنہ قعود ایتک فکرندہ بولندیقندن کرک (ہازی دوکیز) وکرک پروتستانلرک رئیس بولنان (ہازی دوبوربون) ایلہ خبلی محاربه ایتمش ومحاربه لرک برندہ (ہازی دوکیز) وفات ایتدیکی کبی انکاترہ قرالیچہ سی (الیزابت) ک معاونتیلہ کلن (ہازی دوبوربون) ک پاریسی محاصرہ سی انسانندہ دخی قرال ہازی فوت اولغہ (اورلٹان) خاندانک حکومتی اندراس بولمش وسلسلہ نوبت حکمداری والوآء سلاسلہ سنہ قرابتی بولنان (بوربون) خاندانہ نقل ایدہ رک (ہازی دوبوربون) قرال اولمشدر ۱۵۸۹ .



﴿ بوربون خاندانك حكومتی ﴾

خاندان مذکور دن دردنجی هاری ۱۵۸۹ — اون اوچنجی
 لوئی ۱۶۱۰ — اون دردنجی لوئی ۱۶۴۳ اون بشنجی لوئی ۱۷۱۵
 — اون آلتنجی لوئی ۱۷۷۴ حكومت سورمشلدر.

دردنجی هاری Hanri IV — (هازو دوبوربون) اسمیله
 معروفدر . مومالیه (اوچنجی هاری) نك وفاتنده انكلتره
 قرالیچهسی (الیزابت Elisabeth) ك معاوتی و پروتستانلرك
 مظاهرتی ایله اعلان قرالیت ابتدی . (نانت فرمانی) سرلوحه لی
 بر بیاننامه ایله پروتستان آیینی رسماً طانیهرق عاربات داخله یی
 بر طرف ایلدی .

اسپانیا دولتی ایله دخی (ورون Wervins) عهدنامه سنی
 تنظیم ایدرهك فرانسه نك هرطرفجه صلح و آسایشی اعاده وتأمین
 و سلفلرینك اصلاح ایدیه میه جك درجه یه کتیرمش اولدقلری
 مضایقه مالیه نك تسویه سنه قیام ایتمش و مقدا سلاح آرقداشی
 اولوب عقل و ذكاسیله تمیزیدن (سولی Sully) یی مالیه ناظری
 نصب وتعیین ایلمشدر .

مومالیه امور آشنالنی سایه سنده دولتجه اولقدر تصرف
 واولدرجه حسن اداره یه موفق اولدی كه : اولکینك نصفندن
 آز بر ایراد ایله مصارفات قبادیله بیلدی . (هاری) نك همتی
 و (سولی) نك غیرتی ثمره سی اوله رق صناعت و باخصوص

زراعت کوندن کونه ترقیه باشلا یوب بونلرک محصولی خارجه
صائمقدن عبارت اولان تجارت دخی تأمین وترویج اولندیقدن
فرانسه اهالیسی موما الیهک زمان حکومتمده امن وآسایشله
امرار وقت ایتمه باشلادی .

(هازی) تبعه پرور بر حکمدار عادل اولوب تبعه سنه بوقدر
حسن خدمت ایتمش ایکن ینه قاتولکلره یارانمغه موفق اوله میوب
نهایت میلادک ۱۶۱۰ سنه سی مایسنک اون دردنجی کونی وفات
ایلمشدر .

اوده اوینجی لوی Louis XIII — تاریخلرنده (بیوک هازی)
نامیله یاد اولانان (دردنجی هازی) نک وفاتنده هنوز ۹ سنلرنده
بولنان (لوی) (اون اوچنجی لوی) عنوانیله والده سی (ماری
دومدیجی) نامنده کی پرنسسک وصایتی آلتنده اوله رق فرانسه
تختنه جلوس ایلدی ۱۶۱۰ م. بالغ سن رشد اولدقدن سوکوره
اسپانیا قرالی (اوچنجی فلیپ) ک قیزی (آن دوتریش) ی تزوج
ایده رک اسپانیوللر ایله کسب صهریت ایتدی .

موما الیها سابق الذکر (قاترینه دومدیجی) منللو ایتالیا
پرنسسلرندن اولوب فرانسه یه کلدیکی زمان برابرنده کتیرمش
اولدینی (قونسینی = قونجینی Concini) بی بیوته رک مارشال
رتبه سنه قدر واردیرمش و اوغلی قرال اولدینی زمان منحل
اولان باش وکالت منصبی آکا تفویض واحاله ایلمشدر .

(قونسینی) ایله خلنی اولان (دوق دولوئن Duc de Lu-
ynes) ک باش وکالتی زمانی قاریشقلق ایله مرور ایتمشدر .

(دوق دولوئین) ك وفاتندہ (قاردينال [۱]) رتبہ سنی احرار
 ایدن (ریشلیو Richelieu) باش وکیل تعیین اولمشدر ۱۶۲۱ م.
 موما الیہ اول امرده سلك عسکریدہ بولنوب مؤخرآ
 تبدیل طریق ایله پایازلغہ باشلامش و نہایت باش وکیل نصب
 اولمشدر. کندیسى عاقل بر آدم اولوب قرالدين گوردیکی لطف
 اوزرینہ کافہ مساعیسنی اصلاح ملک و توسیع نفوذ اغورندہ
 صرف ایتدی. ازجمله امتیازلرینک کیری آلمسنہ نشبث
 ایدلدیکندن طولای مخالفت ایدن پروتستانلر اوزرینہ سوق
 عسکر ایدوب فرانسه نك سمت غریبسنده بولان «لاروشل
 la Rochelle» قلعه سنده آنلری مغلوب و یدلرنده بولان
 قلاعی استرداد ایلدی ۱۶۲۸ م.

اوستریا خانداننك کسر نفوذی ایچون آلمانیاده کی پروتستانلری
 التزام ایدہ رک ۱۶۳۵ ده «اوتوزسنه محاربه سی» نه بالمدا حله کرک
 آلمانیا و کرک پایا اردولری ایله چند دفعه محاربه ایدوب کسب
 غلبه ایدلشد.

دره بکلرینی دخی دائرہ اطاعتده بولندیرمغه قیامنده
 گورینان قصور اوزرینہ حکومت مجلسنی بلامدت تعطیل ایدہ رک
 فرانسه ده استقلال اداره نی تأمین و اهل صنایع و معارفی
 تلطیف و فرانسه لسانی دخی اصلاح و تنظیم ایدوب فرانسه

[۱] مراتب رهبانیه نك | لك بیوکر.

ایچون ترقی قون دورینی کشاد ایتدی. نهایت عینی سنه ایچنده کندیبی ایله افندیسی بولنان (لوئی) وفات ایلدی ۱۶۴۳. اورده درنجی لوئی Louis XIV — (اون اوچنجی لوئی) نك وفاتنده اوغلی لوئی (اون درنجی لوئی) عنوانیه جالس تخت اولدی. مومالیه هنوز ۵ یاشنده بر صبی بولمسی حسبیه والدهسی (آن دوتریش Anne d'Autriche) [اوچنجی فلیک قیزیدر] وصیه تعیین اولتوب باش وکالت منصبی دخی (مازارن Mazarin) نامنده بر قاردیناله تفویض و احاله قلندی.

(مازارن)ك خصماسی ایه اتی اوج اعلای اقبالدن دوشیرمک ایچون (فرودور) نامیه عظیم بر جمعیت تشکیل ایندیله. بو جمعیت ۱۶۴۸ دن ۱۶۵۱ تاریخنه یعنی قرال (لوئی) نك واصل سن رشد و کمال اولدینی زمانه قدر دوام ایده بیلمش و بعده برطرف ایدلمشدر.

محاربات داخیه اورته لنی هرج و مرج ایدر ایکن خارجاً دخی بروجه آتی بیان اولنان اسپانیا و آلمانیا ایله محاربه لرده دوام ایدلمشدر. شویله که: (مارارن) سانی (ریشلیو) کبی آلمانیا ایمپراطور انك کسر نفوذی ایچون آلمایاده کی محاربه مذهبییه [اتوز سنه محاربه سی] بالمداخله پروتستانلرک حامیبی بولنان اسوج دولتی ایله متفقاً اسپانیا، آلمانیا دولتری ایله محاربه ایده رك دشمنلرینه کسب غلبه ایلدی. وقوعات حربیه نتیجه سنده فرانسه یه «الساس» قطعه سنی ترك ایتدیروب پرو - تستانلرک حقوقی ده آنلره تصدیق ایندیردی ۱۶۴۸. ایکن

آلمانیا پروتستانلری التزام ایدن حکمدارانه ابتدیی امانات تقدیه دن طولانی فرانسه نك موازنه مالیه سنه خلل کلی کتیر- مشدر. بونك اوزرینه اصلاح امور مملکته مباشرت اولته رق ازسرنو شیرازه امور دولته انتظام و رونق ویرمشر و قرال (لوی) به اسپانیا قرالی (دردنجی فلیپ) ك قیزی (ماری تره ز Marie Thérèse) ی تزویج ایتملیله حضور و آسایش مملکتی برقات دها تأیید و تحکیم ایلمشدر.

(مازادن) ك تاریخ وفاتی اولان ۱۶۶۱ سنه سنده (لوی) باش وکیل تعیینندن فراغتله زمام اداره یی بد استقلالنه آلدی. صلح و آسایشدن استفاده طرفی بالالتزام در حال وکلادن هر برینك وظایفی تحدید و تعیین و هر ایش ایچون مستعد و اهلیتی مأمورلر انتخاب و تدارك ایده رك حصول ترقی به اقدام تام ایلدیکی کبی مالیه ناظری (فوکه Fouquet) یی ارتکابندن طولانی عزل و یرینه مقدا (مازادن) ك توصیه ابتدیی (قولبر Colbert) نصب و تعیین ایلدی.

بو ذات امور مالیه یی درعهده ابتدیی زمان فرانسه نك اصول مالیه سی پك فنا بر حالد بولندیغندن در حال زراعتی توسیع ایچون املاک ویرگولرینی تنزیل و برنجی دفعه اولق اوزره واردات و مصارفات بودجه سنك تنظیمی اصولی احداث و موجود فابریقلره خزینه دولتن نقداً امانه و ممالک اجنبیه دن کلن معمولاتدن زیاده رسوم اخذ ایله برابر داخل مملکتدن

جیقان اشیا ایچون رسم آلمنسی لفو و دره بکلرینک اهاییه قارشى اولان نفوذینی کسر ایچون قرالی تشویق ایدهدک محاکم موجوده یی تنظیم ایلدی. . . .

(قوابر)ک همت و غیرتیه فرانسه مک امور مالیه و اداره داخلیه سی کسب انتظام ایندیکی کبی جهت عسکریه سی دخی (لووا Louvois) نک همتیه تنظیم اوله رق فرانسه عسکری غبطه بخش انظار اجانب اوله جق هیئت وضع اولمشدر.

۱۶۶۵ ده (لوئی) نک قائم پدری اولوب اسپانیا قرالی بولنان (دردنجی فلیپ) ک وفاتی اوزرینه زوجه سنه ارنّا انتقال ایدهدک اولان «بلجیقا» ایله ممالک سائره نک استیلاسنده هولانده لیلر انکلتزه واسوج دولتلرینک معاونتیه (لوئی) علیه حرکت ایتمش اولدیضدن (لوئی) اراضی مضبوطه دن بر ازیی رد ایله عقد صلح ایتمش ایسه ده بروحه مشروح وقوع بولان صلاحی مؤخرأ هضم ایدهدماملکه ۱۶۷۲ ده دیپلوماتلری واسطه سیله مقدا علیه حرکت ایدن انکلتزه «اسوج» دولترینی طرفه جلب ایدهدک فلمنک اوزرینه تعرضه قیام ایلدی. بو صرهده فلمنکیلر «آمستردام» شهرینه چکیلهدک (گلیوم دورانژ Guillaume d'Orange) ک غیرت وفداکارلنی ایله دگر سورلری و صو بندلری آچدیریله رق بتون ممالک صو آلتده قالمغه فرانسه عساکری حرکت دوامدن عاجز قالوب مجبور رجعت اولدی. بو صرهده انکلتزه یه راجع «دونگرک» شهرى ولیماتی (ایکنجی شارل) دن صاتون آلدی.

• انکلتزہ ، قرالغنی احراز ایله (کلیوم) علیہہ فرانسیہ
التجایدن (ایکنجی زاق) ایچون سوق عسکر اولمش ایسده
مغلوباً عودت ایدلمشدر ۱۶۹۷. فقط ۱۷۱۳ ده (اون دردنجی
لوئی) اسپانیا و باویرایلر ایله برلشمش ایسده انکلیزلرک
(مالبورو) قوماندہسندہ اولان انکلتزہ و پروسیا متفق اردوسه
مغلوب اولهرق اسپانیا و راتی محاربه سنہ ختام ویرن (اوترخت
Utrecht) معاهده سنی عقدہ مجبور اولمشدر .

الحاصل • جزایر ، ی طوبہ طوتمش و فرانسه نك عظمت
و اقبالی چکمیان اوروپا دولتری [اسپانیا و آلمانیا] ایله ده
ایتدیکی محارباتده کسب غلبه ایدهرک ۱۶۹۷ ده (ریس-ویک
Rysvik [۱]) معاهده سنی عقدہ موفق اولمش و فرانسه نك شان
و شهرتی برقات دها عالمه طویورمش ایسده فرانسه خزینہ سنك
حال و وسعتی خلفی (اون بشنجی لوئی) خالی بولمشدر .

اوره بشنجی لوئی Louis XV — موما الیه بیوک پدری
(اون دردنجی لوئی) نك وفاتسده • یاشسده اولدینی حالده
مقامی احراز ایدوب وصیلک خدمتی قرال خاندانه منسوب
اورلٹان دوقه سی (فلیپ) • ویرلدی .

بو اداره زماننده و ۱۷۱۸ ده اسقوجیالی بر ساعتجینک
(جون لایو John Lav) نامنده کی اوغلی (دولت باقه سی) نامیله
بر باقه تأسیس ایدهرک قوائم نقدیه اخراج ایلدی .

[۱] فلمنکده کاش بر شهر اولوب «لاهی» شهرینک (۴) کیلومتر و
بعدنده و شرقی جنوبسندہ دره .

بو باقیه دولتی بر درجهیه قدر بورجدن قورتاردی ایسه ده
مؤحرراً حکومت طرفدن قوائمک خزینسهیه قبول اولمیه جنی
اعلان ایدلدیکندن مذکور بانقه اعلان افلاس ابتدی | ۱ | ۱۷۲۰ .
تاریخ مذکور دن اوچ سنه سرورنده (لوی) ۱۳ سنه
وصول بولدینی و (قایب) دخی وفات ایدلکی جهته زمان
حکومتی ید اقتدارینه آلهرق اولاباش وکات منصبی احراز
ایدن (دوق دو بوربون) وبعده (قاردینال فلوری) ایله حکومتی
اداره ایلمشدر .

۱۷۵۶ ده آوستریا ایمپراطور یحیی (ماری ترمز) ک رجا
ونیازی اوزرینه آوستریا و روسیه ایله بالانفاق پروسیا قرالی
(بیوک فرهدریق) بکچی فرهدریق و انکلتره قرالی
(ایکنجی یورکی) و باویرالیر علیهنه حرکت ایدرک (یدی
سنه محاربهسی) عنوانیه مشهور محاربه ده بولمیش ایسه ده
فرانسه ده کسب نفوذ ایتیش اولان (پومپادور) نامنده کی قادینک
مظهر التفاتی اولهرق قوماندانلق مقامی احراز ایدن گنج
ضابطلرک قوماندایه عدم اهلیتلرندن ناشی (فرهدریق) اردوسنه
مغلوب اولدقلرندن فرانسه دولتی قوه بحریه سنی غیب ایدوب
(هوبرتسبورغ) معاهده سی موجبجه هندستان مستملکاتی
و آمریقادر « قامادا » ایالتی انکلتره یه ترک ایتمکه مجبور اولدی
۱۷۶۳ .

[۱] قوائم و بانقه شرکتی مؤسسلکی مرقومه عطف اولنیور .

۱۷۷۴ء اورہ آلتیہی لوی Louis XVI — (اون بشنجی لوی) نک
 وفاتندہ (اون آلتیہی لوی) عنواتی آلان اوغلی (لوی)
 فرانسه تختہ جلوس ایلدی ۱۷۷۴ .

بو ذات خیر خواہ بر حکمدار حلیم واولدقہ فطین اولوب
 جلوسیلہ برابر ذوق وسفاہتہ متعلق خصوصاتی منع و وکلالتق
 مسندینی احراز ایتمش اولان بداصللری عزل ایدہرک یرلرینہ
 عامہ نک حسن توجہنی قازانمش اولان (تورغو Turgot) ،
 (مورہ پا Maurepas) و امثالی ذواتی تعیین ایتدی .

(لوی) آمرقالیرک متبوعلری اولان انکلیرلر علیہنہ
 قیاملرنده آمریقالی (فرانقان) ک تشویقیلہ آمریقا محارباتہ
 بالداخلہ ۱۷۸۳ دە متفقین ایلہ برلکده حرکت ایدہرک انکلترہ
 دولتی مغلوب و «ورسای» دە عقد اولنان معاہدہ ایلہ آمریقا
 حکومت مجتہعہ سنک استقلالنی طانیغہ مجبور ایتدی . بو
 صرہده انکلیرلرک «آنتیل» اطہلری ایلہ «هندستان» دە واقع
 مستملکاتندن بعضیلری فرانسرلرہ انتقال ایلدی .

لکن مضایقہ مالہ اصلاحی غیر قابل بر رادہ یہ کلش
 واستقراض قبولری دخی سد و بند ایدلمش ایدی . اشبو
 مشکلات مالیهی تسویہ ایتک اوزرہ ۱۷۸۹ دە «ورسای»
 شہرندہ بر مجلس عمومی کشاد اولندی . امور مالیهی اصلاح
 ایچون اوج صنفدن یعنی زادکان، رهبان وعوام طاقندن عبارت
 اولوق اوزرہ بر مجلس تشکیل ایدلمش اولوب بونلردن زادکان

ایله رهبان ویرگودن معافیتی کبی امتیازاته نائل وعوام صنقی
مظلومیت حاللرندن اشتکایه مائل ایدی . مبعوثین منتخبه نك
ایلك اجتماعلرنده خیلی منازعه وعربده ظهوره کلمش ایسه ده
اوجنچی صنف مبعوثلری ایچنده (مادام رولان) ، (میرابو
Mirabeau) و امثالک تحریکله فرانسه نك ۱۷۸۹ وقواتی
میدانه کتیرلمش وبو وقوعات میلادك ۱۷۹۵ تاریخنه دگین ۶
سنه دوام ایلمشدر . بومدت ایچنده مجلس عمومی کسب قوت
ایده رك برطرفدن اصلاح قوانین داخلیه ایله اوغراشمقده وبر
طرفدن دخی یکدیگریله اتفاق ایده رك فرانسه ده استقلال
اداره بی اعاده ایتکه قیام ایدن اسپانیا قرالی (دردنجی شارل)
و آوستریا ایمپراطوری (ایکنجی لئوپولد) ایله پروسیا قرالی
(ایکنجی فرهدریق ویلهلم) ك « فرانسه » یه اینمش اوردقلری
هجومه مقاومت ایتکده ایدی . عاقبت مجلس مذکور فرانسه
حدودینی تجاوز ایدن متفقین اردوسنی مغلوب و آنلری رجعت
مجبور ایتمش و (لوئی) نك تاریخ وفاتی اولان ۱۷۹۳ ده « پارس »
ده اعلان ریاست ایلمشدر . بو هنکامده (لوئی) نك زوجہ سی
آلمانیا ایمپراطوری (ایکنجی ژوزف) ك همشیره سی (ماری
آنتوانت) ایدی .



﴿ قونوانسیون ﴾

ماده ۱۷۹

ریوجیه مشهور (لوئی) نك وفاتیلہ « پارس » ده اعلان

ریاست اولندی ۱۷۹۳ . ریاست مذکورہ (دیرکتوار) حکو-
متنک تاریخ ظہوری اولان میلادک ۱۷۹۵ سنہ سنہ قدر
: (قونوانسیون) نامیلہ ایک سنہ دوام ایدہ بیلدی .

مدت مذکورہ ایچندہ اداره حکومت (مارا Marat)
و (دانتون Danton) ، (روبسپیر Robespierre) ک تحت
نفوذینہ کچمکلہ بر طرفدن فرانسه یی تهدیدہ قیام ایدن دولتر
علینہ سوق عسکر اولنقدہ و دیگر طرفدن دخی داخلی وقوع
بولان قاریشقاغک اوکئی آلق ایچون بیکلرجه کسان قتل وتلف
ایدلکده ایدی . حتی (قونوانسیون Convention) دنیلان
مجلسک مقسم اولدنی (مونتانیار Montagnards) ،
(ژاقوبن Jacobins) ، (ریروندن Girondins) دنیلان
اوج بیوک فرقه سی یئندہ نزاع و محاربه اکسیک اولیوب بونلردن
شدت طرفداری اولان (مونتانیار) یعنی طاغیلر (ریروندن)
یعنی حلم طرفداری ایله (ژاقوبن) لری بغی اسکی فضلا و حکما
طاغنی قتل ایتمشلر وعادت و مراسم عتیقه نک کافه سنی و مذهب
نصارایی بیلہ تبدیل ایلمشلردر . X

بوصرده (پولی تقیق) دنیلان مکتب عسکری و بحریه
وسائر مهندس مکتبلری و مکاتب صیانیہ تشکیل ایدلی .
تاریخ و آیلرک و گونلرک اسامیسی دخی دکشدیریلهرک برسنبی
۳۶۵ گون ۶ ساع اعتبارله هر آئی ۳۰ گون اعتبار
ایتمشلردر .

بوهنگامه فرانسه نك جنوب ولاياتده قاريشققلار ظهور
 واعدادخی ممالك مذكوره به هجوم ايتمش ايسه ده (قونوانسيون)
 مدت قليله ظرفنده بر مليون ايكي يوز بيك قدر عسکر
 سلاهلنديرروب دشمنه شدتله مدافعه ومقابله ايلدى . هله
 (مارا) ، (دانتون) ، (روبسپير) ك وفاتندن سوگره مجلس عمومى
 شدت دائمه سى بر اقوب داخلأ اعاده آسايشه همت وترك
 مشغوليتله (ديركتوار) حكومتك تشككنه غيرت ايتدى
 . ۱۷۹۵

— — — — —

﴿ ديركتوار حكومتى ﴾

حكومت مذكوره (قونوانسيون) دنيلان مجلس نظيماتك
 ربنه قائم اولدى و ۱۷۹۹ تاريخ ميلاديسنه قدر دوام ايلدى .
 بو حكومت بش يوز اعضادن مركب بر مجلس مبعوثان وبش
 نفر دن عبارت بر ده مجلس اعيالك يعنى عموم ديركتورك امر
 وحكميله اداره اولتور و بونلردن مجلس مبعوثان قوة قانونيه
 ومجلس اعيان قوة اجرائيه مأمور بامور ايدى .
 اشبو (ديركتوار) حكومتك حين ناسسند فرانسه خزينه سى
 تهي اولديني مثللو عموم اوروپايه فارسى چيقاردنلرى فرانسه
 اردولرى دخى مهمات ولوازماتك ندرتى وفقر و ضرورتك
 وفرقى درجه نهايه وارمش ايكي (پيشه غرون Pichègu) ،

(قله بر Kleber)، (مورو Moreau) (ژوردان Jourdan)
 و امثالی قوماندانلرک مهارت و شجاعتلری سایه سنده غلبه ایلمکده
 و اوستریالیلردن « بلچقا » یی و پروسیالیلردن « رن » نهری
 بوینده کی اراضی یی ضط ایتمکده و هله نورسیدکاندن (ناپولیون
 بوناپارت) ک « ایتالیا » جهتمده قازاندینی مظفریات نادیده پک
 پارلاق موقییاتدن عد اولنمقده ایدی .

ناپولیون بوناپارت — قورحقیقه لی . معتبر (شارل
 بوناپارت) نامنده کی صرافک اوغلی اولوب جزیره مذکوره ده
 « آژاقسیو [۱] » شهرنده دنیا یه ککش و « پارس » مکتب عسکریسنده
 تحصیل قون ایندکدن سوگره طوپچی یوزباشیانی رتبه سینه
 نائلیتله آلایلرده استخدام اولنمغه باشلاا شد . اوقات دائمه سنی
 کتاب مطالعه سیله گچیرر ، خصوصیه تاریخ مطالعه سنی جمله یه
 ترجیح ایدر ایدی . انکلیزلرک « طولون [۲] » شهرینی حین
 محاصره سنده طوپچی قوماندانلنی وظیفه سنی ایفا ایدرک کوردیکی
 ایشلره مکافاتاً ۲۴ یاشنده اولدینی حالد جرناللق رتبه سنی
 احراز ایلدی . لکن بر مدت سوگره گنجلیکی قصور عد
 اولنه رق سلك عسکریدن اخراجی قراری کندی یه عکس ایدنجه
 دولت علیه عثمانیه خدمته دخالت ایچون (سلطان سلیم ثالث)
 حضرتلرینه بر نیازنامه گوندرمش ایسه ده بو صرعه ده « پارس » ده

[۱] بو که یکی کویده « قورسیغه » آله سنک مرکز اداره سیدر .

[۲] الیوم فراسه مملکته و بحر سفید ساحلنده در .

ظهور ایدن فائلك تسكبنه باش قوماندان (بارراس Barras)
 تعین ایدلدیکی کبی (ناپولیون) دخی تسکبنه مأمور اولدیی
 حسیله طبعی دولت علیه کلك هتتی ترك واصدقای ملتی
 طرفدن امراطفاسی محول دوش اقتداری اولان نأثره اختلافاتی
 ازاله ایدهرك رؤسای دخی برطرف و (بارراس) ك استعفاسی
 متعاقب باش قومانداناق منصبی بالا حراز قوماندای آلتنه
 آلدینی اردویی «ایتالیا»یه سوق ایتدی. او وقت «ایتالیا» مملکتی
 آوستریانك حایه سی آلتده برطاقم اوفاق حکومتله منقسم ایدی.

ایتالیا سفری ۱۷۹۶ : ۱۷۹۷ — (ناپولیون) معیت
 موجوده سی اولان قرق بیگه قریب عسکر ایله «آلب»
 طاغیرینی سریعاً مرور و ناگاه صاعقه کبی «ایتالیا» ده ظهور
 ایتدی. هر نه قدر ایتالالیر متفق و حامیسی بولنان آوستریالیر
 ایله برلکده مقابله و مدافعه سنه جیقمش ایسه لرده دوچار انهمزام
 اولدقلرندن عاقبت آوستریالیر «ایتالیا» دن چکلمش و حامی سز
 قالمش اولان «ایتالیا» حکمدارلری و خصوصیه «ساردنیا»
 قرالی و پاپا جنابلری تضمینات کلیه اعطاسیله (ناپولیون) تابع
 اولمشلر در .

ویانه سفری ۱۷۹۶ : ۱۷۹۷ — (ناپولیون) ایتالیا
 مظفریتدن سوگره «ویانه» اوزرینه حرکت و آوستریا اردولرینی
 «رن» نهری بوینده پریشان ایدهرك آوستریا و آلمانیا ایمپراطوری

(قرون اخیرہ تاریخی)

جی فرانچ France II = ایکنجی فرانسوا دن ولومباردیا، نك
« فرانس » اراضیسی ایله « بلجیقا » قطعہ سنی اخذ و ضبط
ایلدی .

اسویچر مدہ (هلوتیا Helvetia) وفلمنکده (اوراتر)
فامیلیاسنك مقامنه قائم اولمق اوزره (باتاویا Batavia)
حکومتلرینك ظهوری بوزمانه مصادفدر .

مصر سفری ۱۷۹۸ : ۱۷۹۹ — ناحیہ طرفه یابلمش
اولان (نابولون) آوستریامظفریتدن موکوره (دیرکتورلر) ایله
بالمشاوره انکلتزه اداره سنده بولان « هندستان » قطعہ سنك
آلمسنه و فقط بونك حصولی ایچون اول امرده « مصر » ك
ضبطنه قیام و قرق بیک قدر منتظم عسکری کبیلره ارکاب ایله
حرکتہ دوام و گذرگاهی اولان « مالطه » جزیره سنی شوالیه لری
الندن بعدالضبط عسکرینی « اسکندریه » یه جیقاره رق رکز
خیام ایلدی . لکن چند کون مرورنده (نلسون Nelson)
قومانداسیله کلن انکلتزه دونماسی فرانسه سفائننی « آبوقیر » ده
غرق و احراق ایتدی ۱۷۹۸ م .

او وقت « مصر » قطعہ سی کوله منلیلر طرفندن دولت
علیه عثمانیه نامنه اوله رق اداره اولتمقده ایدی . (نابولون)
ایسه « مصر » ك ضبطی کوله منلیلر ایله چارپشمغه منوط اولدیغنی
بیلدیکی جهتله اردولرینی آنلر اوزرینه سوق و تحریک ایتدی
ایسه ده کوله من عسکری دنیا ده اك جسور سواریدن معدود

اولدینی و سرداری دخی (لاپولین) بك اسمده شجیع بر ذات بولندینی جهته میا به ده وقوعه كلن محاربته اول امرده فرانسزلر مغلوب اولمشلر ایسه ده مؤخرأ مطهر غلبه اولدقلرندن « اسکندریه » ، « قاهره » و امشالی شهرلر ضبط اولمقله خطه مصریه (ناپولیون) ك ید استیلاسنه انتقال ایامشدر .

آندن صوگره (ناپولیون) « سوریه » قطعه سنی ضبط ایچون « عكه » یه قدر كلهرك قلعه بك محاصره سنه اقدام نام ایتمش ایسه ده (جزار احمد) پاشا قومانداسنده اولان و بطام عسکرندن عبارت بولنان قلعه محافظلری فرانسزلرك شدتلی هجوملرینی قهرمانانه مقابله و مدافعه ایله رد ایلدیکندن نهایت (ناپولیون) رجعتیه مجبور اولمش و بو صروده « فرانسه » ده (قونسول) انتخابی ماده سی میدانه چیقمش و (ناپولیون) « حقیأ حبرلر کلمکه بولنش اولدینی کبی » فرانسه مستملکاتنك دخی دول منفقه طرفندن تضییق کو: دیکنی و روسیه ایمپراطوری (پل Paul) یعنی (پاولو) دخی (سوووروف Souvourov) قومانداسیله اردولرینی آوستریا ایلر ایله متفقأ « ایتالیا » یه سوق و « آددا Adda » نه ری جوارنده نائل فوز و غلبه اولدقلرینی حبر آلمسی اوزرینه « هندستان » کیتمك فکرندن صرف نظرله « مصر » ده جنرال (قله بر Kleber) ی قائم مقام ترك و کندیسی « ماریاسیا » طریقله فرانسه یه عودت ایامشدر .

(بوناپارت) « پارس » و وصولنده دیرکتورلردن (سیهس

Siéyès) نامندہ کی ذات ایلہ اتفاق ایدہ رک (دیرکتوار) حکومتی
برینہ (قونسولا) یعنی (قونسولاق) حکومتک تأسسنہ صرف
مساعی ایلدی .

لکن (ناپولیون) ك «مصر» ده برافدینی اردو درت بش
سنہ قدر قالہ بیلوب نہایت عثمانلی و انکلز عسا کرینہ مغلوب
اولغین تسلیمہ مجبور اولدیلر .

✕

﴿ قونسولا حکومتی ﴾

⁺ (ناپولیون) بروجه مشروح (سیہس) ك انضمام رأیله
(دیرکتوار) حکومتی لغو و حکومت مذکورہ طرفدارانی
کندی یہ اطاعتہ مجبور ایدہ رک (برنجی قونسول) نامیلہ مقام
ریاستہ انتخاب و معیتہ دخی ایکنجی و اوچنجی عنوانیلہ ایکی نفر
قونسول تعیین ایدیلہ رک (قونسولا Consulat) حکومتی تأسیس
و تشکیل اولندی ۱۸۹۹ م .

مشارالیه رأس اداره ده استقرار بولدقده در حال امور
مالیهی تسویه و ولایتلره مستعد و اہلیتلی مأمور و حاکم کو ندرہ رک
آسایش و امنیت عامہی اعادہ و زراعت و تجارت و صناعتہ یاردم
اولق اوزرہ (فرانسہ باقمہی) نی تأسیس و کافہ نظامانہ شمولی
اولوب (قود ناپولیون Code Napoléon) نامیلہ مشہور اولان

قوانین مجموعہ کلاسی تنظیم و (لژیون دونور) نشانی اختراع کی
موفقیت عظیمہ بہ نائل اولدی

(ناپولون) فراسه ك امور داخله سی ایله مشغول ایکن
ملکنتک اطرافنی احاطه ایتمش اولان دشمنلره مرام آکلاقمق
ایچون اهلینک اولانجه غیرت ملیه وافکار وطنیه سنه هیجان
ویروب تشبثات داخله سی اکمال ایدر ایتمر معیت موجوده سیله
«سن برنار [۱]» طاغندن بالمرور «ایتالیا» ده گورندی. ۱۸۰۱ ده
آوستریا لیلر ایله «مارنگو Marengo [۲]» محابه سی اجرا
ایلدی که: محاربه مذکورہ آوستریا اردوسنک محویله ختام
بولدی . .

الحاصل (ناپولون) «ایتالیا»، «اسپانیا»، «آوستریا»،
«پروسیا»، «آلمانیا» مملکتلرینی زیر وزبر ایدرک اوروپاده
نام آلمش وکدیسنه اوج بحق ملیون رأی ایله فرانسه
ایمپراطوری عنوانی ویرلمشدر ۲۱ کانون اول سنه ۱۸۰۴ م

×



﴿ایمپراطورلق دوری﴾

سرزم

۱۷

﴿ناپولیون﴾ رأس حکومتہ اقاماد ایدلمسیله فرانسه ده اداره

[۱] «فراسه» ایله «ایتالیا» آره سنده در.

[۲] «ایتالیا» نام شمالده و «پیه مون» قطعہ سنده کاشندر .

ریاست امحا ایدلمش و ایمپراطورلق دوری کشاد اولنوب مقام حکومت ناپولیون خانداننه تخصیص قلمشدر.

حکمدار مومالیه بادئ امرده اوروپا دولترینه صلحپرور بر حکمدارکبی کورینهرك دائره و دبدهنی یولنه قویدقدن سوگره بتون اوروپایی فتح ایتک وعمومنی بر ایمپراطورلق هیئته وضع ایلتمک فکرینه دوشدی.

فرانسه نك رقیب مشهوری اولان انكلتره نی دول سائره مثللو مغلوب ایله مدیکی جهتله «بریتانیا» جزیره سی اوزرینه سوق عسکرله انكلیزلرده شوكت عسکریه سی گوسترمك اوزره تداركات حربیه یه تشبث ایلدی . لکن انكلیزلر دوچار تلاش اوله رق «آوستریا» ، «روسیه» و «اسوج» دولترینی «فرانسه» علیه بر اوجنچی اتفاقه تحریك ومتفقین دخی تدارکاته مسارعت ایلدکلرندن (ناپولیون) درحال آلمانیا ایچندن آوستریا اوزرینه بالهجوم «ویانه» نی ضبط ایتدی . اورادن تبدیل حرکتله «موراویا» ده بولان وروسیه و آوستریا اردولرندن مرکب اولان عساكر متفقینی «اوسترلیچ» Austerlitz «۱» ده وقوعه کان محاربه مشهورده [بو محاربه یه (اوج ایمپراطور محاربه سی) دینور] پریشان ایلدی که: محاربه مذکوره ۱۸۰۵ سنه سی کانون اولی ایکنجی کوننه ،صادف ایدی مذکور محاربه ده ۱۰۰,۰۰۰ نفردن مرکب اولان متفقین اردوسنی روسیه ایمپراطوری

[۱] آوستریانك «بوهیمیا» ایالتی داخلنده در.

(برنجی علیکساندر) ایله آوستریا ایمپراطوری (ایکنجی فرانچ) اداره ایدر و ۷۰,۰۰۰ نفردن عبارت اولان فرانسه عساکرینی ایسه (ناپولئون) قوماندا ایلردی. الحاصل «اوسترلیچ» محاربه سی فرانسه لرک غالبیتی انتاج ایتمکله روسیه و آوستریا ایمپراطورلری صلح و امان استدعاسیله بر صحرانک اورتی یرنده اوج ایمپراطور بالملاقات «پرسبورغ» Presbourg [۱] «معاهده سنک عقدینی جانلرینه منت بیلدیلر.

بوهنکامده اسپانیانک جنوب صولرنده وقوعه کان محاربه بحریه انگلیز لر طرفندن قازانلمش و (ناسون) قومانداسنده اولان انگلیز دوئشماسی فرانسه و اسپانیا گمیلرینی تخریب ایلمشدر.

«پرسبورغ» معاهده سنندن چند سینه مه ورنده ناپولی بوربونلری ایله پروسیالیر میدان محاصمه یه آتدقلرندن (ناپولئون) اول امرده «ناپولی» یی ضبط و برادری (ژوزف بوناپارت) ی اورایه قرال نصب ایتدی ۱۸۰۷. بعده پروسیالیره ده سطوتی گوستروب «برلین» قدرگیدی. او صرعه نقص عهد ایدرک پروسیانک معاونته کان روسیه ایمپراطوری «برنجی علیکساندر» ی ده «تیلسیت» Tilsit [۲] معاهده سی عقده مجبور ایتدی.

[۱] ویانهک (۶۰) کیلومتره بعد ترقیسنده و «طونه» نهری اوزرنده در.

[۲] «نیم» نهری کنارنده بر شهردر.

پروسیای غربیده «وستفالیه» قراللیک ظهوری و (ناپولئون) ك
كوچوك برادری (زه روم بوناپارت) ك اورایه قرال نصبی معاھدہ
منعقدہ نتایجندن بری ایدی.

۱۸۱۳ - «تیلست» مغلوبیتدن صوگړه
روسیه لیلرك «وستفالیه» قراللیغه مداخله ایدرك آنك حامیبی
بولان فرانسه عاھنه تداركات شدیدہ به مباشرتلی (ناپولئون) ك
«موسقوه» سفرینه سبیت ویرمشدر، شویله كه : (ناپولئون)
تدارك ایتدیكي ۴۵۰,۰۰۰ كشیلك جسم اردو ایله روسیه
حدودینی ماتجاوز مظفراً «موسقوه» به قدر یوریدی. لکن
شهر ك محاصره سی جینده منلی ناهسبوق بر شدتلی قیش باصدیر.
مغله ذاتاً روسلر ناپولئون عسکرینی آج براقق ایچون الكالینی
یاقوب بیقدقلری كی فرانسه طرفندن منتظر اولدقلری مهمات
شتائیہ ده نصاسه كلوب یتیشه مدیكندن فرانسه عساکری
آجلقدن و سغوقدن قیریلهرق (ناپولئون) قرق بیگه تنزل ایدن
عسکری ایله گیریه دوندی.

(ناپولئون) ك دوچار اولدانی «موسقوه» هزیمتی اوزرینه
اخذ انتقام ایچون فرصت بین اولان اوروپا دولتلی (ناپولئون)
علیهنه دردنجی دفعه اولهرق اتفاق ایدوب نهایت «پارس» اوزرینه
یوریدیلر. روسیه ایمراطوری (برنجی علكساندر) ایله پروسیا
قرالی (اوچنجی فرهدریق گلیوم) ك تحت قوماندالرنده بولان
متفق اردوسی شهره گیرهرك اوروپانك اخلاقی موجب اولان

(ناپوليون) يرينه آخر برينك نصـبـنى طلب ايلديلر. بونلرك
 اصرارى اوزرينه سـنـاتو فرانسه تاج قرايسنك (بوربون)
 سـلـاـهـسـنـدن متوفى (اون آلتنجى لوتى) نك برادري (قونت دو
 پرووانس) و يرلدىكنى اعلان ايتمليله موماليه (اون سـكـزنجى
 لوتى) عنوانيله فرانسه تختته جلوس ايتمش و (ناپوليون) ايسه
 ايمپراطورلى ايله سائر حكومتلره اولان حقوقك تركنى ميين
 بر بياننامه نشر و اردوسيله وداع ايدرك دواتلر طرفندن
 اقامته تخصيص قلنان «الب [۱]»، آطهسه بشيوز قدر معيت
 عسكربنى آلهرق عزيمت ايامشدر فى ۴ نيسان سنه ۱۸۱۴.

بوز كوره حكومتى — ناپوليونك «الب» آطهسده آوان
 اقامتده فرانسه احوالى لايقيه كسب سـكـون ايدمهـديكى و بو
 صرهده ناپوليون طرفدارى تشكيل ايتدكلرى بر بيوك اردويه
 قوماندا ايتك اوزره (ناپوليون) ى دعوت ايلدكلرى حمله
 مشارايله ۱۸۱۵ سنهسى مارتى اوائلنده «الب» آطهسندن
 اوج يوز قدر معيت عسكربى ايله فرانسه سواحلده چيقمشدر.

بوهنگامده (ناپوليون)ك قرال طرفدارى بولان عسكرو قوما
 ندانلر جانبندن التزام اولمىسى «پارس» و دخولى تسهيل ايدوب
 قرال (لوتى) نك شهر مذكورى ترك ايله «بلجيقا» يه النجا ايامسى
 دخى (ناپوليون)ك ايكنجى دفعه اولهرق مسـنـد ايمپراطورى يه
 نائليتى وؤدى اولدى؛ لـكـن دول متفقـه كيفيته كسب وقوف ايلدكده

در حال صلاحه صارلمشاور و هر نه قدر سنه مذکوره حزیراننک
اون آلتیجی کونی « لینی Ligny » محاربه سنی غیب ایتمش ایسه ده
ایکی گون صوگره « واترلو Waterloo [۱] » موقعه ایتدکری
محاربه بی قازانمش اولدقلرندن (ناپولیون) فرانسه یه اولان
حقوقی (ایکنجی ناپولیون) یاد ایتدیکی اوغلی « پرنس دو راشناد
Prince de Reichstadt » تودیع ایتک اوزره بر استعفا دها
ایده رک بر کمی یه راکباً انکلتزه دولته عرض تسلیمیت ایتمش
و انکلز لر متفقین عدادنده داخل اولدینی جهتله « و مالمی
دول متفقه نامه اوله رق اخذ و اسیر و بر از صوگره یعنی
(برلین قونفره سی) قرار ی موجبنجه « بحر محیط اطلاسی » ده
کائن « سنت الی » آله سنه نفی و تغریب ایلمشدر ۱۸۱۵ ، بقیه عمری
اولان بش سنه بی جربره مذکوره ده اصرار ایتدی [۲] .
ناپولیون بوناپارت (عصر اخیرک اک بیوک قوماندانی اولوب
ایکی کره « ویانه » بی و بر دفعه دخی « برلین » ی ضبط واستیلا
وتدایر حریبه سیله نامنی صحایف تواریخده ابقا ایلمشدر .



[۱] « بلجیقا » ده « بروکسل » شهرینک سرق جنوبنده کائن اوافق

برقصه در .

[۲] ناپولیون هر نه قدر « سنت الی » آله سنده وفات ایتمش ایسه ده
مؤخر آجسدی « پارس » کیریله رک (انوالید Hôtel des invalides)
اوتلنده دفن اولمش و الیوم هزاری اوراده بولمشدر .

✽ بوربون خاندانك اعاده حكومتی ✽

خاندان مذکور دن فراسه ده اون سكرنجی لوئی ۱۸۱۵ — اوننجی شارل ۱۸۲۴ حكومت ايمشدر.

اوره سكرنجی لوئی، اوننجی شارل — (نابوليون) دن صوكره (لوئی) ايله (شارل) ۲ رینی متعاقب فرانسه تختنه جلوس ايتمشلدر. بونلردن (شارل) ك وقوع بولان استعفا سنه مبنی خاندان مذکور ك حكومتی نهایت بولمش و نوبت حكومت (اورلئان) خاندانه كلشدر .

✽ اورلئان خاندانك حكومت ثانیه سی ✽

مذکور خاندان دن لوئی فلیپ ۱۸۳۰ حكومت ايمشدر.

لوئی فلیپ Louis Philippe — (اوننجی شارل) ك استعفا. سندن صوكره اورلئان سلاله سندن (لوئی فلیپ) فرانسه تختنه جلوس ایلدی ۱۸۳۰ . موما ایله ۱۸۴۸ تاریخنه قدر ۱۸ سنه امتداد ایدن زمان حكومتی صنایع و معارفك ترقیسنه حصر ایدوب اوروپاده صلح و صلاحی محافظه ایلدی . موما الهك «بلجیقا» طرفنده ظهور ایدن منازعاته مداخله ایتیمی بلجیقانك

«ہولاندہ» دن آیریلہرق کسب استقلال ایتسنی ۱۸۳۱ و بحر
محیط کیرہ دونما سوق ایدہرک انکلیزلر ایلہ متفقاً چین
ایمپراطورلی ایلہ محاربہ ایلمسی دخی صنایع تجارتیہ نک محافظہ
سنی انتاج ایتشدرد . ۴

﴿ ایکنجی ریاست حکومت ﴾

(لوی فلیپ) ک «انکلترہ» یہ چکلمسیلہ «پارس» دہ اعلان
ریاست و ادارہ موقتہ تشکیل اولندی . بو اداره ۱۸۴۸ دن
۱۸۵۲ تاریخہ قدر ۴ سنہ دوام ایلدی .

بو صرہدہ (بیوک ناپولیون) ک برادر زادہ سی یعنی (لوی
بوناپارت) ک اوغلی (لوی ناپولیون) اوروپا و آمریقاچہ اولان
سیاحتلرینی بتوروب «پارس» کلهرک فرانسه اہالیسنک محبتی
جلب و آنلری کندیدی یہ بند ایلمش اولدیفندن تنسیب اہالی
ایلہ مجلس مبعوثانہ اعضا و بعدہ بش بحق ملیون رأی ایلہ
رئیس حکومت انتخاب اولمشدر فی ۲ کانون اول سنہ ۱۸۴۸ .
(لوی ناپولیون) ریاست حکومتہ صعودینی متعاقب فرانسه
اہالیسنک کندیدی یہ اولان صداقت و محبتی حسن ایتکله اتخاذ
ایتدیکی تداییر سایہ سندنہ یدی بحق ملیون رأی ایلہ فرانسه
ایمپراطوری نصب اولندی فی ۲ کانون اول سنہ ۱۸۵۲ .

﴿ ایکنجی ایمپراطورلق ﴾

ایکنجی ایمپراطورلق دورینی (لوئی نابولیون) تشکیل
ایلدی .

موما الیه (اوچنجی نابولیون) عنوانیله فرانسه ایمپراطوری
انتخاب اوله رق اصلاحاته مبادرتله ایلک ایسی نظامات اسـا .
سیه مک تعدیلی و تجارت و معارف و مطبوعات قانوننامه لرینک
تنظیمی اولدی .

روسیه دولتک دولت علیه عثمانیه علیه قیام و « سینوب »
ده دوئمای هایونی احراق ایتمسندن طولایی تولد ایدن « قریم »
مسئله ماضیه سی (نابولیون) ک یگی ایمپراطورلنی زمانه مصادف
اولغله اولبابده « انکلتزه » ، « ساردنیا » حکومتلرینی روسیه
علیه اتفاقه جلب و دولت علیه عثمانیه یه نقداً و بدناً معاونت
ایدوب « قریم » ده متفقین ایله برابر روسیه لیلر ایله جنک
ایلدی ۱۸۵۴ . محاربه نک ختامنده عقد اولسان معاهده نک
« پارس » ده انعقادی ۱۸۵۶ فرانسه نک اوروپاچه اولان شان
و شوکتی تزید ایتدی .

۱۸۵۹ ده دخی « ایتالیا » محارباتنه مداخله یه اهتمام تام
ایده رک « ایتالیا » یه هجوم ایتمش اولان آوستریالیلرک اورادن
طردینه و ایتالیانک یکپاره بر دولت هیئتنده میدان چقمسنه
غیرت ایلدی .

بونلردن باشقه « جزاير » قاريشقلىقى تسكين و « مكسيقا » و « چين » طرفلرينده دونما وعسكر سوق وتسريب وچينليلره غلبه ايندى .

۱۸۶۷ ده جتتمكان (سلطان عبد العزيز خان) مرحوم حضرتلرينك « پارس » ي تشريفلرنده مشاراليه حقنده احترامات فوق العاده بولنوب اوچ سنه صوگرده زوجهسى (اوژهنى Eugenie) ي اعاده زيارت ايجون « استانبول » گوندرمشدر .

۱۸۶۹ ده پروسياليلرك « هوهنزولرن » خاندانندن برپرسى (ايكنجى ايزابل) دن منحل قالان اسپانيا قرالغنه انتخاب ايتمى فرانسه نك منافع سياسيه وعظمت حكمرانيسنه طوقونمسندن طولايي پروسياليلره اعلان حرب اولدى ۱۸۷۰ . محاربه نك اعلاتنى متعاقب پروسيالولر مدت قليله ظرفنده ترتيب ايلديكى اردولرى حدوده سوق و (ناپوليون) زوجهسى (اوژهنى) ي « پارس » ده وكيل براقهرق كنديسى اردو ايله برابر ميدان كارزاده عزيمت ايلدى .

بو صروده بي طرف قالمسى مأمول اولان (جنوبى آلمانيا) (آلمانىاى شامى) مثللو پروسيه ليلره التحاق ايلديكندن قوتلرى بو اتحادلر ايله برقات ده تزايد ايدن آلمانلرك منتظم اردولرينه قارشى فرانسزلر دفعات متعدده ايله مغلوب اولدى . بو حال ايسه بالاخره فرانسه ايمپراطورى (اوچنجى ناپوليون) ي « سدان » ده پروسيا قرالى (كليوم) جنابلرينه تسليم سيف وترك سلاحه مجبور ايندى .

(نابولیون) اسارتدن قورتلدقدن سوگرم بقیه عمری اولان
برقاج سنه‌بی امرار ایچون انکلتزه یه کیتدی . وارثی بولان
اوغلی (دردنجی نابولیون) دخی تحصیل و تربیه‌سی اکیلا ایتیش
اولدینی « انکلتزه » مملکتینه خدمت قصدیه انکلز صفلی
آره‌سند آفریقای جنوبی محاربه‌سینه گیده‌رک اوراده (زولو)
قیله‌سی طرفدن تلف ایدلمشدر .

(نابولیون) ک بروجه مشروح تسلیم سلاح ایتیمی ماده‌سی
«پارس» عکس ایدنجه فرانسرلر درحال تشکیل وتدارک ایده .
بیله‌کلری درمه چاتمه عسکر ایله محاربه‌بی تمید ایتدیلسده
پروسیاتک شوق غلبه ایله برقات ده کسب متانت ایلین منتظم
اردولرینه قارشى مقابله ومقاومتدن عاجز قاله‌رق « پارس » ک
قابولرینی دشمن غالب‌لرینه آچغه مجبور اولملریله « الساس » ،
«لورن» ایالتلرینی وبش مایار فرائق تضمینات حربیه ویرمکی
تعهد ایده‌رک « فرانقفورت » ده عقد صلحه موفق اولدیله
۱۸۷۱ . « بوردو [۱] » شهرنده تجمع ایدن اعضای مجلس
«عاهده منعقدیه» بعد الامضا حکومتلرینی ریاسته تحویل ومقر
اداره‌لرینی «ورسای» . تبدیل ایتدیله‌رکه : شهر مذکور جزئی
بر زمان ایچون فراسیه پای تخت اولمش وبعده ینه «پارس» .
نقل حکومت اولته‌رق الحاله‌هذه او وجه ایله اداره حکومت
ایدلمکده بولنمشدر .



[۱] فرانسه‌ک سمت غریپسند «فارون» نه‌ری کنارنده در .

فصل ثانی

❖ احوال انکلتره ❖

- لانکاستر، یورک یعنی آنثرو خاندانی ۱۴۲۲ : ۱۴۸۵ —
- تودورلر ۱۴۸۵ : ۱۶۰۳ — استواردلر ۱۶۰۳ : ۱۶۴۹ —
- اداره ریاست ۱۶۴۹ : ۱۶۶۰ — استواردلرک اعاده حکومتی
- ۱۶۶۰ : ۱۷۱۴ — هانیره خاندانی ۱۷۱۴ —



❖ آنثرو خاندانک حکومتی ❖

- یوز سنه محاربه سی نتیجه سی و آلتنجی هازی ۱۴۲۲ — ریشار
- یوروق و دردنجی ادوار ۱۴۶۱ — بشنجی ادوار ۱۴۸۳ —
- اوچنجی ریشار ۱۴۸۳

یوز سنه محاربه سی نتیجه سی — محاربه مذکورہ نک فرانسه ده، حاصل ابتدکی اتحاد سببیلہ توحہ عامہ قرال طرفہ میل ایتمش وانکلتزہ دہ ایسہ فرانسه علیہنہ ابراز کین و غضبی واودہ بیاض کل آرمہ سنی حامل اولان « یورک York » و قرمزی کل آرمہ سنی علامت فارقه عدایدن لانکاستر Lancaster، خاندانی بینندہ اختلاف و منافرتی تولید ایلمشدرد.

آلتنجی هازی Henri VI — انکلیزلر فرانسه دہ کی

موفقيتلريني برر برر ضايع ايدەرك طريق رجعتي اختيار
 ايتكمده و فرانسز اردولرى مظهرآ ايلروملكمده ايكن انكلتره
 تحت قراليسنده لاقاستر دوقهسى (آلتيجى هازى) اوطور.
 مقدمه ايدى .

موما اليه فرانسه قرالى (آلتيجى شارل) ك طورونى
 وانكلتره قرالى (بشنيجى هازى) نك اوغلى اولوب زوجهسى
 (مارغريت ده آنزو Marguerite d'Anjou) ايسه فرانسه
 پرنسس لرندن اولدينى وصاحبه نفوذ بولندينى جهتله دائما
 فرانسزلى حمايه ايدر، آنلره خصوصت ايدنلره بعض وعداوت
 ايلر اولديغندن فرانسه عليهنه محاربه يي آرزو ايدن وانكلتره جه
 جلب محبت ايله (بون دوق) عنوانى حائز اولان (غلوستر
 Gloster) ى توقيف ايتديردى .

بو صروده (اوچنجى ادوار Edouard) ك طورونى
 (ريشار يورق) كندى يي قرال اعلان ايلمىش وبو وقوعات
 (يورق) و (لاقاستر) طرفدارلى ييننده قرمزى و بياض
 يعنى (چفتهكل محاربه سى) نه سبب مستقل اولمشدركه: محاربه
 مذكوره ۱۴۵۲ ده بدأ ايدەرك ۱۴۸۵ تاريخنه و (اوچنجى
 ريشار) ك زمان حكومته قدر ۳۳ سنه امتداد ايلمشدر .

(آلتيجى هازى) زوجه سى (مارغريت) ايله طرفدارانى
 استرداد حقوقه قيام ايله . موفق اولمشلردر .

« لوندره » دن طرد وتبعيد اولسان (ريشار) ايسه نهالى

اصلزادكاننك و بالخاصه غایت زنكین و نامدار اولان قونت
(وارویق Warwick) ك مظهر معاوتی اولان اردویی آچیقندن
آچیغه استصحاب ایدهدك « سنت آلبن Saint Alban [۱] » ده
ومیلادك ۱۴۵۵ تاریخنده وقوعه كلن محاربهده (هازی)
مغلوب و دوشمنلری النده اسیر اولمش و طرفدارانندن دخی
۵۰۰۰ قدری تلف ایدلشدر .

لكن (مارغریت) بو مغلویت عظیمه دن یأس و قنور
كتیرمیهرك فرانسزلر ایله دایما دوست گچنمكدده بولسان
اسقوجیالیره بالمراجعده آنلرك معاوتی ایله جمع و ترتیب
ایلدیكى اردویی (ریشار) علیه سوق و « یورق » قطعه سنده كاثن
« واكه فیلد Wakefield [۲] » ده اعلان غالییت ایلدی ۱۴۶۰ .
پو صرهدده (ریشار) وفات ایتمش و مأسور هازینك انكلتره
قرالغی اعلان ایدلشدر .

(ریشار) ك اوغلی (ادوار) یدردن موروث حق حكومتدن
واز گچمیهرك « لوندرد » ده قرالغی بالا اعلان « یورق » قطعه سنك
جنوب غریب سنده كاثن « تووتون Towton » ده وقوعه كلن
قانی و شانلی محاربه بی قازانمش و لانقاسترلیره یكرمی سكزیك
[۱] لوندردنك غرب شالیسندده و (۳۰) کیلومترو مسافه سنده واقع
بر قصبه در .

[۲] یورق قونتلعدده و « لیدس » شهرینك (۱۶) کیلومترو بعد
جنوب سنده در .

قدر تلفات ویردیرم شد. (مارغاریت) بومغلویت اوزرینه اولاداسقوجیا، یه وبعده «فرانسه» یه کیده رک (اون برنجی لوئی) نك مظهر حمایتی اولمش وزوجینك حقوقی استرداد نیتله آندن آلدینی عساکر «اونه یه گومنه رک» ولوندره، اوزرینه حرکت ایتمش ایسه ده امیدى برعکس اوله رق زوجی (هانری) ایله برابر کوچ حال ایله «فرانسه» یه عودت ایدم بيلم شد.

(ادوار) ك تاج و تختی بو صورتله تحت تأمین آلمش ایکن بورغونلردن (الیزابت وودویل Elisabeth Woodwill) اسمنده برقیز تزوج ایتمسندن طولانی حامی حقیقیسی اولان (وارویق) ك اغسبارینی جلب ایتمکندن (وارویق) (اون برنجی لوئی) واسطه سیله (مارغریت) ی دخی دائرة اتفاقه آله رق جمع ایتمک لری ۶۰۰۰۰ قدر جم غفیر ایله انگلتره یه اینوب ادوار اردوسیه « ترانت Trent [۱] » ده آغاز جنك وجدال ایلدیلر . بوضروده (ادوار) غلبه متفقین طرفنده قاله جغنی درك وتیقن ایلدیکندن فرانسه نك شرق جنوبیسنده قائم برادری اولان بورغونیا دوقه سی (شارل) یانه فرار ایتمکله آرتق (آنتیجی هانری) تکرار تحت قرالی یه جلوس ایلدى .

ادوار ایسه بش آى قدر غیوبتدن صوگره (شارل) ك

[۱] (۱۲۰) کیلومترو طولنده اوافق برنهر اولوب « اوز Ouse » نهریله برلشهرك « اومبر Humbert » نهرینی تشکیل ایدر .

تجهیز ایلدیک دوتنمایہ قوماندہ ایلہرک انکلترہ سواحلدہ گورنمکلہ کندیکہ برچوق طرفدار بولندیقندن دشمن طبعیسی اولان (وارویق) ایلہ « بارنت Barnett » دہ شدید برحار بہہ کیریشوب میدان حربہ (وارویق) تلف اولمش و غالبیت (ادوار) طرفندہ قالمشدر .

آندن صوگرہ (مارغریت) اوزرینہ دخی تسلطلہ طرفدارانی درجہ انہزامہ دوچار ایدہرک موما الہایی زوجی ایلہ برابر اخذ اسیر ایلدی . مأسور ہازینک وفاتندہ (مارغریت) دخی فرانسه قرالی (اون برنجی لوئی) طرفندن تخلص ایلہرک بقیہ عمرینی فرانسه ممالکندہ کچیرمشدر .

دردنجی ادوار — Edouard IV — موما الیہ تاج و تختی بوصورتلہ رقییدن تخلص ایلدکدن صوگرہ فرانسرل علیہ تہیہ واحضار ایلدیک دوتنمایہ « مائر » دگری ساحلدہ کی « قالہ » لیمانہ یناشدیرہرق عسکرینی چیقاردی ایسہدہ فرانسرل انکلترہ رؤسائی آقہ قوتیلہ الہہ ایتکلہ انکلترہ عسکرینہ تفرقہ عارض اولہرق (ادوار) فرانسدن تبعید اولندی . « لوندرہ » بہ عودتندہ برحال مأیوسیتدہ بولنہرق بقیہ عمرینی عیش وصفایہ حصر ایتدی، وفاتندہ اوغلارندن (ادوار) (بشنجی ادوار) عنوانیہ مقامی احرار ایلدی ۱۴۸۳ م .

بشنجی ادوار — Edouard V — موما الیہ انکلترہ تختہ جلوسندہ اون ایکی یاشندہ بر صبی بولندیی جہتلہ امور وکالت

اوريجي ريتار Richard III — موماليه زمان حكومتده
(لافاستر) فاملياسنه منسوب اولان و (تودور Tudor)
فاملياسنك رئيسي بولان (هازي) انگليز طرفدن اولان
دعوت اجات ايده رك (سكزنجي شارل) دن آلدني فرانسه
عساكر معاونه سي ايله كلوب كنديسنيك (يدنجي هازي)
عنوانيله حكمدارلغني اعلان ايتمشدر . بونكله ده انگلتره ده
(لافاستر، يورق) خاندانك حكومتته يعني (چفته كل محاربه سي) نه
ختم ووريلوب (تودورلر) حكومتي ابتدا ايلمشدر ۱۴۸۵ .



— (تودورلرک حکومتی) —

خادان مدكور دن يدنجي هانري ۱۴۸۵ - سكرنجي هانري ۱۵۰۹ -
آلتنجي ادوار ۱۵۴۷ - ماري تودور ۱۵۵۳ - البراب ۱۵۵۸
حکومت سورمشدر .



برنجی هاری Hanri VII — مقدا (ریشموندا Rich-
mond) قوتی دنگله معروف ایدی . موما الیه فرانسه



حکومتی اداره ایدن (آن دو بوژو) نك معاوتی وانكلیزلرك دعوتی اوزرینه انكلتره تختہ جلوس ایتدی ایسہدہ نوبت حکومت (درنجی ادوار) ك قیزی (الیزابت) كہلرك حكمدارلنك موما الہا عہدہ سنہ انتقالی ایجاب ایتكلہ موما الیہ ہازی درحال (الیزابت) ی تزوج ایتش وبووحہ ایلہ (لاقاستر) و (یورق) فاملیاری برلشمش و قرالغنہ راضی اولیانلر دخی دائرۂ اطاعت و تربیہ آلمشدر.

مومالیہ مدبر و کار آشنا بر آدم اولمغلہ زادكانك حقوق و امتیازلرینی تعیین و تحدید ایدہرك آنلرك توجہنی جلب وانكلترہ ایچون تجارت معاہدہلری عقد و معارف و صنایعہ خدمت ایتكلہ زمان حکومتی انكلترہ نك معموریتہ حصر ایلدی .

(سکنزنجی شارل) ك وایتالیا قطعہ سنہ حین هجومندہ علیہنہ اتفاق ایدن اوروپا حکمدارلری ایلہ برلشوب قالہ شہرینہ عسکر سوقیلہ خیلی مظفریتہ دخی نائل اولدی ۱۴۹۴ م . (خرسٹوف قولومب) ك « آمریکا » قطعہ سنی بولدی حوادی انكلترہدہ ایشیدلادکہ (ہاری) کشفیات بخندہ بیان اولنہ جنی وجہ ایلہ ۱۴۹۴ دہ (سباستیان قابو) و (ژان قابو) نامندہ کی ایکی برادرہ شمدیکی حکومت متفقہ آمریکا نك بواندینی محلی کشف ایتدیردیکی کبی ۱۴۹۷ دہ دخی وندکلی (غباتو) نی « بحر محیط اطلاسی » نك سواحل غربیہ سنی کشفہ مأمور ایتدیکندن

مومالیه انكلتره دولتی مانه «رنو» دیدکری «ارض جدید»
ایله آمریقاك سمت شمالیسندره بعض محللری کشف ایلمشدر.
قرال مشارایه اسقوچیانك انكلتره یه ربطی دخی آرزو ایتمکده
بولندیغندن قرالی بولنان (دردنجی زاق) «بیوک قیزی
(مارغیت) ی تزویج ایلمش وبو ازدواج آشاغیده گوریهلجکی
وجهایله مذکور ایکی قطعه یی برلشدیرن (استوارد) خاندانك
انكلتره تخته جلوسنی استاج ایتمشدر.

۱. سکزنجی هازی VIII Hanri — مومالیه پدري (یدنجی)
(هازی) نك ناریح وفاتی اولان ۱۵۰۹ ده (سکزنجی هازی)
عنوانیله انكلتره تخته جلوس ایلدی. کندیسى او وقت هنوز
۱۰ یاشنه واصل اولمش تارك وظریف بر پرس اولوب منتظم
ومكمل بردولته مالك ومدبر وكلايه صاحب اولمغله (تودور)
خاندان جدیدی احيایتدی بیوک قرنداشی (آرتور Arthur) دن
طول قالمش اولان و (قاتولك فردیناند) ك قیزی بولان (قترینه) یی
تحت ازدواجه آلدی.

«ایتالیا» یه وخصوصیله «روما» یه هجوم ودخول ایدن
فرانسزلرك دفع وطرردی ایچون باش وکیل (وولسی) «پاپا طرفندن
اولان رجا والتماس اوزرینه فرانسزلر ایله آغاز جنك و جدال
ایلیهرك مظهر فوز و غامه اولدی ۱۵۰۹ .

فقط اوصرده اشته سی بولنان اسقوچیا قرالی (دردنجی
زاك) زوجه سی بولان (مارغیت) ك انكلتره تخته اولان

حقوق ارثیہ سندن بحثلہ چقاردینی بر دعوا اوزرینہ انکلتزہ
 هجوم ایتسی (ہازی) نک فرانسه دن عودتی موجب اولغلہ
 پینرندہ وقوعہ کان محاربہ انکلیزرک غلبہ سیلہ ختام بولش
 ومومالیہ (زاق) دخی مقتولین ایچندہ بولمشدر.

۱۵۱۳ دە دخی آلمانیا ایمپراطوری (برنجی ماقسمیلیین)
 ایلہ برلشہرک فرانسه حکمداری (اون ایکنجی لوئی) ایلہ
 ایتدیکی دگینہ قاتہ محاربہ سنی قازانمشدر.

برکرہ دخی اسپانیا قرالی (شارلکن) ایلہ برلشوب فرانسه
 علیہ اعلان حرب ایلدی ایسہدہ ۱۵۲۵ دە عقد صلح
 اولندی.

(سکزنجی ہازی) بروجہ مشروح مظفریتارہ مظهر
 اولسی انکلتزہ اہالیسنک کندی بہ اولان حسن توجہنی تزید
 ایلش ایسہدہ مؤخر آیشی دکشمشدر.

شویلہ کہ: زوجہ سی (قارینہ داراغون) ی تطلیق ایلہ آنک
 خدمتندہ بولنان (آن دو بولہین Anne de Boleyn) نامندہ کی
 قادینی تزوج ایتکہ قیام ایتدی. ہرنہ قدر پاپاسلرہ اعذار واہیہ
 سرد ویبان ایلدی ایسہدہ او وقت پاپالق مقامندہ بولنان (بدنجی
 قلعہ مان) قرالک بومطالعہ سنہ روی مساعده کوسترمینجہ قرال
 مشارالیہ پایاہ بالا فعال او وقتہ قدر رد و ذم ایتکہدہ اولدینی
 (لوتر Luther) آیینی قبول ایلہ کندی بی رئیس مذہب کبی
 اعلان ایلبہرک (قارینہ داراغون) ی تطلیق وتبعید ومعشوقہ سی

اولان قارى يى تزوج ايلدى كه: بواز دو اجدن (اليزابت Elisabeth) دنيايه كلدى.

(هانرى) بو صورتله هم قاتولك و هم لوتريان مذهبنده بولنور كېي كندى يى عالمه كوسترمش وهر نه قدر پايا طرفندن آفروز ايدلمش ايسهده او صروده اصلا تاثيرى قالميان پايا آفروزينه قارشى مناسترلر ك تعطيلى ايله انكلتره كليسالرينك ذى قيمت اشيا سنى خزينه سنه جلب و بوشا مخالفت ايدنلرى قتل و افكار مخصوصه سنى پارلمنتو اعضا سنه زور ايله تصديق ايتديردى. بو حالده ايكن فرانسه عليه اعلان حرب ايدى كه كسب ايلديكي غلبه سبيله «بولونيا» يى ضبط ايتدكن صوكره وفات ايلدى . ۱۵۴۷ .

آلتيجى ادوار — Edouard VI — (هانرى) نك وفاتنده نوبت حكومت (ادوار) . انتقال ايتمكله موماليه (آلتيجى ادوار) عنوانيله تخت پدره جلوس ايتدى . لكن صباوتيله برابر غايت خفيف وضعيف اولدنى جهته اداره حكومت وصى تعين اولنان عميسى (دوق دو سومرست Duc de Sommerset) عنوانى اخذ ايدن ذاتك عهده امانته براقلدى .

(آلتيجى ادوار) ك ۶ سنه قدر حكومتى امتداد ايتدى . ايام حكومتنده باشليجه بروقمه ظهور ايتماش و فقط كنديسيله هم اقران اولان اسقوجيا قراليچىسى (مارى استوارت) ايله

ازدواج مادہ سندن طولای اسقوجیالیر ایله « ادیمہ رخ » [۱]
جوارنده ۱۸,۰۰۰ کشیدن عبارت اولان انکلتزه عسکری ایله
۱۸ قدم طولند، مزارقار ایله مسلح بولن اسقوجیا اردوسی
بینده محاربه لری وقوعه کلمش ایسه ده افکار مخصوصه لرینک
اجراسنه قرالیچه نک فرانسه یه اعزامیله (ایکنجی هازی) نک
اوغلی (ایکنجی فرانسوا) یه نشانلمسی مانع اولمشدر.

— ماری نودور Marie Tudor — (آلتنجی ادوار) ک بلا ولد
وفاتنده (سکزنجی هازی) نک قیز قرن دشی (مارکز ده
دورست) دن متولد (ژان غرای Jeanne Gray) نامنده کی
پرنسس استحصال تاج قرالته تشبث ایلدی ایسه ده بوبت حکومت
متوفانک همشیره سی و (سکزنجی هازی) نک قیزی (ماری
Marie) نک اولغله مشارالیه انکلتزه تختہ جلوس ایلدی ۱۵۵۳.
(ماری) والده سی (قازینه دآراغون) کی متعصب و پیا
طرفداری اولدیغندن درحال قاتولک مذهبی اعاده ایدرک
پروتستانلی منعه قیام ایتدی.

لکن اسپانیا قرالی (ایکنجی فلیپ) ایله ازدواج ایتسی
فرانسز لری دلکیر ایلدیکندن علینه س-وق اولتان فرانسه
عسکری «مانش» دگزی سواحلمده کی انکلتزه مستملکاتی
ضبط و «قاله» قلعه سنی استیلا ایتمکله آرتق انکلیزلر فرانسه ده کی

[۱] الیوم «اسقوجیا» نک مرکز اداره سی اولان برشهردر.

ممالكنى ضايع ايتمش اولدقلرندن « فرانسە ، دن كفف يد
ايلمشلردر .

(ماری) نك حكومتی بش سنه قدر دوام ایتدی .
وفاتنده حكومته رقیه بیلدیكى همشیرهسى (الیزابت) مقامى
احراز ایلدی ۱۵۵۸ .

ایلیزابت Elisabeth — موما الیا گرجه ۲۵ یاشنه
هنوز واصل اولمش بر قیز اولمش ~~کورد کندیندن~~ او قدر
حسن خدمت بکنمز ایدیسه ده استعداد و قابلیتی سیبيله ۴۵
سنه قدر دوام و امتداد ایدن زمان حکومتده پلک جیولک
ایشلر کوردی ، انكلتره ایچون خیلی آثار نافعہ میدانه کتیردی ،
چونکه موما الیا وقتى بهوده کچیرمیوب تحصیل علمه حصر
ایتمش اولدیغندن بهرۂ ~~علمی~~ وار ایدی . تدابیر صائبه سیله
امور حکومتی حسن صورتله اداره یه باشلا یوب اسپانیا قرالی
(ایکنجی فلیپ) طرفندن اولنان ازدواج تکلیفی رد و پروستانلی
حمایه ایدرک زمان سلطنتی انكلتره نك معموریت فوق العاده سنه
حصر ایلدی .

اوروپانك ممالك سائرهنده بولنان قاتولك کلیساری
وحشتلرندن یزار قالان اهل هنر و معارفی حسن صورتله قبول
ایدر و آنلری تلطیف ایلر اولدیغندن « لوندره » شهرى صنایع
و معارفه مرکز اولمش ولوندره بورسهنك رسم کشادی .

بوزمانہ تصادف ایلمشدر. آندن سوگرہ بانقہ لروتجار و سیغورطہ قومپانیاری ظهور ایلدی .

(الیزابت) پروتستان آیینک ترقیاتنه خدمت و قاتولک مذهبی علیهنہ حرکت ایلدیکی زمان اسقوجیا قرالیچه سی بولنان (ماری استوارد Marie Stuart) (الیزابت) کبی برپروتستان حکمداری لندن انکلتربی قورتارمق ایچون علیهنہ سوق عسکر ایلدی ایسهده بر شیتہ موفق اولهمدی .

وقوعات مشروحه قاتولک آیینده بولنان اسپانیا قرالی (ایکنجی فلیپ) ک واصل سیمی اولدقده درحال بر جسمیم دونما احضار و تدارک ایدہرک و انکلتربہ ۱۵۸۸ء یه سوق واعزام ایلدی ایسهده او اثناده ظهور ایدن شدتلی بر فورطنہ دونمائی برباد ایتدیکی کبی بقیه سی دخی غرق وضبط ایدلمش اولدیغندن اسپانیا دولتی النده بولنان دونمادن برنام و نشان قالمدی ۱۵۸۸ . آندن سوگرہ اسپانیالیرک تحریک و تشویقیله مخالفتہ قیام ایدن ایرلانده لیرلر دخی دائرۂ اطاعت و تربیہ یه آلدی. انکلیزلر خصوصات مذکورہ دن طولایی کمیلرینی تکثیر و بوسایهده « آمریقای شمالی » ایلہ « هندستان » سوق و تسیر ایلہ دول سائرہ نک کشفیاتنی جهت مذکورہده بر درجه تأخیر ایدہرک اورالرده مستملکات مهمہ صاحبی اولدیلر، شمیدیکی حکومت متفقہ آمریقانک اساسنی قوردیلر .

(الیزابت) ایشتہ بوسورتله اجرای حکم و حکومت ایتدکن

صوگره ميلادك ۱۰۶۳ سنه سى نيسانك اوچنچى كوفى ۷۰ ياشنده اولدينى حالده بلا ولد وفات ايلدى .
 موما اليها (تودور) خاندانك حكمدار اخيرى اولوب
 حين وفاتنده انكلتره حكمدارلغى باوصيتنامه (ماري استوارد)ك
 اوغلى بولان اسقوجيا قرالى (زاق Jacques)ه ترك ايلديكى
 جهتله وفاتنده مقامى موماليه زاق احرار ايتدى . بونكله
 انكلتره ده (تودور) خاندان دن حكومتى محواوله رق (استوارد)
 خاندانى اجراى حكومه ايتدار ايلدى .

﴿ استواردلر ﴾

خاندان مدكوردن انكلتره ده برنجى زاق ۱۰۶۳ - برنجى شارل
 ۱۶۲۰ حكومت ايمشلد ر .



برنجى زاق Jacques Ist — خاندان مدكورك انكلتره ده
 مؤسلك شرفى احرار ايدن (زاق) والده سى (ماري استوارد) دن
 صوگره (بشنجى زاق) عنوانى آله رق « اسقوجيا » ده و (اليزابت)ك
 وفاتنده دى (برنجى زاق) عنوانى حازر اولدينى حالده
 « انكلتره » ده قراللى اعلان اولان زادر .

موماليه انكلتره تخته جلوسنده « اسقوجيا » وه انكلتره
 حكومتلى طبيعى برلشمش اولديغدن موماليه (سيوك بريتانيا)

قرالى نامنى قازاندى . لىكن انكلىترة وكلاسندن اكثريسى
تبديل و مناصب دولت اسقوجياليلىر توجيه وقاتولك آيىننده
بولسا نلر تحقير اولىدىنى كې قاتولكلاردن اولوبده ماموريت
دولتدن بولسا نلرك قىلدلى ترقين و لوندردە اسكانلىرى
منع وانكلىترةده مسكون بالجله ززويت گروهى ممالك اجنيبيه
نفى وتغريب ايدلى .

قرال مشاراليه (پرنس ده غال) عنوانى حائز اولان اوغلى
(شارل) ى شوكت و ثروتله مشهور و اسپانيا خاندان قرالىسنه
منسوب بر پرنسس ايله تزويجه قالدشمسندن متولد برمنازعه
اوزرينه اسپانيا عليه سوق عسكر ايدلى .

آندن صوگره يعنى مىسلادك ۱۶۲۵ تاريخىنده (ژاق)
اوغلى (شارل) ايچون فرانسه قرالى (اون اوچنجى لوتى) نك
همشيرەسى (هازيت ماري Henriette Marie) نى عقد ايتمكه
حين تشببده وفاتى وقوع بولمغه تشبثات واقعهسى . ومالايه
(شارل) ك انكلىترة تختته جلوسندن صوگره موقع اجرايه وضع
اولدى .

— برنجى شارل Charles^{er} — ژاقل خلف وولدى اولان
(برنجى شارل) متوفى (ژاق) ك مرجع امورى اولان
(بوكنگام Buckingham) ك رآي ايله اداره حكومهت باشلامش
واجتماع ايدن پارلمنتويى مرقومك تحريك و تشويقى ايله بر قاج
دفعه قيامغه مجبور اولمش اولدىغندن انجسكار پارلمنتونك زور

وتضيقيله (بكونغام) ك قلنه رضا ويرمش فقط كيديسي آلك
اتخاذ ايلديكي مسلكده دوام ايلمشد. لكن بو حال داخلي
قاريشقلى ووح اولمغله پارلمنتو اعضاسدن (قروموهل
Gromwell) ك تحت قومانداسنده بولنان پارلمنتو عسكريبه
(ناسبي Nasbey) نامنده كي محله طهور ايدن محاربه اخيره ده
مغلوب اولمغين حكومتى پارلمنتويه تركه مجبور اولمش وبوقعه
ايله ده (استوارد) خاداسك حكومتى هاب بولمىق انگلتره ده
اعلان رياست اولمشد ۱۶۴۹ .

— — — — —

﴿ رياست حكومت ﴾

قروموهل ۱۶۴۹ - رسار قروموهل ۱۶۵۸

قروموهل Gromwell — انگلتره ده ۱۶۴۹ سنه سي
مارتنك اون يدي سده پارلمنتو طرفدن اعلان اولان قرارنامه
موجبجه رياست حكومت تأسيس اولمسي متعاقب حكومت
قرايه زمانك كافه دوائ رسميه سي مسح اولنرك يرينه فرق
نفر مبعوثدن مركب بر شوراي دواب تشكيل و (اوايويه
قروموهل) جنرال رتبه سيله رئيس حكومت نصب و تعيين
ايدلى . شارلاك اوغللري ده فامكه كيتديلر . حكومتك بو
صورتله اعلانه اك اول اولمده ايدلر . رسار ايدل رياست

علیه قاقشیدیلر ایسه ده (قروموهل) مقدار کافی عسکر ابله
جزیره مذکوریه بالمرور ، مصادف اولدینی شهر و قصباتدن
اکثریسنی تخریب و اهالیسنی قتل عام ایدرجه سنه معامله شیده
وسیفیه دوجار ایتیش اولدیفندن جمله سی بردن حکومت عراض
مطاوعته آرتق (قروموهل) « ایرلانده » ده مقدار کافی عسکر
ترك ایده رك كندیسی عساكر متبایه سنی بالاستصحاب « لوندره » یه
عودت ایلدی .

لكن بر طرفدن اسقوجیالیرك كرك حكومتدن و كرك
پارلمنتونك حرکات باجاسندن ممنون و خوشنود اولدیغیچون
متوفی برنجی شارلك اوغلارندن (شارل) ی اسقوجیا تختیه
برای ابعاد دعوت ایتدیلر . مومالیه دخی اول امرده نکلیف لری
رد و بعده کندی یه اولان توجه لرینی آکلاینجیه قبول ایده رك
(ایکنجی شارل) عنوانیه اسقوجیا تختیه جلوس ایتیش و ریاست
عاهنه بر ییوك فرقه تشکیل ایده رك بعض شهر و قلاعی ضبط
ایده بیلیمش ایسه ده حكومتك (قروموهل) قومانداسیله سوق
ایلدیکی عسکر « ادیمبورغ » جوارنده کسب غلبه ایتدکدن
صوگره (ایکنجی شارل) فرانسه یه فراره بولنش ایکن
اسقوجیالیرك لندن یقایی قورتاره . یوب بتکرار تشکل ایدن
بر فرقه یی مستصحباً قروموهل عسکری اوزرینه بر هجوم
گوسترمش ایسه ده بو کره دخی مومالیه « دونبار Dunbar »
موقعنده (شارل) ك جمعیتی پریشان و کندی یی فراره اجبار
ایتمکله کندیسنی دوجار فلاکت و خذلان ایتشد ۱۶۵۱ .

آندن سوگره (قرومول) ك بر تجارت مقاوله نامه سندن
طولایي « فلمنك » . سوق ایلدیکی دو سما غلبه نامه یه موفق
اوله رق « دونکر Dunkerque » شهرینی استیلا ایلدی .

(قرومول) حکومه تك بوجه ايله کسب قوت ایتسی
کندیسنك رأس کارده بولنمسیله حصوله کلدیکه ذهاب حاصل
انده رك باشنه یر تاج قرالیت گیمك خیلالرینه صایمش ایسه ده
موفق اوله میهرق وفات ایتشدر ۱۶۵۸ .

ریشار قرومول Richard Cromwell — موما الیهك
وفاتنده بیوك اوغلی (ریشار) مقامه اقامه وامرینه انتقاد
اولندی ایسه ده حزئی بر زمان مرورده « ریشار قرومول »
ریاستدن استعفا یه مجبور اوله رق پارلمتو (رنجی شارل)ك اوغلی
اولوب فرانسه ده بولمان (ایکنجی شارل) ی قرال اعلان
ایلدیله ۱۶۶۰ . بوقمه ايله (استوارد) خاندانك اعاده
اقبال وحکومتلری ابتدا ایتدی .



﴿ استواردلرك اعاده حكومتی و اوچنجی کلیوم ﴾

بو خاندانن انگلتره ده ایکنجی شارل ۱۶۶۰ — ایکنجی ژاق ۱۶۸۵
اوچنجی کلیوم ۱۶۸۹ — آنه ۱۷۰۱ حکومت ایتشدر

ایکنجی شارل Charles II — (ایکنجی شارل) بر منوال

محرر (استوارد) خاندانك حكومتى تجديد ايجون ولونده يه .
كلوب تاج وورونى تنوج ايلدكدن سوگره ملكنى حسن
اداره يه باشلامش و آفريقاى غربى سواحنده كى فلمنك
مستملكاندن «بشيل برون» آطه لرى كى بعض محلكر ضبطه
موفق اولمش ايسه ده آچه نك فقدانى سبيله محافظه ده قصور
وقوع بولديغندن استرداد اولمشدر .

لكن كشفيات جديده ايجون «آمريقاء يه وسائر سواحل
بعيده يه سير و سياحت مجبوريتى انكليزلك مهارت بحريه سنى
تزييد ايلديكندن كشفيات و محاربات بحريه خصوصنده انكليز
جله يه تقدم ايدر ايدى . فلمنكلورلك قوه بحريه لرى دخی
بولردن كيرى قالمدينى جهتله يينلرنده بلا سبب آچلمش اولان
محاربات خيلى اوزامش اولغله انكلتره آچه تداركى ضمننده
فرانسه قرالى (اون دردنچى لوى) يه مراجعت ايتمش وانكلتره يه
راجع «دونكرلك» شهرى وليماتى قرال مشار اليه صامغه
مجبور اولمشدر .

بونكله برابر انكلتره ده قاتولك آيينى التزام و پروتستانلر
عليه قیام اولدینى كى نجه وقتدن برى تهي قالمش اولان
انكلتره خزینہ سى بروج مشروح مصرفلر آلتنده قالمشدر .
بوصره ده (ايكنجى شارل) ك بلا ولد وقوع وفاتيله تخت حكو-
مت برادرى (ژاق) . انتقال ايتمش و مشار اليه (ايكنجى ژاق)
عنوانيله انكلتره تخته جلوس ايلمشدر ۱۶۸۵ .

ایکنجی ژاک Jacques II — (ایکنجی شارل) دن سوکره
 انكلتره ناخنی تتوج ایدن (ژاق) زماننده قوانین موجوده نك
 كافه می فسخ اولندی کبی قاتولك مذهبی دخی اعاده ایدیلهرك
 پروتستانتلر قیریلوب کچیرلمش اولدیغندن انكلتره اهاالیسی
 ایکنجی ژاقك بیوک قیزی (ماری) ایله ازدواج ایدن وفلمنك
 حکمرتنك رئیس اولوب پروتستانلرک حامیسی بولنان (کلیوم)
 انكلتره تخته اقامد ایچون باتذکره دعوت ایدلمش بولندیغندن
 (کلیوم) ایله زوحه سی (ماری) دهولانده، طرفندن انكلتره، به
 کجوب (اوچنجی کلیوم) عنوايله انكلتره تخته احلاس ایدلدی
 ۱۶۸۹ .

اوینجی کلیوم Guillaume III — (پرنس دورانتز-
 P. D'Orange) نامیهله دخی مشهوردر . موما الیهك تحت
 حکومت جلوسی رسماً اعلان اولتهرق حکومت مشروطه ادولی
 تأسیس اولنمغه انكلتره، الکی هر دولتن اول بواسولی اتحاد
 وقبول ایلدی .

هر نه قدر فرانسه به قرار ایتمش اولان (ژاق) فرانسزلرک
 مظهر معاوتی اولدیغندن فرانسزلر (ژاق) ك حقوقنی محافظه
 ایچون ترتیب ایلدکاری اردولرینی (کلیوم) عاینه سوق ایلدیلر
 ایسه ده مغلوبیتسه دوچار اولدقلرندن ۱۶۹۷ ده موما الیهك
 قرالغنی تصدیق ایله «فرانسه» به عودت ایتشلردر .
 موما الیه ۱۷۰۲ تاریخنه قدر امتداد ایدن زمان حکومتده

انگلترہ میں حسن صورتہ ادارہ ایتمش و صنایع و معارف تو۔
سیعہ خدمت و انگلترہ ک ضعفی بر در حہ یہ قوتہ تبدیلہ
ہمت ایلدی . (گلیوم) ک بلا ولد وفاتندہ انگلترہ تختی بالدیزی
(آنہ) یہ انتقال ایتدی .

آنہ Anne Stuart — موما الہا ہر نہ قدر خفیف ۔
المشرف برقرالیچہ ایدیسہ دہ دائما امور حکومتدہ مدبر آدمہر
استخدام ایلدی کی جہتلہ (آنہ) نک انگلترہ ایچون ایکی بیوک
خدمتی سبقت ایلمشدر کہ : بری (برنجی ژاق) دن اعتباراً
بر حکمدارہ تابع ایکی حکومت مستقلہ عد اولنان « اسقوجیا »
ایلہ « انگلترہ » میں برلشدرہ رک برقرالہ و بر پارلمنتویہ تابع اولمق
و (بیوک بریتانیا) حکومت مجتمہہ سی نامی آلتندہ بولمق
اوزرہ بر دولت تشکیل ایتمی و دیکری فراسہ قرالی (اون
درنجی لوئی) ایلہ آجدینی [اسپانیا وراثت محاربہ سی] نامیلہ
مشہور اولان محاربہ دہ غلبہ ایلمسیدر .

محاربہ مذکورہ لورد (مالبوروغ Malborough) نامندہ کی
قوماندانک اثر تدابیری اولہرق انگلیزلر ایلہ متفقلری بولنان
« پروسیا » و « سائرہ ک مظفریتی و فراسہ ایلہ متفق اولان
« اسپانیا » و « باویرا » دولترینک مغلویتی انتاج ایتمک ۱۷۱۳
دہ عقد اولنان « اوترخت Utrecht » معاہدہ سندنہ انگلترہ
دولتی اوروپا قطعہ سندن « جبل الطارق » قلعہ سیلہ « بالثارہ
آطہ لرنڈن » مینورقہ « آطہ سنہ و آمریکا قطعہ سندن « اسقوجیا »

جدید، یارم آطه سی ایله، ارض جدید، جزیره، نه صاحب و مالک اولدی لکن مومالیه معاہدہ مذکورہ دن سوگرہ چوق وقت معمر اوله، یوب ۱۷۱۴ تاریخده بلاولد وفات ایلدیکندن (برنجی زاق) ک طورونی اولوب (استوارد) سلاله سنه بر درجه یه قدر قرابتی اولان و «هانوره» دوقه سی بولسان (یورکی) نک انگلتره قرالنی اعلان اولندی ۱۷۱۴، بونکله ده انگلتره ده (هانوره) خاندانک حکومتی ابتدا ایلدی.



✽ هانوره خاندانک حکومتی ✽

خاندان مذکور دن انگلتره ده برنجی یورکی ۱۷۱۴ — انکجی یورکی ۱۷۲۷ — اوچنجی یورکی ۱۷۶۰ — دردنچی یورکی ۱۸۲۰ — دردنچی کلیم ۱۸۳۰ — ویتوریا ۱۸۳۷ حکومت ایمشدر.

خاندان مذکور بر طرفدن دخی «برونسویق» فاملیاسنه منسوب اولدیغندن بوکا «برونسویق هانوره» دخی دینور که: الحاله هده «انگلتره» ده اجرای حکم و حکومت ایدن خاندان سلاله مذکوریه منسوبدر.

برنجی یورکی George 1st مومالیه ۵۰ یاشنی متجاوز تجربه کار مدبر بر ذات اولوب خاندان مذکورک انگلتره ده حکومتی تأسیسه و انگلتره یی حسن صورتله اداره یه ابته دار ایلمش ايسه ده قونت (دومار Demar) نامنده کی پرنس واسقوجیا

طرفداران پیدایلدیکی طرفداران استناداً (اوچنجی ژاق)
 عنوانیه اعلان حکومت ایدرک «لوندرد» اوزینه حرکت ایلدی.
 لکن دوچار انهام اولدیغندن تبدیل قیافله «فرانسه» به فراره
 مجبور اولمسیله اسقوجیا اردوسی پریشان اولدیغندن آرتق قرال
 اشبو قیامی تحریک وتشویق ایدن رؤسای قتل و اعدام ایلدی.
 موما الیه ۱۷۱۶ ده اسوج قرالی (اون ایکنجی شارل) ک انکلتزه
 قرال خاندانه منسوب اولان «هانوره» بی ضبط ایچون اسپانیولر
 ایله اتفاق ایتمک اوزره بولندیغنی حس ایتمکله «هانوره» به گیده رک
 «فرانسه» و «هولانده» ایله برلشوب اتفاق مذکور علیه اقضا
 ایدن تدارکات ایله مشغول ایکن (شارل) ک وقوع وقاتی خبر
 آنجه متفق بولنان اسپانیولردن اخذ اثار ایچون آمرال (بنغ)
 ایله سوق ایلدیکی دونما غلبه کامله به موفق اولدیغندن اسپانیولری
 کندیلرینه مضر بر معاهده عقیدینه مجبور ایتدی. ۱۷۱۸.
 لکن کندیسى دخى چند سنه مرورنده وفات ایلدیکندن اوغلی
 یورکی (ایکنجی یورکی) عنوانیه مقامی احراز ایلدی ۱۷۲۷.

ایکنجی یورکی George II — بو ذات دخى عاقل بر آدم
 اولغله پدری زماننده باش وکالت منصبنده بولان (روبروالپول
 R. Walpool) ی مأموریتنده ابقا و «آوستریا» ایمپراطور یچمسی
 (مارى ترهز) ایله اتفاق ایدرک بو سایه ده خیلجه موفقیله
 مظهر اولدی. لکن انکلیزلرک آلمانیا بمختده بیان اولندیغنی
 اوزره (آوستریا وراثتی) محاربه سنه مداخله سی هنکامنده

(استوارد) خاندانی پرنس لرنندن (شارل ادوار) فرانسزلرك معاوتی ایلده «اسقوجیا» یه گلهرك برفساد ایقاع ایدوب «ادیلمبورغ» شهریی ضبط و «لوندرد» اوزریه حرکته اعلان حکومت ایلدیکی (یورکی) طرفندن خبر آلمغه درحال اوزرینه (دوق دو کومبرلاند Duc de Cumberland) قومانداسیله بر اردو سوق ایدلدی. بواردو «کولادن Culladen» نامنده کی موقعده مظهر غالبیت اوله رق (شارل) ی تبدیل قیافله «فراسه» یه فراره مجبور ایلمشدر ۱۷۴۳.

(شارل ادوار) غائله سی بر طرف ایدلدکن سوکوره باش وکالت منصبده بولنان (ویلیام پیت Williams Pitt) ک تدایر عاقلانه سی ایلده ۱۷۵۶ده آوستریا دولتی ایلده متفق اولان (فرانسه) (اسپانیا) ، (روسیه) ، (ساقسونیا) ، (اسوج) حکومتلرینک پروسیا قرالی (بیوک فرهدریق) علیه آجدقلمی محارباته [یدی سنه محاربه سی] مداخله ایدرهك پروسیاللمر ایلده نقداً معاونت ایتک طریقله اتفاق ایتمش فقط «آمریقا» طرفنده آچیلان محارباتده فعلاً بولنه رق فرانسه ایلده متفق بولمان اسپانیانک مستملکات خارجیه لرنندن پک چوغی ضبط ایلمش ایسه ده محاربات مذکوره مك دور اخیرینی یکرمی ایکی یاشنده بولنان حفیدی (یورکی) یه ترك ایدرهك وفات ایلمشدر ۱۷۶۰.

ادینبی یورکی George III — (اوچنجی یورکی) نک انگلتره تحته جلوسنده (یدی سنه محاربه سی) دوام ایتمکه

ایدی۔ محاربہ مذکورہ نك دور اخیرندہ انكلترہ عسكری
(فرانسہ) ، (اسپانیا) متفق اردولرینہ كسب غلبہ ایلدیکندن
۱۷۶۳ شباطندہ « هوبرتسبورق Huberts-Bourq » شهرندہ
عقد اولسان معاهدہ موجبنجہ (فرانسہ) و (اسپانیا)
دولترینك آمریقا مستملكانك قسم اعظمی انكلترہ یہ
انتقال ایلدی ۱۷۶۳ ، لکن انكلترہ دولتك محاربات
خارجیہ لرندن طولای مضایقہ مالیہ سی تزیادہ یوز طومش
وتسویہ سی ایچون « آمریقا » قطعہ سندنہ بولنان مستملكانندن
رسموات زائندہ طلب ایلدک لرندن متبوع لرندن ممنون اولمیان
آمریقالیلر « فیلالی » ده آمریقانك استقلالیتی اورتہ یہ قونیلہ رق
۱۷۷۳ ده متبوع لری علیہنہ قالقشمشلردر۔ مخالفین « بوستون »
شہری جوارندہ انكلیزلرلہ سکز سنہ اوغراشدقندن صوگرہ
آمریقانك استقلالی طرفداری بولنان (ژورژ واشنگتون) ی
آمریقا عساكر ملیہ سنك عموم قوماندانی بالانتخاب ۱۷۷۶ ده
« بوستون » ده اعلان حكومت ایلدیلر۔

آمریقانك بوقاریشقلنی اوروپادہ تأثیرات عظیمہ یی موجب
اولقلہ (فرانسہ) ، (اسپانیا) دولترلندن ماعدا بتون اوروپا
حكمدارانی روسیہ ایمپراطوریچہ سی (ایکنجی قاترینہ) نك تكلیفی
اوزرینہ آمریقالیلر طرفنی التزام وانكلیزلر علیہنہ قیام وحرکت
ایلدیلر ۔

بونك اوزرینہ ہرنہ قدر انكلترہ دولتی ہر فداكارلنی

کوزه آلدیره رق برخیلی مدت اورویا به قارشی مدافعه و مقابله ده
 نبات ایتمش ایسه ده ، مؤخرآ فرانسه دخی آمریقایی (فرانکلن
 Franklin) نامنده کی ادیب مشهورک تحریک و تشویقیله محاربه به
 مداخله ایدرهک آمریقاییلری التزام ایدنجه آرتق انگلیز
 هر طرفه مغلوبته دوجار اولدیفندن ۱۷۸۳ ده فرانسه ده کائن
 « ورسای » ده عقد اولتان بر معاهده ایله آمریقا حکومت
 مجتمعه سنک استقلالیتنی طایفه و « آنتیل » آطه لری ایله
 هندستانده واقع مستملکاتندن بعضیلرینی « فرانسه » به ترک
 ایتمک مجبور اولمشدر .

انگلتره دولتی هر نه قدر آمریقاده کی مستملکاتی ضایع
 ایلمش ایسه ده ۱۷۹۲ ده آوستریا و پروسیا و هوللاندیلر ایله
 عقد اتفاق ایدرهک دولت مشار البانی « فرانسه » علیه تحریک
 و ۱۷۹۹ ده دخی « ایرلاند » جزیره سنک « اسقوجیا » مللو
 انگلتره به تمامی اتحادینی تأمین ایلدی .

۱۷۹۸ ده فرانسه بحشده بیان اولندی اوزره (ناپولیون)
 علیه امیران (نلسون) قومانداسیله « مصر » اوزرینه کوندردیکی
 دونما فرانسزلرک « آبوقیر » لیاننده بولتان دونماسنی محوایلدیکی
 کبی دولت علیه عثمانیه ایله ده بالاتفاق (قله بر) قومانداسنده
 اولان فرانسه عسکرینی « مصر » دن طرد و دفع ایتدی .
 الحاصل اورویا دول معظمه سنی اوج درت دفعه اوله رق
 (ناپولیون) علیه تحریک ، « واترلو » محاربه سنی متعاقب

(نابولئون) ی متفقین نامه اخذ اسبېر ایدوب دولترك « ویا نه
قونفره » سی قرار یله « سنت الن » آطه سنه نفی و تغریب
ایلمشدر ۱۸۱۵ .

وقوعات مشروحہ دن سوگره انکلیزلر بتون بحر سفیدک
تجارتی الہ ایتدکلرندن مهاجرلرینی « امید » برونه قدر سوق
ایلدکلری کی « مالطه » جزیره سنی و جزائر سبعه یونانیہ بی ضبط
و آمریقا قطعہ سنده کائن بعض جزائر و اراضی بی استیلا ایلمشلر دره .
۱۸۰۲ ده « سیلان » آطه سی هولانده دن آیر یله رق
« انکلتره » یه ترك ایلدیکی کی « مید برونی » دخی بو هنسکامده
انکلتره مستملکاتی صرہ سنه داخل اولدی .

ایشته بوقدر فتوحات ایله تمام ۶۰ سنه حکومت سورون
(اوچنجی یورکی) تاریخ میلادک ۱۸۲۰ سنه سنده وفات ایتمش
واوغلی (یورکی) (دردنچی یورکی) عنوانیله مقامی احرار
ایلمشدر .

دردنجی یورکی George IV — مومالییه پدربینک اواخر
حکومتده طقوز سنه قدر وکالت صفتیله ملکی اداره ایتمش
تجربہ لی برپرس ایدیسده ۱۸۲۰ دن ۱۸۳۰ تاریخنه قدر امتداد
ایدن زمان اصالتده قانونلکله کوستردیکی خشم و شدت اوزرینه
« ایرلانده » ده همان آتشی اختلال علوریز اشتعال اولغه باشلامش
ایدی . بوسرہ ده باش وکالت منصبده بولنان (روبر پیل Ro-
bert Peel) ک غیرتی (لورد قانینگ Canning) کی ذواتک

همتی ثمره سی اوله رق دایه لایده ، نك اعاده حقوقی و رسومات زائده نك لغوی و قاتولكلرك پارلمتویه اعضا انتخابی مثللو بعض اصلاحتك اجراسیله ایرلانده قا یشقلنی باصدیرلش و بو اصلاحتا تندن سوگره (یورکی) آنجق رسنه قدر یشایه یلمشدر ۱۸۳۰ .

دردنچی کلبوم Guillaume IV — بو ذات (اوچنچی یورکی) نك اوغلی اولوب برادری (دردنچی یورکی) نك وفاتنده انگلتره تاجنی تتوج ایلدی . کندیسسی سن شیخوخته بولنسی حبسیله آنجق ۷ سنه قدر مقام حکومته بولنه یلیدی .

ایام حکومته لورد (غره Grey) ، لورد (ملبورن Mel-bourne) باش وکالت منصبده بولندیلر . بولردن (لورد غره) زمان وکالتنده قرون و سـطادن ری احرا ایدیه کلن انتخاب نظامنامه سی تعدیل یعنی پارلمتو دائره سی توسع و سربستی افکارینی تأمین ایلدی ۱۸۳۲ .

(لورد غره) نك خلفی اولان (ملبورن) ایسه انگلتره مستملکاتنده اسرای زنجیه نك اخذ و اعطاسی عادت وحشیه سی قالدیرمغه موفق اولدی ۱۸۳۴ . بووجه ایله عالم انسانیت برخدمت ایتمش بولندی . وقوعات مشروحه دن سوگره (کلبوم) چوق یشاممش و تاریخ وفاتی اولان ۱۸۳۷ ده مقامنی (دوق دو قانت) کیزی و کیدی یکی (ویقوریا) حضر تی ۱۸ یاشنده اولدقلری حالده احراز ایلشمشدرکه : الحاله هذه اریکه نشین حکومت اولان قرالیچه مشارالها و یقنوریا حصر تلیدر .

۱۸۱۱



بایه یالت

قرون وسطایی قرون جدیدہ دن فصل و تفریق ایدن
مواددن بری دخی (کشفیات) دورینک کشادیدر . دور
مذکورى و حوده کترین « اسپانیا » و « پورتیکیز » دولتری
اولغله اول امرده دول مذکورہ نك وقوعات تاریخیہ لرینی
بیلدیرمک و بعدہ کشفیات دورینک احوالی بیان ایلمک ایجاب
مصلحتدن اولدیغندن بوبانک برنجی فصلی حکومات مذکورہ نك
اهمیتلیسی اولان « اسپانیا » دولتنک وقوعات تاریخیہ سنی و ایکسجی
فصلی دخی کشفیات دورینک احوالی باحث اوله جقدر.

فصل اول

— اسپانیا دولتنک احوالی —

احوال عمومیہ — ضبط غرناطه و انکیزیسیون — آوستریا خانداننک
حکومتی ۱۵۱۱ : ۱۷۰۰ — بوربون خانداننک حکومتی ۱۷۰۰ :
۱۸۰۸ — ناپولیون خانداننک حکومتی ۱۸۰۸ : ۱۸۱۴ — بوربون
خانداننک حکومت ثانیہ ۱۸۱۴ : ۱۸۷۰ — صاووآ خانداننک
حکومتی ۱۸۷۰ : ۱۸۷۳ — اسپانیانک حکومت اخیرہ سی ۱۸۷۳

﴿ احوال عمومیہ ﴾

اسپانیولر قرون وسطاده « اندلس » اهالی اسلامیه سنک

الندن ممالک اصلیه لرینی استرداد ایله اوغراشمقده بولندقلرندن اوروپا ملل ساثره سنک امور پولتیقیه واحوال خصوصیه سنه مداخله ایده میوب اوروپانک ضرب کوشه سنده احوال عالمدن بی خبر اولدقلری حالده امرار وقت ایتمکده بولنمشلر و دول ساثره نك رسیده اولدینی درجه ترقیه واصل اوله میهرق هر خصوصده آنلردن کیری قالمشلر ایدی .

قرون اخیرده بدایتده ایسه استرداد ممالک کیفیتی رسیده کمال اوله میوب « اسپانیا » شبه جزیره سنک طرف جنوبیسی (قُربُطِه) خلافتنک منقسم اولدینی حکومات تسعه دن (غرناطه Grenade) [۱] حکومتنک ید استقلالده بولنمقده ایدی . داخل ممالکده انتظام هیچ منزله سنده اولوب اهالیده درجه نهایه ده تعصب موجود و آسایش داخلیه کلیاً مفقود ایدی .

امتیازات ماده سنندن طولانی « اسپانیا » ده محبت وطن واتحاد افکار قالیوب هر ولایت و شهر بر عالم تجروده بولنمقده و اک کوچوک دره کی بیله کندیسینی ممالک متصرفه سنک حکمدار مستقلی عد ایلمکده ایدی . او وقت « اسپانیا » قطعه سننده « غرناطه » حکومت اسلامی سنندن بشقه « آوار » و « آراغون » ، « قاستیل » ، « پورتیکیز » و امثالی حکومات نصرانیه موجود و حکومات مزبوره نك اوائل وقوعاتی قرون وسطاده مذکور ایدی .

[۱] عرب تاریخلرنده « بنو احر » نامیه معروفدر .

حکومات نصرانیہ ایچندہ جملہ دن زیادہ ترقی ایدن (آراغون)
ایله « قاستیل » قراللقری اولوب بونلردن (آراغون) قراللری
۱۴۷۹ تاریخہ قدر اندلس اہالی اسلامیہ سی ایله اوضراشہرق
کسب ایلدیکی غلبہ نتیجہ سنده آنلردن « بارسلون » ایالتی ضبط
و « بالئار » جزائرینی و « والنس » « دنیلان » « بلسبہ » « ولایتی » و « سچلیا »
و « ساردنیا » آطہ لرینی استیلا ایتدی . تاریخ مذکورده
« آراغون » قراللقی احراز ایدن (قاتولک فردیناند) قاستیل
قرالیچہ سی (ایزابل) ایله عقد ازدواج ایدہ رک اشبو ایکی
قراللی برلشدیرمش واصل (اسپانیا دولتی) اوکوندن بدأ ایله
تأسس وتشکل ایلمشدر .

ضبط غرناطہ — اسپانیا دولتی تأسیس وتشکیل ایدن
(ایزابل) ایله (فردیناند) دولت مذکورده نك اتحاد ملیسی
خصوصنه کمال کرمی ایله مباشرت ایدہ رک یالکز « اسپانیا » شبه
جزیرہ سنك جهت جنوبیہ سنہ صاحب و مالک اولان « غرناطہ »
اہالی اسلامیہ سی ایله حربہ باشلامشلردر . اوصردہ « غرناطہ »
حکومتی هر طرفدن (قاستیل) مستماکاتی ایله احاطہ اولندی .
هر نہ قدر « جبل الطارق » شهری واسطہ سیلہ « آفریقا » قطعہ سنہ
بر خط مواصلہ سی وار ایدیسہ دہ شهر مذکورک ضبطندن
صوگرہ خط مذکور دخی قطع ایلدیکندن نہایت « غرناطہ »
شہری تحت محاصرہ آلہرق طقوز ماہ مدافعہ دن صوگرہ زاد
وذخیرہ نك قلنی و اعاہ و امدادک ندرقی سبیلہ غزوات مسلمین

ناچار ترك سلاحه مجبور اوله رق «غرناطه» شهرى (ایزابل)
ایله زوجى (فردیناند) طرفندن ضبط اولمشدر .

« غرناطه » بی تسلیم ایدن سلطان (ابو عبده = عبدالله
الصغیر) « الحمراء » سراینه وداع ایتدکن صوگزه شهردن چیقوب
« پادول Padul » نامنده کی تپیه اوزغرایه رق « آفریقا » جهته
کیتدی .

« غرناطه » نك حین تسلیمنده اهل اسلام احکام دینه
واملاک متصرفه وعادات سائره سنی محافظه ایتک و دیار آخره
هجرت ایده جکله ایچون اوج سنه مهلت ویرمک و حکومت
سابقه لرینه اعطا ایده کلدکلى ویرگودن زیاده ویرگو ویرمامک
اوزره « غرناطه معاهده سی » نامیله بر معاهده عقد اولمش ایسه ده
آره سی چوق کچمکسزین حکمی فسخ اولنه رق علناً نماز قیلماق
و آبدست آلمق و حمامه کیتمک مثللو قواعد دینه نك اجراسی
بیله منع ایدلدیکی کبی ممالک آخره هجرت ایده جکله ایچون
ویریلان اوج سنه مدت اوج ماهه تنزیل وجواممک اکثریسی
یقیلوب لزوملی اولان متباقیمی کلیسیاه تبدیل اولمش والخاص
بیچاره مسلمانلر خلقت طالمدن بری طوائفدن هیچ برینک گرفتار
اولمدینی عقوبات بی نهایت و مجازات غیر لایقه ده دوچار ایدلشدر .

انگیزه سوره — اسپانیوللر هر نه قدر وطنلرینی اهالی اسلامیه
الندن آلمشدر ایسه ده متصف اولدقلری تصعب دینه لرندن ناشی
اهل اسلام ایله بر اراده وطن ویتوت ایلماق کندیلرنجه

امر محال کوردکلرندن قرال طرفندن گویا توحید ملت بهانه -
سیله بر انکیزیسیون تأسیس و تشکیلی امر اولندی.

اشبو مجلس ایتدالری اهالی مسلمه ایله یهودیلری محو
ایچون تشکیل اولمش ایسه ده مؤخرأ حکومتک منافع پولتیقیه سنه
دخی خیلی خدمت ایلمشدر. انکیزیسیونک اصراری اوزرینه
اهل اسلامک اجرای آیین دینه لری حقنده کی سربستی بی متکفل
اولان (غرناطه معاهده سی) نک فسخ و ابطالندن بر عصر
صوگره یعنی میلادک ۱۶۰۹ تاریخنده ییچاره مسلمانلرک
«اسپانیا» دن طرد و تبعیدلرینه قرار قطعی ویرلمکله بونلرک
«۸۰۰,۰۰۰» قدری پرورده اولدقلری وطن عزیزلرینی
و کندی الاریله انشا و اعمار ایتدکلری مسکن و ماوالرینی ترک
ایلیه رک بقیه عمرلرینی هجرت ایتدکلری سواحل آفریقیه ده
امرار ایلمشلردر.


«اسپانیا» دن هجرت ایده میان اهالی مظلومه ایسه درلو
ازا و جفا ایله محو و نابید اولوب کیتمشلردر.

اسپانیوللر هر نه قدر اتحاد مات و مذهب مقصدینه نائل
اولمش ایسه ده مدنی اولان بونجه اهل اسلامک داخل ممالکدن
اخراج ایدلمسندن طولانی کلیأ متضرر اوله رق ثروت و سامان
و معموریت و آبادانقله شهرتکیر جهان اولان اوگوزل ممالک
و بلدانک حرا به زار حالته روگردان اولدقلری تورنج عالمک دخی
تحت تصدیقنده در.

اهل اسلامك دوچار اولدینی عین مظالمه یهودیلر دخی
 کرفتار اوله رق املاک متصرفه لری پاپاسلر ایله مدهاغلر طرفندن
 ضبط و غضب اولدینی حالده بولر دخی دیار آخره هجرت
 و التجایه مجبور اولمشلر در. بولرک اکثری دین مبین احمدی
 اقتضاسندن اولان و دین و مذهب و افکار و مشرب خصو-
 صلرنده تبعه سنه سر بستئ نام اعطا ایده کماکله معروف و مشهر
 بولنان دولت علیه عثمانیه به التجا ایشلر و حتی تکلم ایتکده
 اولدق لری اسپانیول لسانی دیگر دیندا شلرینه ده تعمیم ایلمشلر در.
 اتخاذ تداییر شدید ساهی سنده « اسپانیا » نك آسایش
 داخلیه سی یولنه کیردکدن صوگره مرتبه جه (بشنجیلک)
 و عنوانجه (قاتولک) لقبی ایله کسب شهرت ایدن (فردیناند)
 خارجاً دخی « اسپانیا » مملکتنه ملحق اولمق اوزره ۱۴۹۲ ده
 (خرسئوف قولومب) « آمریکا » قطعهنی و (پیر دو ورا
 Pierre de vera) به « قناریه » آطه لرینی کشف ایتدیردیکی
 کی ۱۵۰۴ ده « بابولی » قرالیتی و ۱۵۱۲ ده « روسیلون
 Roussillon » قطعهنی (سکرانچی شارل) دن اخذ ایتکله
 « فرانسه » الکاسیله حد فاصل اولان « پیرنه » سلسله جبالندن
 « پورتیکز » ممالکنه و « جبل الطارق » بوغازینه دکن اتساعی
 بولنان الکای جسیمی و یگی کشف اولنان مستملکات واسعه بی
 داخل قلمرو حکومتی ایلدی.

(ایزابل Isabelle) حین وفاتنده حاکمه سی بولندینی
 « قاستیل » قطعهنی قیزی (محنونه زان) « ترک و حاله ایده جکی

یرده باوصیتنامه زوجی « فردیناد » . احواله و تفویض ایلمش
 ایسه ده وفاتنده « قاسمیل » اهلایسی بوکا روی موافقت
 گوسترماش اولدیغندن (ژان) ك زوجی (کوزل قلیپ) قرالی
 بولندینی « فلمنك » دن « اسپانیا » یه نالغزیه عنان حکومتی اله
 کچرمشدر . لکن آره سی جوق کچمکسزین مومالیه ترك
 حیات اتمکله (فردیناد) کندیسینی قاردینال (خسیمنس ==
 قسمنس Ximénès) ك اعانه و نفوذیه (فلیپ) ك اوغلی
 وصی* نابالغ اولان حفیدی (شارل) ك وصیسی تعیین
 ایتدیره رك « قاسمیل » حکومتك اداره سنی ید حکمنه آلدی
 (فردیناد) هنکان ارتحالنده قرالی بولندینی « آراغون »
 حکومتی بیوک والده سی (ایزابل) ك میراثی تحصیل ایدن
 و بیوک پدری (برنجی ماقسیملین) نام آلمانیا ایمراطورینك وارثی
 طانلمش اولان حفیدی (شارل) . ترك واحاله ایلمشدر ۱۵۱۶ .



﴿ آوستریا خاندانك حکومتی ﴾

آوستریا خاندانندن « اسپانیاه » شارلکن ۱۵۱۶ — ایکنجی فلیپ ۱۵۵۶
 اوچنجی فلیپ ۱۵۹۸ — درنجی فلیپ* ۱۶۲۰ — ایکنجی شارل
 ۱۶۶۵ حکومت اتمشدر .



شارلکه Charles Quint — (فردیناد) ك وفاتنده

(شارل) فلمنك ده بولنديني جهته واسپانيا به ورودينه دكين نفوذ كثيره به مالك اولوب انكيزيسيون رئيسي بولسان (قسى مهنس) قاس-تيل حكومتك مديرى تعيين اوله رق، حكومتى مافلان اداره ايتدى. لکن كتب اسلاميه دن بر جوغنى احراق و مغربيلرى جبراً خرس-تيان و يا اعدام ايتمكله عالم اسانيت و مدنيتده كندى يي گنام ايلدى.

(شارلكن) ۱۶ ياشنده اولديني حالده (برنجى شارل) ناميله واسپانيا تحت قراليسنه جلوس ايدوب بدايت حكومتنده (قسى مهنس) ي عزل ايله بر طاقم فلمنكى مداوله قابلمش و ۱۵۱۹ ده آلمانيا ايمپراطورلنى دخی ارنأ كندى به انتقال ايلمش اولديغندن (برنجى ماقسيميلين) ك وفاتى اوزرينه آلمانيا به كيتمكه حاضر نلشدر. هر نه قدر اسپانيولار بو كا روى رضا گوسترمديلر سده (شارل) اسپانيا اهاليسنگ قيل و قاله احاله سمع اعتبار ايتمه رك اجراى رسم توجى ايجون آلمانيا به كيتمشدر .

بو صوره ده واسپانيا ده (شارل) علمنه بعض تشبثانده بولنلمش سده بر مدت صوگره متفقين يئنه تفرقه دوشمش وعصا « ويلالار Vilalare » موقعنده دوچار مغلوبيت اولمغله رئيسلى طوبيله رق اعدام اولنمشدر .

آدن صوگره (شارل) سلفى (فرديناند) ايله (ايزابل) ك نواصنى اكمله قسام ايدمه رك « والنس » ايلتسده بولنان اهل

اسلامك جبرآ خرسیان ایدلسی و «فرناطه» ده‌کی مغریلرك قیافت و لسان اصلیلرینك تبدیلیله اسپانیولر هیئتته کتیرلسی امر قطعینسی ویرمش و طائفه رهبان ایله اهلینك امتیارات کثیره سنی لغو و زادكانك امور دولته مداخله یه حقاری اولمیدنی قرارینی استحصال ایلمشدر .

(برنجی شارل) (بشنجی شارل) عنوانیله قازاندینی آلمانیا ایمپراطورلنی ملاسه سیله «ایتالیا» قطع سنه دخی هجوم ایلوب «نابولی» ، «سجلیا» ، «طوسقانه» حکومتلرینی برر بهانه ایله ضبط ایلدیکی جهته فرانسه قرالی (برنجی فرانسوا) كرك ایتالیا ممالکی و كرك آلمانیا ایمپراطورلنی اوزرنده برطاقم حقوق ادعاسیله محاربه یه قیام ایلدی . میانه ده وقوعه كلن حرب و وغا ایجه امتداد ایتمش ایسه ده میلادك ۱۵۲۴ سنه سنده ایدیلان «پایه» محاربه سنده (برنجی فرانسوا) قید اسره گرفتار اوله رق «مادریده» ده غایت مغلوبانه بر معاهده امضاسنه مجبور اولدی ۱۵۲۵ .

آندن سوگره فرانسه بختنده دخی بیان اولندینی اوزره (شارلکن) ایله (فرانسوا) بیننده بر ایکی دفعه ده محاربه وقوعه گلش و نیجه قانلر دوكلد کدن سوگره طرفین قازاندقلرینی اعاده ایله عقد صلح اولنمشدر .

فرانسه ایله ایتدیکی محاربانه یوز بیكلرجه آدم فدا ایتمش اولان (شارلکن) آلمانیا ده ظهور ایدن پروتستانلق ؛ محاربانه دخی اشتراك ایدره ك مذهب جدیدك سرایتی منع

ایچون پک چوق چالشمش و برخیلی غلبه دخی مظهر اولمش
ایسه ده پروتستان رؤساسک (سلطان سلیمان قانونی) حضر تدرینه
اولان میللرینی منع ایچون مذهب قدیملرنده حرو و سربست
بولملرینی مین (پاسا) معاهده سنه وضع امضایه مجبور اولمشدر.
«اسپانیا» سواحلنی غارت و یغما ایتمک آلمش
اولان بربرستان قورصانلری تربیه و سلطنت سنه نك اوجهته ده
هنوز پیدا ایتمک باشلادینی حقوق حکومتی کسر ایچون
سواحل آفریقیه سوق عسکر ایده رک پرچوق ممالکک صاحب
ومالک اولدیه ده (باربروس) دیملکه معروف اولان (خیرالدین)
باشانک تعرضات غیورانه سنه مقاومتدن عاجز قاهر ق سواحل
مذکورده ی ترک ایله طریق رجعتی اختیار ایلمشدر.
(شارلکن) کشفیات حیدیه بحریه دخی اهمیت ویره رک کشفیات
بمختده دخی بیان اولنه جنی اوزره ۱۵۱۹ ده اسپانیالی (فرنان قورتز
Fernand Cortez) معرفتله «مکسیقا» مملکتی و ۱۵۲۴ ده
(فرانسوا پیراز François Pizarre) واسطه سیله «پرو»
قطعه سنی و «غرناط جدید» و امثالی ولایتلری کشف و ضبط
ایتدیره رک «اسپانیا» مالکنه الحاق و بو صورتله دولت مشار-
الیهایی اوروپانک برنجی دولتی مرتبه سنه ایصال ایلدی. لکن
واخر حکومتده خسته لقندن گوزینی آچه مدینی جهتله بر ازده
کوشه انزواده استراحتی اختیار ایتمکله آلمانیا جهته ده اولان
حقوق حکمرانیسی قرن دانی (فردیناند) «واسپانیا و ملحقاتی

قرالغنی اوغلی (فلیپ) . . بروکسل ، شہرندہ ترک ایدہ رک
 کندیسی اسپانیانک غربندہ کی وقاسٹیل ، ایلتنده واقع ہلازانسیا
 Plasancia ، شہری قربندہ (سن یوست) مناسترینہ چکلمش
 ۱۵۵۶ بقیہ عمری اولان ایکی سنہی اورادہ صفای بال ایلہ
 یکیرمشدر [۱] .

ایلمنی فلیپ Philippe II — (شارلکن) ک استمفاسندن
 سوگرہ مقامی احراز ایدن اوغلی (فلیپ) پدرندن موروٹ
 مالکک ضبط وربطی تأمین ایدہ جک حرب کورمش منتظم
 عسکرہ و ماہر و مدبر قوماندانلرہ و آسریقہ دن کتیردکلری
 آلتون گولچہ لری سایہ سندہ ثروت و سامانہ مالک و محب وطن
 اہالی یہ صاحب اولدیغہ مغروراً جهانی ید استیلانہ تلمق
 سوداسنہ دوشدی .

اول امردہ «پورتکیز» اقلیمنی «اسپانیا» یہ بر ولایت اولمق
 اوزرہ جبراً ضبط ایدہ رک بو بابدہ کرک پورتکیزلیلرک و کرک
 فرانسرلرک سلاح ایلہ وقوعہ کلن مقاومتلری بر طرف ایتمکہ
 موفق اولدی .

جہانگیرک اماندہ بولان (فلیپ) واصل سر منزل مقصد
 اولہ بیلمک ایچون ملکندہ قاتولک مذهبندن باشقہ مذهب
 واسپانیول لسانندن فضلہ لسان ایستہ مدیکندن پروتستانلر ایلہ

[۱] مورخیدن مضیلری (شارلکن) ک بو صورتلہ وقوع بولان
 استمفاسنہ مؤخرأ نادم و مأسف اولدیغنی یازمشدر .

خیلی وقت محاربه ایلدی انکیزیسیون دینلان محکمه بی وضع
و تشکیل ایله هم پروتستانلری و همدە مسلمان و یهودیلر حقندە
بک چوق اعتسافانده بولندی

اسپانیا کینجلی ایسه ثروت عمومیە مملکتە معاونت
ایده جکلی یرده ممالک اجنبیه یه کیده رک اورالک احیاسنه
خدمت و «آمریقا» دن بونجه زحمت و وحشتلری ایله اسپانیایه
کتیر دکلی آلتون و کموش یوکلرینی ممالک اجنبیه یه اخراجه
غیرت ایشلردر . ممالک اجنبیه یه ایده میوب اسپانیاده قالان
اهالی تنبللر کروهندن اولدقلرندن برایش ایله مشغول اوله میوب
مناسرتلرده فقر و ضرورتله امرار وقت ایدرلر ایدی .

انکیزیسیونک مطالندن بزار قالان اهل اسلام ایله یهودیلر
«اسپانیا» ده اوطورده مبرق ترک دار و دیاره مجبور اولملریله
«اسپانیا» ده تجارت و صنایع و معارف کیریلدی . آمریقانک
اهالیسی دخی بو دورده اسپانیوللرک وحشتلری ثمره آثاری
اوله رق یوق منزله سنه تنزل ایلدی .

انکیزیسیون مظللمسک اک زیاده شدتنه دوچار اولان
«پینی با» یعنی «هولانده» ایله «بلجیقا» مستملکاتی اولوب
مستملکات مذکوره اهالیسی ایسه کوردکلی زور و تضییق
اوزرینه پرنس (گلیوم دورانت G. d'Orange) وقونت
(اغمونت Egmont) نامنده کی ذاتلرک ریاستیله سلاحه
صاریله رق عظیم بر قیام ایقاع ایلدیلر .

ایکنجی فلیپ ایسہ مخالفلری تأدیباتمک اوزره (دوق
 د، آلب Duc d'Albe) قومانداسیلہ جسم اردولر سوق ایله
 پک چوق قانلی محاربہلر وقوعه کتیردی ایسده آلمانیا طرفنده
 اولان پروتستان پرنسہلری ارباب قیامہ معاونت کلیہده بولند.
 قلرندن صرف ایتدکلی امک یہوده اولوب نہایت آرایہ بعض
 متوسطلرک وخصوصیلہ انکلتزه قرالیچہسی (الیزابت) ک دخولیلہ
 «پہنی با» مملکتی ہم انکیزسیون بلیہ سندن وممده اسپانیول
 رعیتندن قورتیلوب استقلالنی اعلان ایلدی . ۵

(فلیپ) ملکنی پروتستانلقدن تطہیر ایتمک ایستہدیکی کبی
 «فرانسہ» و «انکلتزه» ده دخی آنلردن بر اثر برافامق ایچون
 دائماً آنتریکہلر چویرر و نقداً اعانہ دخی ایدر ایدی . بو
 صرہده فرانسه نك ادارهسی غیرمنتظم جریان ایتمکده بولندیغندن
 (فلیپ) ممالک مذکورہنی آچہ قوتیلہ کندییہ بند ایتمش
 وفرانسہ پروتستانلری علیہنہ (سن بارتلمی) کیجہسنہ مشابہ
 بروقعہ وجودہ کتیرمش ایسده پروتستانلر (فلیپ) ک خصمی
 بولنان (الیزابت) نامندہکی انکلتزه قرالیچہسنک اعانہ و یاردمیلہ
 کندیلرینہ چکی و دوزن ویرہرک قاتولکمرہ غلبہ ایلمشلردر .
 نہایت رئیسلری اولان (دردنجی ہازی) مک فرانسه قراللیغی
 اعلان ایتدیلر .

(ایکنجی فلیپ) گنجلکنندہ ایکن انکلتزه قرالیچہسی
 (ماری تودور) ایله ازدواج ایتمش بولمسندن متولد بر معارضہ

اوزرینه گویا انکلتره دولتی کلیاً محو ایتک و مملکت مذکورہ بی پروتستانلقدن تطہیر ایلیمک نیبیلہ اسقوجیا قرالیچہسی (ماری استوارد) ک (الیزابت) علیہنہ حرکتنده اورایہ جسم بر دونما کوندردی ایسده او ائنادہ طهور ایدن شدتلی بر فورتنہ بو دونمای پریشان ایتمکله اسپانیا دولتنک شوکت بحریہسی معدوم حکمنہ تزل ایلدی ۱۵۸۸ .

الحاصل (فلیپ) ۴۲ سنہ مقام حکومتده بولندقدن صوگرہ ۸۲ یاشنده اولدینی حالده سلطنتنک قرق اوچنچی سنہ سنده وفات ایتشد .

اوجنچی فلیپ Philippe III — ایکنچی فلیپ وفاتنده مقامی احراز ایدن اوغلی (اوجنچی فلیپ) وجودجه ضعیف بر حکمدار بولندینی جهتله زمان حکومتی باش وکیل نصب ایلدیکی (دوق دہلہرم) ک ید اقتدارینہ ترک وانک همتیلہ ۱۶۰۴ده انکلتره ایلہ مصالحہ عقد ایلدیکی کبی ۱۶۰۹ تاریخنده دخی فراسہ محاربه سنہ ختام ویروب حتی (آن دوتریش) نامنده کی قیزی (اون اوچنچی لونی) یه تزویج ایدہرک فرانسه ایلہ اتفاق عقد ایتمش ایسده اسپانیا اہالیسندن برخیلی کسان «آمریقا» و «هند» طرفلریہ ہجرت و اسلام ویہود بقیہ سنک ملکندن طرد و اخراجنہ غیرت ایلدی .

(اوجنچی فلیپ) مدت حکومتده مقدمات مدہشہ سنی کوسترمکک باشلامش اولان (اوتوز سنہ محاربهسی) نہ مداخلہ

ایده رک آوستریا خاندانی طرفی التزام ایستی . بر قاج غلبه به
دخی مظهر اولدی ایسه ده محاربه مذکورہ نک ختامی کور .
مکسزین وفات ایلدی ۱۶۲۰ .

-- درونجی فلیپ Philippe IV — (اوجنجی فلیپ) ک خلف
ولدی اولان (دردنجی فلیپ) هر نه قدر ۴۴ سنه امتداد ایدن
حکومتک ایلک یدی سنه سنده ملکنی حسن صورتله اداره به
موفق اولدی ایسه ده صوگرملری بر قاج ایالت اھالیسی روی
مخالفت کوسترہ رک قرالک زیر حکمندن چقدی ۱۶۴۰ .
پورتکیزلیلر دخی بو صرہ ده «اسپانیاء دن آریلہرق بر قرالیت
مستقله تشکیل ایلدیکی کبی ۱۶۴۱ ده «قاتالونیا» ایالتی و
۱۶۴۷ ده ایتالیا جهتنده بولنان . مستملکاتی ضایع ایستی .
۱۶۴۸ ده عقد اولان «مونستر Mounster» معاهده سی
موجبجه (ولایت متحدہ) نامیلہ تشکل ایدن «پینی با» نک
استقلال تامی طانیفہ مجبور اولوب ۱۶۵۹ ده فرانسه ایلہ
عقد ایلدیکی «پیرنہ» معاهده سیلہ «روسیلون» و «آرتوا»
ولایتلری و «فلاندرہ» «هنو» ولایتلرندن بعض شهر وقصباتی
و «الساس» ولایتی اوزرنده کی حقوقی «فرانسه» به ترکہ
مجبور اولدی .

(دردنجی فلیپ) ک (ماری ترہز) ، (مارضیت) نامندہ
ایکی قیزی ایلہ (شارل) اسمندہ بر اوغلی وار ایدی . بونلردن
(ماری ترہز) ی (اون دردنجی لوئی) و (مارضیت) ی آلمانیا

ایمپراطوری (رنجی لئوپولد) تزوج ایتمش و (شارل) اسمندہ کی اوغلی ایسہ کنڈیسنک و فائندہ (ایکنجی شارل) عنوانیلہ اسپانیا تختہ جلوس الممشدر ۱۶۶۵ .

— ایکنجی شارل Charles II — (دردنجی فلیپ) ک و فائندہ هنوز درت یاشندہ بولنان اوغلی (شارل) والدہ سی (آن دوتریش) ک وصاتی آئندہ اولدینی حالہ اسپانیا تختہ جلوس ایلدی . موما الیہک حین ولادتندن بش یاشنه قدر نشوونماسی صبیان سائرہ بشریہ متللو اولیوب یعنی سن مذکورہ وصولنه دکن یوریمک و سویلمک مقتدر اولہ مدینی جہتلہ امور حکومت والدہ واقرباسنک و وکلا وامراسنک التده قالمش و هر نه قدر ۱۶۹۷ ده آلمانیا ایمپراطوری (رنجی لئوپولد) ایلہ آلمانیا حکومت مستقلہ سندن مضلرینک فراسہ قرالی (اون دردنجی لوئی) علیہنہ ایتدکلری اتفاقہ داخل اولمش ایسہ ده نتیجہ مسئلہ ی غیب ایلدیکندن « ریسویق » معاہدہ سی موجبہ «فرانش قونته» ولایتیلہ برقاج شهر وقصبہ یی «فرانسہ» یہ ترکہ مجبور اولمشدر .

(ایکنجی شارل) ک معلولیتندن ناتسی ذریقی اولمدیغندن بو جہتلہ یأس کلی یہ دوچار اولہرق حقوق حکمرانیسی (اون دردنجی لوئی) نک حفیدی اولوب « آترو » دوقہ سی بولنان واسپانیا خاندان قرالیسنہ ذاتاً قرابتی اولان (فلیپ) ہ باوصیتنامہ

ترك ابتدی . (شارل) ك وفاتيله اسپانیاده (آوستریا) سلاله-
سنگ سلطنتی ختام بوله رق «آثرو» ویا (بوربون) خاندانك
حكومتی (فلیپ د آثرو) ایله ابتدا ایلدی .

﴿ بوربون خاندانك حكومتی ﴾

بو خانداندن «اسپانیا» ده بشنجی فلیپ وبرنجی لوی ۱۷۰۰ —
آلنجی فردیناند ۱۷۴۶ — اوجنجی شارل ۱۷۵۹ —
دردنجی شارل ۱۷۸۸ حكومت ایتشلردر

— بشنجی فلیپ Philippe — موما ایله (ایکنجی شارل) ك
وصیتنامه سی واسپانیا اعیانك آرزوسيله اسپانیا قراللقی احراز
ایلدی ۱۷۰۰ .

بو صرهده آلمانیا ایمپراطوری (برنجی لئوپولد) ك اوغلی
آوستریالی (آرشیدوق شارل) آوستریا خاندانك «اسپانیا» یه
قربت قدیمه سندن ناشی (فلیپ د، آثرو) دن دها زیاده حقوق
ارثیه نك کندیسنه انتقالی دعوایه قیام ایله (ایکنجی شارل) ك
وصیتنامه سنی طانییه رق «انكلتره» ، «هولانده» ، «پروسیا» ،
«پورتکیز» دولتری نی کندی لهنه چویردی . «صاوا»
خاندانی دخی (شارل) طرفی التزام ایلدیکندن بونلر (بشنجی
فلیپ) علیه عظیم بر اتفاق عقد ایتدیلر ، (اسپانیا وراثت

محاربه‌سی) ديه مشهور اولان محاربه مدهشه‌یي ميدانه
کتيرديلر .

۱۷۰۱ دن ۱۷۱۳ تاريخنه دكين امتداد ايدن اشبو
محاربه‌ده (فليب) ومتقى اولان (اون دردنجي لوتی) اسپانيانك
قوة عسكريه سنی فرانسه اردولری ايله برلشديره رك
اعدادی متفقه اوزرينه صالديرديلر . گاه غالب و گاه مغلوب
اوله رق ۱۷۱۳ ده عقد اولتان « اوترخت » معاهده سيله وراثت
محاربه‌سنة ختام ويرديلر كه : معاهده منعقدده (آرشيدوق
شارل)ك (آلتنجي شارل) عنوانيله آلمانیا ايمپراطوری انتخاب
اولنمی اوزرينه (بشنجي فليب)ك اسپانيا تختنده دواميله فرانسه
اوزرنده کی حقوقدن واز كچمسی و « جبل الطارق » شهرى ايله
« مينورقه » جزيره سنك « اسپانيا » دن آريلوب انكلتره قراليجه‌سی
(آنه) يه ويرلمسی و « سجليا » آطه‌سی دخی (صاوا) دوقه‌سنة
و « نابولی » ، « ميلان » ، « ساردنيا » نك آوستريايه ترك ايدلمسی
مندرج ایدی .

(فليب) اسپانيا وراثت محاربه‌سنى متعاقب (آلبرونی Albe-roni)
نامنده کی باش وکیلنك تشويقيه « اسپانيا » بی جهانگیر
ایتمك فکرينه دوشه رك كرك فرانسه و كرك انكلتره عليهنه عظیم
بر محاربه يه کیرشمك تشبیه باشلا دیسه ده اعیان مملکت اسپانيانك
ضعفی درمیان ایده رك تشبثات واقعه‌سندن نکول ایتدیردی .

آندن سوکره (فلیپ) زمام حکومتی (برنجی لوئی) نامی
ویردکری اوغلی (لوئی) یه ترك ایتدی.

لوئی ایسه چند ماه مقام حکمداریده بولندقدن سوکره
وفات ایتمکله (فلیپ) تکرار صندالی حکومت اوطوردی ۱۷۲۴.
(بشنجی فلیپ) ایکنجی دفعه اوله رق اسپانیا تحتیه جلوسندن
سوکره اسپانیانک «فرانسه» و «انگلتره» علیه آچدینی برطاقم
محاربات بیوده ایله ضعفی تزید ایلمش و آلمانیا ایمراطوری
(آلتنجی شارل) ایله ایتدیکی ۱۷۲۵ محاربه سنده «ویانه» معاهده سنی
عقد ایتشد. فقط ملکک اصلاحنه زخی غیرت ایدرک امور
ملکیه و مالیه و عدلیه بی فرانسه اصولنجه اصلاح و تدنی اوزره
بولان قوه بحریه سیله تجارتی یگیدن کیلر انشاسیله احیا
ایلدی .

— آلتنجی فردیناند Ferdinand VI — (بشنجی فلیپ) ک

وفاتنده اوغلی (فردیناند) (آلتنجی فردیناند) عنوانیله اسپانیا
تختیه جلوس ایتدی . مومالیه توسیع ملک سوداسنده اولیوب
ملککتک معموریتنی و تبعه سنک مسعودیتنی آرزو ایدن
حکمدارانندن اولوب ۱۳ سنه قدر دوام ایدن مدت حکومتی
اسپانیانک اعمارینه حصر ایتدی . سلفی زماننده اصلاح ایدیلان
اداره ملکیه و مالیه و عدلیه بی برقات دها تنظیم و فابریقه لر
کشادیه اهل صنایعی تشویق و قنالر آچهرق زراعتی توسیع

وکیلرینی تکثیر ایلدیکی کبی معارفه دخی خیلی خدمتله برچوق دارالفنونلر کشاد ایتدی .

== ارمینی شارل Charles III — (آلتیجی فردیناند) ک وفاتنده « سجلیتین ، قرالنی عهدسنده بولنان برادری (شارل) اسپانیا تختته دعوت اولنورق (اوچنجی شارل) عنوانیه مقام حکمداری یه جلوس ایلدی . « سجلیتین ، قرالغنی دخی اوغلی (فردیناند) حواله ایتدی . مومالیه اصحاب درایت واقتداردن بولندینی جهتله قونت (آراندا Aranda) نامنده کی وزیری کنددی . سنشار ناسب و آنکله اصلاحه مباشرت ایتدی .

اول امرده « فراسه ، ایله « اسپانیا ، آره سنده او زمانه قدر دوام ایدن برودت و خصوصتی بر معاهده محباه ایله برطرف ایدوب « فرانسه ، ایله متفقاً « انکلتزه ، دولتی ایله چند دفعه محاربه ایلدی . بو محاربات آره سنده برادری مثللو اصلاحاتی دخی گیری براقبه رق حربیه و بحریه مکتبلری تأسیس و مقرر اداره سی بولنان « مادرید ، شهرینی ابنیه عالیه انشاسیله تزین و قنالر آچهرق وشوسه یولاری یاهرق طریق تجارتی تسهیل ایلدی .

لکن جزایر قورصالمینک اوروپا سواحله ایندکاری خسارات اوزرینه اوجهته بردونما سوق ایلدی ایسه ده مذکور دونما جزایر طابیرینک قوه بحریه سنه مقاومتدن عاجز قالمقلا مایوساً رجعت ایتدی .

بونیکله برابر اسپانیوللرک تعصب فوق العاده لرندن ناشی
بتون حکم و اداره جزویتلرک الیه اولدینی جهته آنلر اداره
حکومتی مختل ایتمکده بولندقلرندن (شارل) جزویتلری
ملکندن طرد و کایسانک امور دولته مداخله سنی منع و جزویتلرک
املاکنی حکومت نامنه مصادره ایلدی. نهایت قرالی حال
شیخوخته تعصب استیلا ایتمکله پاپاسلر نفوذی آلتنه آلمشلا
ووزیر (آرانده) بی مذهبسزک ایله اتهام ایدرک نفی و تغریب
ایله مشلردر.

دردنجی شارل (Charles IV) - - (اوچنجی شارل) ک وفاتنده
مقامنه قائم اولان اوغلی (دردنجی شارل) صلح و مسالته میال
بر حکمدار ایدیه ده زمان حکومتی فرانسه نک ۱۷۸۹ وقوعاتنه
تصادف ایلدیکی جهته فرانسه ده مخالفین عابنه حربی اعلان
ایتمش فقط ابتدکی محارباتده مغلوبیتدن باشقه بر شیئه نائل
اولمیه رق ۱۷۹۵ ده عقد اولان «بال» معاهده سنی امضایه
مجبور اولمشدر.

معاهده مذکور «اسپانیا» بی عادتاً «فرانسه» نک حکمی
آلتنه ویرمش و فرانسه ده (ناپولیون) ک بد اقتدارینه کچمش
اولدینی کبی (مانوئل غودوی Manouel Goodoi) ک سوء
اداره سندن ناشی اسپانیا اهالیسی دخی مخالفت ایلدیکندن
(دردنجی شارل) آمریکا طرفنده کی مستملکاتنه چکلمک
واورادن ملکینی اداره ایلمک فکرینه دوشدی. بونک اوزرینه

اسپانیا اهالیسی قرالک بوفکردن فراغتتی ویا اوغلی (فردیناند) ترك حكومتله كنديسنك كیده بيلمسنی طلب ایتدیلر . قرالدن آلدقلى رأى اوزرینه زمام حكومتی (فردیناند) ك بدینه ویرمك ایسته دیلرسده اوزمان اوج اقبالده بولنان (ناپولیون) اسپانیا امورینه بالداخله (دردنجی شارل) ك بروجه مشروح استعفاسنی قبول ایتیهرك (شارل) ایله اوغلنك كنديسنه مراجعت ایتلمینى تكلیف ایلدی .

(ناپولیون) ك بوتكلیفی اوزرینه (شارل) ایله (فردیناند) فرانسه حدودیده كائن «بایونه Bayonne» شهرینه كلش اولغله (ناپولیون) شهر مذكوره ایكیسینده توقیف و «اسپانیا» بی فرانسه ایمپراطوری (ناپولیون) نامنه ترك ایتلمینى تكلیف ایلدی . (شارل) ایله (فردیناند) ایسه بوتكلیفك ردینه مقتدر اوله مدقلرندن اسپانیا قرالیتی ایمپراطور ناپولیونه ترك و فراغه مجبور اولدیله ۱۸۰۸ . بونكاهده اسپانیاده (بوربون) خاندانك حكومتی ختام بولهرق (ناپولیون) خاندانی اجرای حكومهت ایتدار ایلدی .

﴿ناپولیون خاندانك حكومتی﴾

بو خاندادن «اسپانیا» ده ژوزف بوناپارت ۱۸۰۸ حكومت شورمسدر .

ژوزف بوناپارت Joseph. B. — (دردنجی شارل) اسپانیانك

زمام حکومتی (ناپولیون) نك يد اقدارينه ترك ايلديكي زمان (ناپولیون) دخي بيوك برادري (ژوزف بوناپارت) ی اسپانيا قرالى نصب و بو صورتله « اسپانيا ، الكاني كندی خاندانه تخصیص ایلدی .

(ژوزف بوناپارت) ك اسپانيا قراللى اعلان اولمىنى متعاقب برقاچ آی ظرفده محكمه لر تنظيم و مناسترلر تعطیل ايدلمش و نظامات عتيقه لغو اولسه رق ۱۸۱۲ ده « قورتس » ناميله بر هيئت مبعوثان كشاد ايدلمش ايسه ده اسپانيا رادكاني فرانسزلى ذاتاً استرقاب ايتمكه بولندقلرى كې (دردنجى شارل) ك اوغلى بولنان (فرديناند) دخي دعواى سلطنته قيام ايتمش بولنديغىندن هرايكي جهته ده اسپانيولار (ژوزف بوناپارت) عليه روى مخالفت كوسزدیلر . هر نه قدر (ژوزف) بو قاريشقلىك تسكيننه تشمير ساق غيرت ایلدی ايسه ده اوكنی آله ميه رق قاريشقلىق بردرجيه واردی كه : موماليه مقر حكومتی اولان « مادرید » ده اوطوره ميوب « فرانسه » يه قدر فرار والتجايه مجبور اولدی .

(ژوزف بوناپارت) ك « فرانسه » يه التجاسی (ناپولیون) ك مقام ايمپراطوريدن سقوطی زمانه مصادف اولغله (ژوزف) ك تكرار مقام حكمداری يه اجلاسه طالعی مساعده ايتديكندن اسپانيولر مذکورالاسم فرديناندی بالتلطيف (يدنجی فرديناند) عنوانيله اسپانيا صندالی « حكمداریسنه كچيردیلر . بونكله ده

اسپانیا تختی (ناپولبور) خاندانی لندن چیقار ق تکرار (بوربون)
خاندانی انه کجدی .



✽ بوربون خاندانک حکومت ثانیه سی ✽

مذکور خاندانن « اسپانیا » ده یدنجی فردیناند ۱۸۱۴ — ایکنجی
ایزابل ۱۸۳۳ احرای حکومت ایمنلردر .

فریدنجی فردیناند Ferdinand VII (روزف بوناپارت) دن
صوگره اسپانیا قرالی انتخاب اولنان (یدنجی فردیناند) نهایت
اسپانیوللارک آرزوسنه تبعاً حرکت مجبور اولمشهده اسپانیاده
وضع اولنان قانونک فرانسهده دخی بیوک تأئیری کو بله جکی
آکلاشامغله فرانسه قرالی (اون سکزنجی لوئی) فرانسه
عساکرینی (دوق دانکولم duc d'Anguleme) قومانداسبله
اسپانیاه سوق وقرال فردیناندی کندی طرفه جاب ایدرک
اسپانیا قانون پرورلریله آغار جنک وحدال ایتدیلر . نهایت الامر
غلبه یه دخی دسترس اوله رق « اسپانیا » ده حکومت سابقه یی
تکرار تأسیس ایلدیلر .

(فردیناند) بوسایه ده اجرای حکومت ایتدار ایلدی ایسه ده
اسپانیوللارک دعوالری « آمریکا » قطعه سنده بولنان اسپانیا
مستماکاتنه یعنی « مکسیقا » ، « بولیویا » ، « پرو » و امثالی قطعه لره

سرایت ایتمش و هر نه قدر (فردیناند) بونلر اوزرینه سوق عسکر ایدیه رك تأدیب و تنكیللرینه اقدام و غیرت ایلمش ایه ده کوندریلن عسکر هیچ بر شینه موفق اوله میه رق اسپانیاك آمریقا مستملكاتی الدن کیتمشدر.

(یدنجی فردیناند) (ایزابیل) نامنده بر قیزندن باشقه ذریته نائل اوله مدیفندن کندیسنندن سوگره اسپانیا قراللی برادری (دون قارلوس) انتقال ایدیه جکی جهته (بشنجی فلیپ) ك اصول وراثت حقنده، ۱۷۱۳ ده وضع ایتمش اولدینی بطاماتی فسخ و قرالك اركك اولادی اولدینی حالده قیزلرك حلف اوله بیله جکلری حقنده یکی بر نظامنامه نشر ۱۸۳۰ و اوج سنه سوگره وفات ایلدی.

— ایکنجی ایزابیل Isabelle II — (یدنجی فردیناند) ك وفاتنده مقامی احراز ایدن (ایزابیل) هنوز سن رشده واصل اولماش بولدینی جهته وکالت ناپولی پرسیس لرندن والده سی (ماری قرستین Marie Christine) . حاله اولندی ۱۸۳۳ .

(فردیناند) ك برادری (دون قارلوس) ایه سه (ماری قرستین) ك وصیه لکنی قبول ایتمدیکنندن میانه ده غائله حرب ظهور ایتدی. محاربه یدی سنه امتداد ایلدکن سوگره (دون قارلوس) اسپانیادن طرد اوله رق محاربات مذکوریه ختام ویرلدی ۱۸۴۰ .

(دون قارلوس) ك طردندن سوگره اسپانیاده مدعیات

واقعه طرفدارانی ایله قارلیس-تارک بقیه سی قالمش اولدیغندن
(ایزابل) برمدت دها آنلر ایله اوغراشمش ونهایت پای تختنده
بردولو بارینه میوب فراسیه قدر کیدوب واوراده قرار ایتمکله
(بوربون) خاندانک مقام حکومتدن سقوطی اعلان ایدلمشدر
۱۸۶۹.

(ایزابل) ک فراسیه چکلمسنی متعاقب بر سینه قدر دها
دوام ایدن داخلی قاریش-قلقلرندن صوگره اسپایولرر اسپانیا
تاجنی تکلیف ایچون بر برس آرامشدر وایتالیا قرالی متوفی
(ویکتور امانوئل) ک اوغلرندن برس (آمده) بی بالدعوه اسپانیا
قرالی نصب ایلمشدر.



﴿ صاواو خاندانک حکومتی ﴾

(صاواو) خانداسدن اسپانیاده برس آمده ۱۸۷۰ حکومت ایتمشدر.

برنی آمده Amedée — بو دات ارباب فضل و کمالدن
بولندیجی جهتله انتخاب عمومی ایله اسپانیایه قرال نصب اولندی.
۱۸۷۳ تاریخنه دگین اوج سینه دوام ایدن زمان حکومتده
(دون قارلوس) و طرفدارانی ایله اوغراشدی. نهایت بومشغولیت
حرییه و اغتشاشات داحایه تحمل ایده میهرک قرالقدن استعفا-
ویردی.



﴿ اسپانیانك حكومت اخیرہ سی ﴾

قرال آمدہ نك حكومتدن استعفاسنی متعاقب (دون قارلوس) حكومت ارنیہ دعواسیلہ ینہ میدانہ جیقہ رق اولانجه غیری تی صرف ایلدیکی کبی فرانسه ده بولسان (ایزابل) دخی اسپانیا تحتہ اولان حقوقدن طولای نشر ایتدیکی بر پرتستونامه ده اوغلی (دون آلفونس) ك حق حكومه قبولی و قبول ایلدیکی حالده كندی حقوقدن فراغت ایتیه جکی بیان ایلدی ۱۸۷۳.

بو صروده (قورتس) دنیلان مجلس اتفاق آرا ایلہ حكومتلرینك ریاسته تحویلی قرارینی ویرمش و ایکی سنہ قدر بو وجه ایلہ اداره حكومت اولنش ایسه ده مدت مذکورده قارلیستلر ریاست طرفدارانی علیهنہ حرکت و آنلرك اداره سندن ممنون اولمیانلر دخی قارلیستلره معاونت ایدرك محاربه داخلیه - لرنده دوام ایلدكلرندن نہایت (قورتس) نامنده کی مجلس (ایزابل) ك بیاننامہ سنی قبولہ كندیسنی مجبور گورہ رك اوغلی (آلفونس) ی مقام حكمداریہ کچیردیلر ۱۸۷۵.

اوه ایلکنجی آلفونس Alphonse XII — بو ذات دخی آخلاق حمیده اصحابندن اولوب ۱۸۸۶ تاریخنه قدر مقام حكو - مته بولنش و زمان حكومتنده اسپانیوللر بر از راحت یوزی گورہ شدہ .

نائبہ فرستین Christine — (اون ایلکنجی آلفونس) ك

وفاتنده زوجہ سی (قریستین) حاملہ اولدینی جہتله اسپانیوللر تولد ایدہ جک چوجغک قرالغندہ اتحاد ووالدہ سنی مقام حکومتہ نائبہ انتخاب ایتدیلر ۱۸۸۶ . بناءً علیہ نائبہ منتخبہ دن یدی آی مرورندہ زیور مہد شہود اولان قرال زادہ (اون اوچنجی آلفونس) نامنی آلمش و الیوم والدہ سی طرفدن مشارالیه آلفونس نامنه اجرای حکومت ایدلمکده بولنمشدر. ✠



فصل ثانی

— ✠ کشفیات ✠ —

اوائل کشفیات — هانری ملاح ۱۴۱۹ — هند طریقنک کشفی و بارتلی دیاز ۱۴۸۶ — واسقو دوغاما ۱۴۹۷ — کشف آمریکا و خرسٹوف قولومب ۱۴۹۲ — کشفیات متابعہ.

اوائل کشفیات — قرون و ـ طایی قرون جدیدہ دن تفریق ایدن وقوعات عظیمہ دن بریسی دخی کشفیات جدیدہ قضیہ سی اولدینی یوقاروده ذکر اولنش ایدی.

کشفیات مذکورہ نک تصورات مقدمہ سی فعلاً اجرا سندن برخیلی زمان اول باشلانیدینی قویاً روایت اولنمقدہ در. شویله کہ: میلادک اون بشنجی عصری واسطنہ گلنجه یه قدر اوروپا

کمیجیلری « بالطق » دگزی ایله « بحر سفید » ده سسیاحت
ایدزلر و « بحر محیط اطلاسی » به کلنجه او وقت پوصله دنیلان
آلت موجود اولمدینی حهتله ساحلدن ایرلقه جسارت ایده مزلر
ایدی. حتی فنیکه و قرطاج کمیجیلری اسکیدن « هرکول »
دیدکری « سبتنه » بوغازندن چیهرق ساحل طریقی براقسزین
« کینه » کورفینه قدر اولان آفریقا سواحلی کشف و تحقیق
ایده رک اورالده بولدقلى آلتون و فیل دیشی مملکتلرینه
کتیرمشر ایدی .

هرنه قدر « دایمارقه » و « اسقاندیناویا » ماهر بالقجیلری دخی
میلادک طقوزنجی و اونجی عصرلرنده بالق صیدی ایچون
نصلسه ساحلدن آریلوب « اسلانده » جزیره سنه و اورادن
آمریقای شمالیده کاش « غروثنلاد » قطعه سنه کیده رک آمریقانک
شرق ساحلی بولمشر ایسه ده او وقتلر هنوز نظر اهمیته آله میان
بو سیاحتلر « آمریقا » نی « اوروپا » به طانتدیر مامش ایدی .

قرون وسطی نهایته طوضری « اندلس » اهل اسلامنک
ثمره همت و غیرتلی اوله رق معارف و صنایع ایریلیدی .
بو سایه ده پوصله [۱] دخی ایجاد ایدیلر رک کشفیات ایچون ایجاب

[۱] پوصله چوللرده و دکرلرده بولی غیب ایتماک ایچون قوللانیلور
برآلت اولوب بو آلتی چینلیلر اختراع و ایجاد ابتدیی و عربلر آنلردن
آله رق استعمال ایلدیکی منقول و اوروپالیر دخی عربلردن آلدینی
معلومدر .

ایدن اسباب احضار ایدلمش اولمقله پورتکیز دولتی دول سائره دن
اول طورانه رق کشفیاته مباشرت ایلمشدر.

هانری موع Henri le Navigateur — اوروپالیلردن
ایلك دفعه اولمق اوزره کشفیاته بدأ ایدن پورتکیز قرالی
(برنجی ژان) ك (هانری) نامنده کی اوغلیدر. مومالیه
گمیجیلکده مهارت کسب ایتمش بر پرنس اولوب قطععات
مجهوله تحری ایتك اوزره پدرندن آلدینی بر ایکی سفینه ایله
تاریخ میلادك ۱۴۱۹ سنه سنده « لیزبون » دن چیقهرق جنوبه
طوغری حرکتله « یشیل برون » آطه لرینه قدر آفریقا
سواحلی و بنساء علیه « مادر » ، « آسوره » ، « قناریه » آطه لرینی
کشف و آنلرك صورت ضبط و ربطنی تأمین ایتدیکندن ثروت
عظیمه پورتکیزلیرك اقبالنی استقبال ایلمشدر.

هند طریقك كشادی — سواحل آفریقهنك « یشیل
برون » آطه لرینه قدر کشف و تحقیق اولمنسی اوزرینه پورتکیزلیر
سواحل طریقله کیده کیده « هندستان » ، بحر آ یول آچه بیله -
جکلری امیدینه دوشمش و بحر یوندن بر طاقی بوفكرك موقع
فعل و اجرایه وضعی تشبهنده بولنش ايسوده بحر محیطك دهشتی
مانع سیر کشف اولمشدر . فقط بوفكرك اجراسنه (بارتلمی
دیاز) نامنده کی قبودان موفق اولدی .

بارتلمی دیاز Bartélemi Diaze — بو ذات پورتکیز
قبودانلردن اولوب میلادك ۱۴۸۶ تاریخنده منهای آفریقای

جنوبیده کائن و شمدی « امید برونی » دنیلان برونه قدر انواع مهالك و مشاق ايله كیده بیلدی . آندن ایلری به کیتمه کسارت ایده میوب « پورتکیز » عودتنده قرال (ایکنجی زان) « مشاهداتی مین بر لایحه تقدیم و قرال مشارالیه « هند » وارلق امیدى حاصل اولدیغندن سیاحك ویردیکی (فورتنه لر) برونی دکشدره رك (امید برونی) توسیم ایلدی . آندن سوگرمه « هندستان » دخی سیاحین مشهوره دن (واسقو دو غاما) سایه سنده کشف اولندی .

واسقو دو غاما Vasco de Gama — مومالیه عصرک فضلاى مشهوره سندن اولوب بتون وقتکی گمیجیلکه حصر ايله آفریقا دگزلرینی دفعاتله سیاحت ایتمش و پورتکیز قرالی (بختلی امانوئل) زماننده باش قبودان انتخاب اولنه رق هندستان طریقنك کشفی ایچون قرال طرفندن امر و مساعده آلمشدر ۱۴۹۷ . (واسقو دو غاما) معیتنده درت قطعه سفینه اولدینی حالده « ایزبون » شهرندن حرکت و آلتی ماه سیر و سیاحتله (بارتلمی دیباز) ک کشفنه موفق اولدینی (فورتنه لر) ویا (امید) برونه مواصلت ایده رك « بحر محیط هندی » به داخل اولدی ۱۴۹۷ . بعده آفریقانك شرق ساحلتی تعقیب ایده رك « موزامبیق » سواحلنه بالوصول « ملنده Melinde » شهرینه چیقدی . اوراده آفریقای شمالیده و جنوبی اسپانیاده گورلیدیکی مثللو مدنی عرب قبیله لرینه کمال حیرتله تصادف ایلدی . موزامبیق امیری طرفندن

برجوق تلطیفاته مظهر اوله رق مشارالیهک معاوتی سایه سنده
معینته آلدینی قلاغوزلر ایله « بحر محیط هندی » بی ۲۲ کون
ظرفنده قطع ایدوب هندستانک « مالابار » ساحلنه و اورادن
کچوب « قالدکوته » یه گلدی . لکن موزامبیق تجارتی هندی
تجارتی انزدن آله جقدر دیو هندیلیری پورتیکیزلیر علیه تحریک
ایتمش اولدیغندن (واسقودوغاما) هندستانده اوطوره میوب
طائفه سیله « لیزبون » عودت ایلمشدر .

مومالیه « لیزبون » وصولنده قرال طرفدن آقشلانهرق
جنراللق رتبه سی احرارز ایلدی . ایکنجی دفعه اولوق اوزره
قرال طرفدن ویرلش اولان یکرمی برقطمه سفینه ایله عازم
راه هندستان اولدی . « هندستان » وصولنده یرلیر ایله
حرب ایده رک پورتیکیز دولتی بر مستملکات مستقله یه نائل
ایتمش و کندیسینی دخی اورانک والی* مستقلی نصب و تعیین
ایتدیره رک تجارتجه مهم نقاطی تحکیم و دونماری سایه سنده
هندیلردن بعضیلرینی پورتیکیز دولته ویرگوی مخصوص اعطاسنه
وبعضیلرینی ده دولت مشارالیه ایله اخذ واعطا ایتمک مجبور
ایلمشدر .

(واسقودوغاما) دن سوکره کلن هندستان والیلردن
(آلپوکرک Albuquerque) دخی مومالیهک نواقصی اکمال
ایدیره رک « هندستان » ، « جزیره العرب » ایله « آفریقا » سواحلنده
بولنان مهم تجارت موقعلرینی تسخیر و متعدد شعبه لر تشکیل

ایستدیکندن بو سایه ده پورتکیزلیلر هند تجارتی دردست ایتمشدر
وتزید نفوذ وکسب قوت وعظمت ایلمشدردر .

آمریقانک کشفی — پورتکیزلیلره عارض اولان آرزوی
کشفیات قومشورلی بولنان اسپانیوللره دخی سرایت ایتمکله
آنلر دخی کشفیات دورینک اک بیوک رجالدن . حدود اولان
(خرسٹوف قولومب) نامنده کی ذاتک همت وغیرتی اثری اوله رق
« آمریقا » قطعۀ جسمه سنی کشف واستیلا ایامشدردر .

خرستوف قولومب Christophe Colomb — مومالیه
« جنوه » شهرنده دنیایه کلوب « پاپیه » دارالفنوننده تحصیل
علوم ایستدکدن وجغرافیا وهیئته متعلق مدوناتی بالمطالعه ارضک
کروی اولدیغنه اعتقاد حاصل ایلدکدن صوگره مجرد سیاحت
قصیدله بجزاً بر چوق ممالک وقطعاتی طولاشمش و « اسپانیا »
سواحلدن غربه طوغری حرکت ایلدیکی حالدۀ آسیانک
شرقده بولنان « هندستان » کیدیه جکنه علم یقین پیدا ایلمش
اولدیغدن کشفیات جدیده تخریسیله امرار اوقات ایتمکی پیش
نظره آلمشدر .

اوصرده هرکس آفریقا سواحلدن کیده رک « هندستان »
تقرب ایتمکی دوشونور ایکن کندیسی بالعکس روی دریاده غربه
طوغری کیده رک شرقه تقرب ایلمکی بر طاقم دلائل ایرادیه
ادعا ایلمکده ایدی . اشبو مرامک اجراسنی تسهیل ایچون
بردولتک زیر حمایه سنده بولمق لازمه حالدن اولدیغدن ووطنک

ثروت و شوکتی بر خدمت اولی و منفعت مستقبلی جلب و دعوت ایلمک ضمنده نتیجه مطالعاتی ابتدا تابعی بولندینی «جنوه» حکومتی عرض و تفهیم و لوازم سفریه نک جانب حکومتدن کندیسنه اغانه و اعطا اولنسنی تکلیف ایتیش ایسه ده استحصال مساعده ایده مامشدر . بونک اوزرینه «فرانسه» ، «انگلتره» دولترینه بالمراجعه آنلردن دخی جواب موافق ظهور ایتامش اولدیغندن «پورتیکیز» دولته مراجعت کنیدی مجبور کورمشدر . هر نه قدر دولت مشار الیهانی کشفیات خرسی استیلا ایلمش ایسه ده وسط بچردن سیاحت مخاطره سینه کیریشه مدکلرندن اوراده دخی بر فائده مشاهده ایده مینجه خائب و مأیوس اولدینی حالده نهایت «اسپانیا» یه عزیمت و (قاتولک فردیناند) ایله زوجیسی (ایزابیل) «مراجعت ایلدی» . مرام و مقصدینک ترویجی ایچون «اسپانیا» ده سکز سنه قدر اقامتی هنگاهنده دولته نیاز و تضرعدن خالی قالمدی . فصلیه سکزنجی سنه سی ختامنده تحصیل مساعده ایده رک طرف دولتدن اوج قطعه سفینه و مهمات لازمه اعطا اولندیغندن حال مأیوسیته مبدل شوق و مسار اولدی .

(خریستوف قولومب) لوازم سفریه بی بالاکال تصور ایلدیکی طریقک کشادی ایچون میلادک ۱۴۹۲ سنه سی آغستوسنک اوجنجی کونی اندلسده کائن «پالوس Palos» لیانندن سفینه یه راکباً سمت مقصودینه متوجهاً حرکت و معلوم اولان طریق

ایله « قناریه » آطه لرینه مواصلت و بورادنده اکال لوازم
 عزیمت ایله غرباً احوال و وسعتی مجهول اولان دریای محیطه
 کندی بی تسلیم ایلدی. سیاحین انزای سیاحتلرنده روی دریاده
 کوردکلری مزاحم و مشاقدن دوچارخوف و تلاش اولدقلرندن
 « اسپانیا » یه عودتی آرزو ایدهرک (قولومب) « معامله بارده
 گوسترمکده و (قولومب) ایسه بونلرک معامله لرینی اغماض
 عین ایلهرک امید و افکارنده ثبات ایتمکده ایدی. نهایت
 کیجه نك برنده اوزاقدن یاغقمده اولان آتش مشاهده اولنمغله
 سفینه لری او طرفه سوق و تسیر ایتدک. سنه مزبورده تشرین
 اولنک ایکنجی کونی صبحی کیلر طائفه سی کندیلرینی
 منظره سی کوزل یشیل بر آطه اوکنده کوردیلر. سفینه ده
 مربوط بولنان صندالار ایله ساحله چیقوب نائل امال اولدقلری
 ایچون حقه شکرانیتی ایفا ایلدیلر.

(قولومب) ک یناشدینی ساحل ایسه « آمریقا » نك شرقتده
 کائن شمدی « باهاما » دنیلان جزاژده داخل اولان « سان
 سالوادور » آطه سی ایدی .

بواننده جزیره اهابسی او وقتهدر کوردکلری بوغریب
 سیاحلر ایله سیاحینی کترین سفاننه کال تعجیله نظر ایدرلر
 ایدی. سیاحین جزیره اهابلسنه ابتدا هدییه مقامنده
 یلانجی اینجو و بوکا مانند شیلر ویرر؛ آنلر دخی کندیلرنجه
 اک مقبول اولان هدایا اعطاسیله بونلری مقابله ایدر ایدی.

بو وجه ایله ، اسکی دنیا ، اهلایی ایله ، یگی دنیا ، سکنه سی
 بیننده واقع اولان اشبو ایلک ملاقاتده هر درلو معاملات صورت
 دوستانه ده اجرا اولمش و شرائط انسايتہ تمام موافق وجه ایله
 طورانله مشدر .

اسپایولر اراضی جدیدہ کشفندن مقصد و مراملری
 جلب ایدہ بیلہ جکلری منافعی ملاحظہ دن عبارت اولغله قولاق
 و برون و قوللرنده آلتونہ متعلق اشبا طاشیان بریلرہ بو آلتونلری
 زہدہ بولدقلری سؤال اولندقدہ جنوبہ طوغری اشارت
 ایدہ رک آلتونک اورالردہ چوق اولدیغی خبر ویردکلرندن
 سیاحین تکرار سفینہ لره یینوب جنوب جہتہ طوغری کیتدیله ،
 بو سفردہ «کوبا» ، «ہایتی» ، «ترینیتہ» [۱] جزیرہ لری کشف
 و استیلا ایلدیله .

(قولومب) کشف ایتدیکی جزائرہ رفقاسندن بر طاقم
 مأمور نصب و تعیین و جزائرک امور و خصوصاتی آنلرہ
 احالہ و تسلیم ایتدکن سوگرہ اورالردہ خرص و طمعلریخی اقناع
 ایدہ جک مرتبہ دہ آلتون کلچہ لری و اینجولر تدارک ایدہ رک
 موافقتی تبشیر ایچون رفقاسندن بر طاقی اراضی مکشوفہ دہ
 ترک و کندیسى «اسپانیا» یہ عودت ایلدی . «پالوس» لیمانہ
 حین وصولندہ حکومت و اہالی طرفدن آلقشلاندى ، یگی
 دنیا کشفی سایہ سندہ نام و شہرتی آقاقى طوتدی .

[۱] بو آطلہ لردن ایکی اولکیسی بیوک و اوچنجیسی کوچک آنتیل
 آطلہ لرنده داخلدر .

(هرون اخيره تاريخى)

(قولومب) چند ماه قدر « اسپانيا » ده اقامت ايلد کدر
 سوگره کشف اولان قطعیه عودتنده قرال (فرديناند) ايله
 زوجهى (ايزابل) طرفدن وريان يوك اميرالاق رتبهسى
 ايله سکرز اون قطعه سفينه دن عبارت ر فيلو دوخمايه نائل
 وکندى ايله کيتمک ايجون طهور ايدن کسانه آمر اوله رق
 بوکره « قاديس Cadise » ليماندن سمت مقصوده متوجهاً
 عزيمت و « هاتي » ويا « اسپانيول » آطه سنه مواصات ايلدى.
 الحاصل (قولومب) بوصورتله چند دفعه « آمريقاء قطعیه سنه
 کلوب کيتمش ايسه ده يناشدینی قطعیه نک « آمريققا » اولديقى
 آکلايه ميوب « آسيا » نک شرق جهتي بولق اوزره يوله چيقدینی
 حالده تصادف قيلندن اوله رق « آمريققا » قطعیه سنى کشف
 و تحقيق و کنديسى « هند غربى » ناميله توسيم ايلمشدر. بونک
 ايجون قطعیه مذکوره اصل کاشفي اولان (خريستوف قولومب) نک
 ناميله ياد اولميوب نعلسه سهواً کنديسندن بر قاج سنه سوگره
 يعنى ميلادک ۱۴۹۷ و ۱۴۹۹ تاريخلر نده کيدوب آمريققانک
 حالدن باحث برساله نشر ايدن فلورانسلى (آمريغو وِسپوچى
 Amerigo Vespucci) نامنده کى سياحک اسميله مسمى اولمشدر.

کشفیات متناهمه — (قولومب) نک بروحه مشروح وقوع
 بولان استخراجات و کشفیاتى اوروپا اهالىسنک تيقظنه سبب
 اولديندن آنلر دخى « بحر محيط اطلاسى » نک غرب جهته

احوالی مجهول بر قطعه بولندیغه کسب و قوف ایدرهك (خرستوف
فولومب) ك طوتمش اولدینی مسلكی اختیار ایتدیلر .

سیاحین سفائن تنظیم و تجهیز ایدرهك طرف طرف سیر
و سیاحت ایلدیلر. سیاحینك حین سیاحتلرنده ومیلادك ۱۵۰۰
تاریخنده «بره زلیا» پورتکیزلی (قارال Cabral) نامنده کی سیاح
کشف ایتدیکی مثللو ۱۴۹۷ تاریخنده دخی الحاله هذه ممالك
محممه دن کنایه اولان قطعه انکلتره قرالی (یدنچی هانری)
طرفدن مأموراً کوندریل (سباسیین قابو Sébastien Cabot)
و رفیق و برادر (ژان قابو Jean C.) طرفدن کشف
و استیلا اولمشدر.

۱۵۱۳ سنه میلادیه سنده دخی (بالبا Balboa) نامنده کی
اسپانیالی بر سیاح طرفندیده «پاناما» بزرنخی کشف و اسپایا
دولتلك اولدینی اعلان ایدلمشدر.

مکسیقانك کشفی — اسپایا قرالی (شارلکن) زماننده
و تاریخ میلادك ۱۵۱۹ سنه سنده «گوبا» والیمی (والاسکر Wa-
lasque) میت امراسندن (فرنان قورتز Fernand Cortéz) ی
تجهیز ایلدیکی اون قطعه قدر سفینه به رئیس نصب و تعیین
ایدرهك «مکسیقا» نك کشف و استیلا سنه مأمور ایتدی.
مومالیه «میتی» عسکری ایله حیلی مشکلات و مشقتلر چکهرک
«مکسیقا» به واصل ویریلر ایله حزئی محاربه ایتدکن صوکره
صلحاً «مکسیقو» شهرینه داخل و حکمدارلری بولنان (مونه).

زوما (Montezuma) ملك تاحیفات بی نہایہ سنہ نائل اولدی .
اووقت یلہ «مکسیقا» ممالکتی معمور شهرلر ومدنی اسانلرایله
تزین اولنمش ایدی.

● (قورتز) برمدت «مکسیقا» ده اقامت و بعدہ رفقا سنک عدم
تدیرندن طولانی مکسیقالیلرایله حربہ مبشرت ایتدی . نتیجه
حربی کندی قازانغله قطعہ مذکورہ بی ضبط واستیلا واسپانیا
ممالکنہ ضم وعلاوہ ایلدی ۱۵۲۲ .

مومالیہ «مکسیقا» بی کشف واستیلا ایلدکن سوکرہ
هرنه قدر (شاراکن) طرفندن «مکسیقا» والیسی نصب ولعین
اولنمش ایسده اواخر عمری (قولومب) ناللو فقر و ضرورتلہ
امرار وانواع فلاکتلر ایچنده اکمل ایتمشدر .

برنجی دفعہ دور عالم میامنی — (قورتز) ک «مکسیقا» بی
حین ضبطندہ ومیلادک ۱۵۲۰ تاریخلرندہ اسپانیا قرالی (شاراکن)
خدمتندہ بولنان پورتکیزی (ماجالان Magellan) بش قطعہ
سفینه ایله «قادیس» لیماندن حرکت و آمریقای جنوبیدہ کائن
اولوب کندی اسمیلہ تسمیہ ایدی لان بوغازدن بالمرور «بحر
محیط کبیر» مواصلت ایدہ رک «آسیا» نک سواحل شرقیہ سنہ
داخل و بحر مذکورده بولنان «فابین» آطہ لرندن «ماقتان
Maktan» جزیرہ سنہ واصل اولدی . بو آطہ مک حین کشف
واستیلاسنده یرلیلر طرفندن مقتول دوشمش و فقط رفقاسی
یولہ دوام ایدہ رک «بحر محیط ہندی» یہ داخل و «هندستان»

ہامید رونی، طریقہ و بحر محظط طلاسی، یہ واصل اولہرق
 و اسپایا، یہ رنجی دفعہ اولیٰ اورہ دور عام ایسہدکن
 سوگرہ عودت المشرق ۱۵۲۲ .

پرو مملکتک کشفی — ” مکسقا “ ب ص ص ص ص ص ص ص ص ص ص
 و پرو، مملکتی دخی اس۔ بیالی (فرانسیسی) فرانسیسی
 (Pizane) طرفین کشف و اسالا اولمشدر۔ شویله کہ۔ مومالہ
 ثروت و معموری حہتیلہ شہرتی اولدیہ یرالمر طرفین روایت
 اولیان و پرو، مملکت کشف و تحقیقی ایچوں (آلماعرو - Al-
 magro) و (لوق - Luque) نامن سیاحلر ایلہ مال و حای او
 یولہ فدا ایتک اورہ اہان و قطعہ مذکورہ حقہدہ اولیان
 روایات اساسر اولدیہ ” پاناما “ دن حرکتلہ تحقیق و تفتیش
 ایندکن سوگرہ رفہاسدن مامول ایلدی معاوتی کورہ مامش
 وویله رحیم مملکتک سبط و کشی ایچوں تدارک ایسیدی
 عسا کرک دخی عدم کیفایہی آکلامش اولدیہدن طوعری
 و اسپایا، یہ عرمت وایمپراطور (شارالکن) دن استعانت
 ایدوب فتح ایدہ حکم مملکتک و المملکتی استحصال ایدہرک
 اورادہ تحریر ایتش اولدیہ گوٹلی عسکر ایلہ و آمریکا، یہ
 عودت و پرو، مملکتی اور، یہ حرکت ایلدی ۱۵۲۹ .

پرو، یہ حین و صولہ مملکتک مالیکی اولان دات وفات
 ایدہرک (آتاعو آبا - Atagualpa) و (ہوسقار - Hoscuar) نامدہ کی
 اوغلری مقام پدیری احرار ایچوں یکدیگری علیہ قیام

و بونلردن (آناغو آلیا) (هوسقار) غلبه ایله نائل مرام اولمش
ایسه ده مؤخرآ کندیبی دخی (بیزار) الله اسیر دوشه رک قتل
ایدلمش اولغله آرتق « پرو » مملکتی اسپانیوللره انتقال ایلمشدر.
بوصره ده « شیلی » قطعه سی دخی (آلماضرو) طرفندن ضبط
اولنمشدر.

آمریقانک کشف واستیلا سی مذکور الاسامی ذواتک
زوالیه کیری قالیوب آنلردن سوگره دخی بر طاقم کاشف لر
ظهور و سیاحین موما الیه مک سیاحتلرینی اکمال ایتمشلر و بر
صره ده « اوقیانوسیه » آطه لرینی و « آوسترالیا » جزیره سنی
کشف ایدره رک « بر جدید » نامیله توسیم ایلمشدر.

نتایج کشفیات — بروجہ مشروح حرکت عمومیہ سایه سنده
« آمریکا » ، « اوقیانوسیه » قطعه لری کشف اولندیغدن « پورتیکز »
« اسپانیا » ، « انکاتره » ، « فلمنک » مملکتلری فوق العاده
کسب ثروت و معموریت ایتمه باشلامش اولغله آرتق خلق
اراضی مکشوفه جدیدیه آقین آقین هجرتہ باشلا یوب باخصوص
کیدن اهالی کاملاً ارباب دانشدن بولندقلری مناسبته قطعه
مذکورہ نک آز وقت ظرفده بک چوق انتظام و معموریتنه
موفق اولمشدر.

اوروپا مهاجرلرینک یگی کشف اولنان قطعاده تشکیل
ایتدکلری مملکتلر بر زمانه قدرینه اوروپا حکومتلرینک تحت

تابعت و اداره سنده بولندینی کبی الحاله هذه بعض یرلری اورویا
مستملکاتندن معدود ایسهده مؤخرأ بونلردن اغلی باشلی باشنه
حکومتلر تشکیل ایدهرک اوروپادن علاقهلرینی کسمشلردر.

— — — — —

باب رابع

بو باب (روسیه) ، (اسقاندیناویا) ، (آلمانیا) ، (پروسیا)
دولتلرینک وقوعات تاریخهلرینی مشتمل اولمعله دول مدکورهدن
مهربری بروحه آتی برر فصلده ذکر و بیان ایدیله جکدر.

— — — — —

فصل اول

❦ روسیه دولتی ❦

قرون جدیده ظرفنده « روسیه » ده روریق خاندانی ۱۴۶۲ :
۱۶۱۳ - رومانوف خاندانی ۱۶۱۳ : ۱۷۲۵ - مقبللر
دوری ۱۷۲۵ : ۱۷۶۲ - هولشتاین غوتورب
خاندانی ۱۷۶۲ الح ... حکومت ایتمشدر.

— — — — —

✽ روریق خاندانک حکومتی ✽

روسیہ دولسک شہوری و اوچنجی ایوان ۱۴۶۲ -- اوچنجی
 واسیل ۱۵۰۵ -- دزدنجی ایوان ۱۵۳۳ -- ریحی فتودور ۱۴۸۴
 عودووف ۱۵۹۸ -- ایکنجی فتودور ۱۶۰۵ -- دیمتری ۱۶۰۵
 -- شویسکی ۱۶۰۶ -- ولادسلای ۱۶۱۰

اوچنجی یوانہ Ivan II -- روسلر ناتالرک دائرۂ تبعیتانہ
 گیردکاری صرہ دہ آنلرک تجاوراتسدن بر درجہ یہ قدر امین
 اولان «موسفوہ» یہ دخالت ایتمکہ باشلادقلریدن شہر مذکور
 (روس) قبیلہ سنک مرکز حکومتی اولدیی قرون وسطادہ
 ذکر اولنش ایدی .

روسلر ہر نہ قدر مغوللرہ ویرگو ویرمک محبورننسدہ
 بولنش ایسہ دہ (روریق) اولاددن اولوب «موسفوہ» دہ
 حکومت ایدن (اوچنجی ایوان) دورندہ «موسفوہ» دوقہانی
 بر دوات ہیئتتی اخذ ایلدی . شویلہ کہ : موما ایسہ متبوعی
 اولدینی قاپچاقلیرک صغف حکومتندن استفادہ یہ بالقیام اول
 مردہ «نووگورود Novgorod» نامندہ کی شہری یدی سنہ
 محاصرہ و محاربہ دن صوگرہ ضبط و بعدہ روس پرسلرندن
 بعضیلرینی طوعاً و بعضیلرینی کرہاً زیر اطاعت و انقیادسہ
 ربط و ۱۴۸۱ دہ نفس قاپچاق حکومتی مغلوب ایدہ دل
 «موسفوہ» نک حدودینی «بحر ابیض» قدر توسیع ایلدی .

۱۴۸۶ ده دخی (قزان) حکومتی اوزرینه بالهجوم آنلری ده مغلوب و بو وجه ایله (موسقوه) بیوک دوقاعنی بر دولت هیئتیه وضع ایلمشدر .

• اردنجهی واسیل Wasile III — موما ایله بدری (ایوان)ك وفاتنده مقامی احراز ایلدی . بۇ دات زمان حکومتنده امتیازلرینی اعادهیه قیام ایدن « موسقوه » بهیارلرینی یعنی دره بکلرینی تأدیپ و روسیه نك شمال طرفلرنده مسكون بر قاج برنسلکی لغو ایدرک اداره سی آلتده بولنان ممالکی توسیع ایلدی .

• دردنجی ایوان Ivan IV — (واسیل) ك وفاتنده روسیه صندالی حکومتته هنوز درت یاشنده بولنان (دردنجی ایوان) جلوس ایلدی . ۱۵۴۴ تاریخه قدر ۱۲ — نه امتداد ایدن صباوتی زمانی بهیارلرک مداخله سی ساییله غیر منتظم جریان ایتدی . تاریخ مذکورده ایسه زمام حکومتی ید استقلانته آلهرق بهیارلرک نفوذینی کسر و « فران » « آستراخان » خانقلرینی و « نووگورود » حکومتی محو و « سیریا » اراضیسنك بر قسمی فتح ایله روس مملکتی « بحر خزر » دن « بحر بالطق » قدر توسیعه همت ایلدیکی جهتله کنیدیسی (چار) یعنی (قیصر) لقبی حائز اولدی . روسیه ایچنده معارف و مدنیتك ترقیسنه دخی خیلی خدمت ایلدی .

— برنجی فتودور Feodor Ire (دردنجی ایوان) ك

وفاتندہ اوغلی (قودور) (برنجی قودور) عنوانیلہ موسقوہ
تختہ جلوس ایلدی . موما الیہ ۱۵۸۴ دن ۱۵۹۸ تاریخنہ قدر
۱۴ سنہ دوام ایدن مدت حکومتندہ روسیہ ایچندہ خیلی
قاریشقلقلر ظهور ایتمش وبلا ذریت وفاتندہ قران تانارلرندن
دوئمہ اولان (غودونوف Gidonof) کندی یہ خلف اولمشدر .

== غودونوف و ملغری — (غودونوف) عاقل و مدبر
بر ذات اولدینی جهتلہ بهیارلر طرفندن چار انتخاب اولنمش
وبو خصوصده بهیارلر روسیہ لیلرک فنون و معارف جهتیله کسب
ملک و مهارت ایتلمیسه واسطه اولمشدر .

خلف وولدی اولان (ایکنجی قودور) زمانندہ تارک
دنیا دن (ضراء غوار) اسمندہ بری (دردنچی ایوان) ک مقتول
اوغلی (دیمتری) اولدیغنی ادعا ایدمک لهابلردن آلدینی
عساکر معاونه ایلہ کلوب «موسقوہ» نی ضبط و کندیسنی چار
اعلان ایتمش و فقط موسقولرہ اجرای حقارت ایتمکہ باشلامشدر .

(ساخته دیمتری) دن سوگرہ بهیارلردن (واسیل شویسکی
V. Chouisky) اسمندہ برینی چار اعلان ایلدیلمسده
(دیمتری) نک زوجہ سی (ماری) لهیلری موما الیہ علیهنہ
تحریرک ایدمک «موسقوہ» نک لهیلر طرفندن ضبطنه وسیله
اولمش وبر مدتده «موسقوہ» تختی لهستان قرالی (ولادسلار
Vladislav) انتقال ایلمشدر .

بو اداره زمانندہ (نیزنی نوو غورود) پرنس لرندن بری
روس لری لهیلر علیهنہ تحریرک ایدمک باشنه جمع ایلدیکی

غلبه لك ايله كلوب «موسقوه» يي استرداده موفق اولدى . بو
صرده موسقوه اهاليى اوتدن رى وقوعه كلكده اولان
مارعاك اوگى آلى ايچون شهر مذكوره صاحب نفوذ
اهلار ميتروپولىد [۱] (فيلارت) ك اوغلى (ميحائل رومانوف) ي
چار اعلان ايتمليله روسيه تحتي (روريق) خاندانندن
(رومانوف) سلاله سنه استقال ابلدى ۱۶۱۳ .



﴿ رومانوف سلاله سنك حكومتى ﴾

بو حادادن «روسيه» ده ميحائل ۱۶۱۳ — ملكسى ۱۶۴۵ —
اوچى فتودور ۱۶۷۶ — نىشى ايوان ورىخى پترو ۱۶۸۲ —
برىخى پترو ۱۶۹۶ حكومت ايمشدر .

مىخائل رومانوف Michel Romanof — (ميشل روما-
نوف) دىنى دنيلان بوذات بهيار صنفه مسوب اولدنى جهته
هر نه قدر (روريق) پرىسلى طرفدن استرقاب اولنش
ايسده مذكور پرىسلى پدى (فيلارب) ك نفوذ واقتدارندن
خوف ابدرك سكوتى اختيار ايتدكلى كى اهالى دىنى داخلى
قارشى قىلقدردن اوصانوب سيفمش و اخى تجاوزاتى آلتده
ازيلوب قالمش اولدقدردن بومك زمانده رفاه حال ايله اصرار

[۱] ميتروپولىد مناهب رهبانيدن بريد .

وقت ایدہرز افکارینہ دوشہرک موما الہک چار انتخابندن
طولایي نمونیتلرینی عرض ایلمشلدردر .

• موما الہک ۱۶۱۳ دن ۱۶۴۵ تاریخنہ قدر ۳۲ سنہ امتداد
ایدن زمان حکومتندہ روسہ ایلمر ہرنہ قدر کمال راحت و آسایشلہ
امرار ایہ ایتمشلمر ایسہدہ او وقت احرای نفوذ ایدن
(اسہرہ ایچ) عسکرینک تجاوراسدن طولایي کندیلرینی
طوپلایہ مامشلمر و بونی اتحاد فرصت ایدن اسوج قرالی مشہور
(گوستاو آدولف) ایلہ لہایلرک وقوع بولان تعرضاتنہ مقاومتندن
عاحز قالہرق بر معاہدہ ایلہ بحر بالطق ، سواحاندہ کی مستملکاتی
غیب ایتمشلدردر .

علکی ۱۸۱۸ - (مشل رومانوف) دن سوگرہ روسیہ
تاحی اوغلی (عاکشی) یہ اقلہ مال ایلدی . بولک ۱۶۴۵ دن
۱۶۷۶ یہ قدر ۳۱ سنہ امتداد ایدن زمان حکومتندہ روسیہ
دولتی توسیع حدود و تأیید نفوذ ایتمش و بوسرہدہ جنوبی
روسیہدہ مسکون قزاقلر رباد ایدیلوب لہایلرہ دخی غلبہ
چالمنشدر .

(علکی) مشاغل حربیہ یی بر طرف ایتدکن سوگرہ
اصلاحات ملکیہ حہ اولان ہمتیہدہ دریغ ایتمیوب اوروبادن
جلب ایتدیکی اوستلر واسطہ سبیلہ صنایعک ترقیسنہ خدمت
ایتدی . پای تختندہ بردہ مطبعہ کشاد ایدہرک روسیہ نک اوزمانہ

قدر اوراق پریشان ایچندہ قالان بطامتی انک اول طبع ونشر
ایتدیر مشدر .

اوینچی قئودور Feodor III -- (علیکی) نک وفاتندہ
(قئودور) ، (ایوان) ، (پترو) نامندہ کی اوغللرندن الکسبوکی بوان
(قئودور) (اوینچی قئودور) عوایلہ روسیہ تختہ جلوس
ایلدی .

مومالیہ آنجق ۶ سنہ قدر مقام حکومتدہ بولندی . زمان
سلطنتدہ موسقوہ ، شہریتک توسیع وتنظیحی و بعض نظامات
ملکیہ وعسکریہ وصحی کی خدمتاری ایفا ابدہ یلدی .

سنجی ایوانہ وینچی پترو (قئودور) ک وفاتندہ (اشنجی
ایوان) ایلہ اون ، اون اوچ یاشندہ بولتان برادری (پترو)
مشترکہ احرای حکومتہ ایتدار ایتدی . و (ایوان) ک اوز
همشیردسی (صوفدہ) ، تلرہ وصیہ نامن اولندی . بعدہ
(ایوان) حکومتدن فراغت و برمدت سوآکرہ وفات ایلان کندن
(موسقوہ) تختی مستقلاً اون یدی ناشدہ بولتان (پترو) یه
انتقال اندی ۱۶۸۹ .

برنجی پترو Pierre le Grand (پترو) نامیلہ
بنام اولان (پترو) ازمنہ ، حرمتک ایلینک
حکمدارلرندن بری اولم ۱۶۸۹ دن ۱۷۲۵ تاریخندہ
۳۶ سنہ امتدادن ایدن زون حکومتدہ روسیہ دولت ایلان
ایلدی . حیاتلہ دوان مملکتک شہیدی ایلانندہ .

• مومالییه غیرتلی وچالشقان و غایت فطین و ذکی بر ذات اولوب مستقلاً مقام حکومت حلو سنی متعاقب اخص منسوبانندن اولوب فرانسه ، فلمنک و روسیه خدمات عسکریه سنده اولدینی کبی خدمات ملکیه ده دخی یارارلی گورلمش اولان (لفور Lafort) نامنده کی ذات ایله نالشاویره عساکر بریه سی تنظیم ایندی .

روسیه ایبری اوروپا ایله مناسباتده بولدیرمق ایچون بر ساحل استحصاله تشمت ایلدی . اووقت «بحرالطوق» ساحلی اسو حالده و «قره دگر» ساحلی دخی دوات علیه عثمانیه یدیده بولنش اولدیغدن اول امرده عساکر موجوده سنی «دیپیر» هرنده انشا و تدارک ایتدیرمش اولدینی قایق لره ارکائاً «قریم» اوزرینه تسلطه مأمور ایتدی .

بو آراق دولت علیه عثمانیه بر طرفدن «وندیک» حکومتی و «خارستان» جهتمدن «آلمانیا» و «مولداوا» یعنی «بغدان» طرفدن «لهستان» ایله مشغول بولندیغدن روسیه دولتک علیهمزه سوق ایلدیکی عساکر نظامیه «آراق» قلعه سنی تحت محاصره یه آلدی . گرچه ایلک محاصره ده مغلوب و منهزم اولمشلر ایسه ده بو مغلوبیتدن قنور کتیرمیه رک ایرتسی سنه قلعه مذکوریه نی برآ و بحرآ محاصره و تصدیق ایده رک ضبط ایلمشلردر ۱۶۹۶ . (پترو) «آراق» سفردن سوگره «بحرالطوق» ده دخی بر اسکله پیدا ایتکی قورمش ایسه ده اوجهتک صاحبی بولنان اسوجلیره

غلبه ایتک بر خیلی قوه بیه و بحریه به متوقف اولدیفندن بونلری اکال ایتکمزین دهـا حرب آجـماق طرفی التزام ایلدی . بونک اوزرینه ضابطان و نفرات عسکریه دن یوز اللی قدرینی بالانتخاب برای تحصیل بر مقدرینی « وندیک » و برازی « آلمایا » به و « فلمنک » « ارسال ایتدی ۱۶۹۷ . کندیمی دخی ممالکک آسایشنی اعاده و تمین ایدهرک اوروپایی کورمک ایچون اووقت پای تختی اولان « موسقوه » دن حرکتله اوروپانک بیوک شهرلرینه اوغرایه اوغرایه « فلمنک » « گیردی . براز « آمستردام » ده آرام و اقامت ایلدی . شهر مذکرده اوان اقامتده (ساردام) ترسانه سنه تبدیل نام و قیافتله گیروب کافه صنایع بحریه به متعلق فونی تحصیل ایتدی .

بو هنکامده هر نه قدر دولت عایه عثمانیه اردولری « آراق » قلمه سی اوزرینه سوق اولنمش ایسه ده موفقیت حاصل ایدهمیه رک رجعت ایتمشدر .

(پترو) فلمنکده ایجاب ایدن صنایع و سائرینی اوکرنه کدن صوگره آرتق تبدیل قیافته لزوم کورمدیکندن رسماً کندیمینی بیلدیرمش و بر مدت دهـا اوراده اقامت ایلتمشدر .

آندن صوگره « انکلتره » به کیده رک قرال (اوچنجی گیوم) طرفندن حرمت فوق العاده کوردی . انکلتره نک دخی فابریقه لری ایله دونماسنی سیروتماشا ایتدکدن صوگره بر مدت دخی

«انکلتزه» ده اقامت ایله صنایع و معارفده اولان نواقصنی اکمال ایتدی .

۱۶۹۸ ده «استره ایچ» عسکرینک مخالفتی وقوع بولدیغدن «وسه قوه» دن اولنان دعوت اوزرینه فلمنکده کندیسنک انشا ایتدیردیکي کمی ایله انکلتزه قرالی (گلیوم) طرفدن اهدا ایدیای دیگر بر سفینه یی بحر ابيضده کائن «آرقانزل» لیمانه اعزام ایلامشدر .

(پترو) «وسه قوه» یه عودتنده حال مخالفتده بولسان «استره ایچ» عسکرینی قتل و اوجاغنی لغو ایدوب زوربالردن برقاجی علناً اولدیرتدی . بوسورتله رؤسا و سرامدانی بالته دید جله یی دائره اطاعت و انقیاد آلتنه آلدقدن صوگره یکیدن نظام اوجاقلری تشکیل و متعدد مکتبلر تأسیس و فامنک وانکلتزه دن جاب ایلدیکي اوسته لر ایله فابریقه لر کشاد و دونمائی توفیر ایتدیکي کبی روسیه نك امور روحانیه سی دخی اصلاح ایدهرک کندیسنی روسیه نك جسمانی و روحانی رئیس اعلان ایتدیردی .

(پترو) روسیه ایچون وضعنه مباشرت ایتدیکي تنظیمات و سائر مبی اکمال ایتدکدن صوگره (له) ، (دانیمارقه) دولتری ایله متفقاً «بحر بالطیق» سواحله ده مالک و حاکم اولان اسوج قرالی (اون ایکنجی شارل) ایله حرب ایدهرک «فنلاند» کورفزی سواحلی استیلا و اوراده «پترسبورغ» شهرینی بنا

وانشا ایلدی . آندن سوکوره بر قاج محاربه ده اسوجایلره مغلوب اولدیه ده ۱۷۰۹ ده وقوع بولان «پولتاوا» محاربه سنده مغفیریت کامله یه موفق اوله رق (شارل) شیور سواری معیتده بولندینی حالد «دینیر» «برخی» سرور ایده رک حدود خاقانی یه جان آتمش و او وقت پادشاهز بولتان (سلطان احمد حن ثالث) حضرت لری طرفدن اولتان مساعده اوزرینه «بندر» ده اقامت ایلمشدر .

(نیور باش) اقبیله مشهور اولان (اون ایکسجی شارل) «بندر» ده آوان اقامتده تهی طور میوب روسیه دولتک «آزاق» دگری طرفلرنجه تزیید قوت ایتمکده بولمیشدن بجنله باب عالی نی دائما روسیه ایله حربه تحریق و تشویق ایتمکده بولندیغدن حضرت پادشاه روسیه ایله اعلان حرب ایلدی ۱۷۱۱ . بونک اوزرینه خیلی وقتدن ری اولاح بکی ایله مخبرات دوستانده بولتان (پترو) جمع و ترتیب اتمش اولدی اوردولرینی «اولاح» قطعه سنه ادخال ایدی .

صدر اعظم (محمد پاشا) ایسه یوز بیک موجودلی بر اردو ایله روسلر اوزرینه هجوم ایده رک احرا ایتدیکی مانورلر ایله روس اردوسی یئنه تفرقه دوشوردی و (پترو) نی اوتوز بیک قدر عسکر یله «پروت» چایی بئاققلرنده قوشادوب زوجیه سی (قازینه) نک رأی و تدبیرینه مراجعه مجبور ایتمشدر .

موما الیها در حال وکلا وامرای بریره طوبلایه رق آنلرک

رایله تنظیم ایتمش اولدینی بر صلح استدعانامه سی مجوهرات و سیم وزره متعلق اشیایله (محمد پاشا) یه بالارسال آتی مذاکرات صاحبه یه دعوت ایامشدر .

(محمد پاشا) روسلرک تقدیم ایتدکلی صلیح استدعانامه سنک احکامی رد ایله (پترو) طرفدن ضبط اولنش اولان «آزاق» قلعه سی اطرافنده کی قلاع ایله برابر سلطنت سینه یه ترک و سرحدلرده انشا ایتدکلی قلعه لری هدم ایتک و روسیه لیلر «لهستان» اداره سنه اصلا مداخله ایتماک کی شرطلرله عقد صلیح ایده رک روسلری آزاد ایلدی .

آندن سوکوره (شارل) دخی آلمانیا طریقیله «اسوج» قطع سنه داخل و متعقب ایله محارب بولان اردوسنه واصل اولدی . (بیوک پترو) «پروت» مغلوبیتدن سوکوره انشا کرده سی اولان «پترسبورغ» عودت و «اسوج» دواتیک لندن «فلانده» ایالتی نزعه غیرت ایلدی .

اوصره ده اسوچلیلر (دانیمارقه) ، (له) ، (پروسیا) دولترینی دلگیر ایتدیکی جهتله «وما الیه آنلرک استحصال مساعده سیله ۱۷۱۳ سنه میلادی سی اواخرینه طوغری ایالت مذکوریه بر اردو ایله عزیمت و بر قاج محاربه دن سوکوره «فلانده» یی ضبط ایله مقر حکومته عودت ایلدی .

۱۷۲۲ و ۱۷۲۳ سنه لرنده دخی ممالک ایراندن «طاغستان» ، «شیروان» ، «مازندران» ، «استرآباد» ولایتلری ضبط ایتدی .

(پترو) ایران محارباتدن سوگره اوج سه قدر دها یشادی.
 حین وفاتده آخلاقه یادکار اولمق اورده بروسیتمه براقدینی
 مرویدر.

بوذات ۱۶۸۲ دن ۱۶۹۶ سه سه قدر برادری (ایوان)
 ایله مشترکاً و ۱۶۹۶ دن ۱۷۲۵ تاریخه قدر مستقلاً اجرای
 حکومت ایتدی. رمان حکومتده تدابیر عاقلانه و تشبثات
 موفقیتکارانه سیله روس دولتی درجه اعلایه ایصال ایلدی
 ایساده خواجه سی خنوهلی آمیرال (امور) ایله اولاً جنرال
 اعدده مارشال و سوگره پرس رتبه لرینی احراز ایدن (منچیفوف)
 روسیه یه ایتدکاری ایوانکلر دخی اسکار اوانه مار.

و

❁ مقبلر دوری ❁

بو دورده « روسیه » ده رنجی قاترینه ۱۷۲۵ — ایکیمی پترو
 ۱۷۲۹ — آنه ۱۷۳۰ — آلتی ایوان ۱۷۴۰ — ایرابت
 ۱۷۴۱ حکومت ایشلردر.



(بیوک پترو) نك وفاتده (رومانوف) خاندانه منسوب
 اونق اوزره مقامی (پترو) اسمنده کی طورونی ویا قیزلرندن
 بری احراز ایتمی لازم کلیر ایکن زوجه سی (قاترینه) پرس
 (منچیفوف) ك معاوتیه حکومتی ضبط و غضب ایلدی ۱۷۲۵ .

محاربانہ بر خبلی غلبہ یہ مظهر اولہرق باش قوماندان (مدیح Minih) «باش» شہرینہ قدر ایلریدی ایسہدہ مؤخر مفلویتیہ دوچار اولدیغندن «باغراد» معاہدہ مضرہسی امضایہ مجبور اولمشدر. لیکن «آوستریا»، «المستان» طرفلرندہ بعض غایات میسر اولمش و قرالیچہ (آنہ) نک روسیہ ایچندہ ایستدیکی خدمتلردن بری دخی اوروپا آداب و اخلاقک وفون و معارفک انتشاری مادہسی بولمشدر.

آلتچی ابوانہ Ivan VI - قرالیچہ (آنہ) دن سوکرمہ چار انتخاب اولمان (آلتچی ایوان) دوری برار قاریشقانلہ مرور ایتمش و آندن سوکرمہ روسیہ تاجی (بیوک پترو) نک قیزی (الیزابت) «انتقال ایامشدر ۱۷۶۱».

الیزابت Elisabeth موما الہا تخت ایمپراطوریہ حین جلوسندہ روس اردولری اسوچیلیرایلہ محارب بولندیغندن روس ضابطانک غیرتیلہ آنلرہ غلبہ ایتدی، بومحاربہدہ روسیہ «فنلاند»، طرفلرندہ توسع حدہ د ایلدی. لیکن اوروپانک وسطندہ کی دولتلر (بدی سنہ محاربہسی) ایلہ مشغول اولدقلری صرہدہ پروسیا علیہنہ (آوستریا)، (فرانسہ) ایلہ متفقاً حرکت ایتکدہ بولندینی حالہ بر شیئہ موفق اولہمدی.

(الیزابت) بلاذریت اولدینی جہنلہ «اعظمتک اواخرینہ طوغری (ہولشتاین Holstein)» [۸] پرنسی بونمان ہمیشہسی (آنہ) نک

[۱] هولشتاین پروسیا قرالعی تشکیل ایدر ایالات جدیدہ سدن برسر.

اوغلی (پترو) بی ولی عهد اعلان ایدهدرك (آنهالت) [۱]
برنسلرندن (قازینه) بی تزویج ایلدی .

ایمپراطور پیچ (الیزابت) وفات ایلدیکی زمان موما الیه
پترو روسیه تاجنی تنوج اتمکله روسیه ده (هولشتاین) فاملیاسی
اجرای حکومت ایتدار ایتدی .

﴿ هولشتاین غوتورپ خاندانك حكومتی ﴾

موحاندانن روسیه ده اوچنجی پترو وایکنجی قازینه ۱۷۶۲ -- برنجی
پول ۱۷۹۶ -- برنجی علکساندر ۱۸۰۱ -- برنجی نیقولا ۱۸۲۵
-- ایکنجی علکساندر ۱۸۵۵ -- اوچنجی علکساندر ۱۸۸۱ --
ایکنجی نیقولا ۱۸۹۴ حکومت ایشلردر .

اوجینجی پترو وایکنجی قازینه -- (هولشتاین غوتورپ
Holstein Gottorp) خاندانك ایلک حکمداری بولسان
(اوچنجی پترو) غایت حلیم وشفقتلی بر ذات اولوب روسیه
تحتیه جلوسنده مقدما نفی ایدیلان مهملری عفو و آزاد ایتدی .
(روس) برنسلرینك ممالك اجنبیه ده استدکری کبی سیر و سیاحت
ایتملرینه مساعد ایلدی . لکن کندیسى اجنبی طرفدارى
اولوب روسلره محبت ایتامسى و اوروپا حکمدارلرینه تقلیداً
[۱] آلمانیا ایمپراطورلغنی تشکیل ایدن حکومتدن برکوچوک

دوقه قدر .

کلیسا املاکنک ضبط و مصادره سی فکریته دوشمسی جهتیله
اهالینک و خصوصیه روسیه پایا-لرینک نفرتی جلب ایتدی
کبی زوجہ سی (قازینہ) روس رجالنک حسن توحہنی جلبه
موفق اوله رق روحی کندی به ترک حکومتہ مجبور ایتمش ور
قاج کون مرورده (پترو) دخی وفات ایلمش اولدیغندن
(قازینہ) نو صورتله روسیه تخنه یکمشد.

ایکنجی قازینہ Catherine موما الیا روسیه نك اك
شہور حکمدارلرندن ری اولوب (رنجی پترو) نك مسکنده
حرک ایتدی . (پروسیا) و (آوستریا) ایله اتفاق ایدہ رک
« لهستان » ی بینلرنده بالتفسیم قسم اعظمی روسیه به الحاق
ایلدی ۱۷۷۲ .

دولت عایہ عثمانیه ایله دخی باشلادینی محارباتده کسب غلبه
ایدہ رک دولت مشار الیایی ۱۷۷۴ ده « قینارجہ » و ۱۷۹۳ ده
دخی « یاش » معاهدہ مضمره لری امضایه مجبور و « قریم » ی
فسادات خفیه سیله قارشدیروب نہایت عسکر دخی صوقورق
ضبط و ممالک وسیعہ سنہ ربط ایتدی ۱۷۸۲ م ۱۱۹۷ .

اشبو ایکنجی محاربه اثناسنده اسوجلیلر « روسیه » علمیه
اعلان حرب ایدوب میانه ده آتش حرب خیلی مدت اشتعال
ایلدی ایسه ده طرفین هیچ برشی قازانه میه ق منطق اولدی .
۱۷۸۳ ده آمریقالیلر متبوعلری اولان انکلتره علمیه

قیام لرنده آمریقالیلر طرفی التزام ایدرک آمریقالیلرک انکلتره دن
آیرلسنه سبب مستقل اولمشدر .

(قاترینه) نک اک صوگره کی موفقیی ایرانیلر اوزرینه
آجدینی محاربه اولوب محاربه مذکوره بعض غایاتله ختام بولمش
و آندن صوگره دولت علیه عثمانیه عاینه آستریالیلر ایله عقد
اتفاق ایتدیسده عمری وفا ایتیمه رک قوت اولمشدر .

موما ایها هر نه قدر ذوق وصفایه مائل ایدی ایسه ده
روس ماتنی اوزروا ملل معظمه سی عداینه ادخایچون معارف
ومدیتک انتشارینه ایتدیکی همت دخی روسلری احیا ایتمکه
(برنجی بئرو) کبی (بیوک) لقنی اخذ ایلدی .

برنجی بول Paul I^{re} — (بیوک قاترینه) دن صوگره
اوغلی (پول) (برنجی پول) ویا (پاولی) عنوانیله روسیه تخته
حلوس ایتدی . موما ایله روسیه تاجنی تتوج ایلدیکی زمان
۱۸۰۰ء باشنه وصول بولمش درایتایجه بر ذات اولوب ۱۸۰۰
تاریخنه قدر ۷ سنه مقام حکومته بولندی . زمان سلطنتنده
فرانسه بختده بیان اولندیی اوزره (نابویون) « مصر » ه هجوم
ایدر ایکن شوالیهلری لندن « مالمه » نی ضبط ایامش اولدیغندن
ذاتاً مالمه شوالیهلرینک فخری رئیس (پاولی) اولغله موما ایله
فرانسه عاینه تگون ایدن اتفاق عمومی به داخل و « مصر »
قطعه سی دخی دوات علیه اداره سنده اولغله دولت مشار ایها
طرفدن اجرا ایدی لان حرکت بحریه ده دخی بزمه متفق بولمشدر .

« ایتالیا ، قطعه سینه هجوم و تعرض ایدن فرانسزلی
 طرد ایچون آوستریا ایمپراطوری کندی قوته کووونه میهرک
 (پاولی) دن عساکر معاونه طلب ایلدیکی صرهد روسیه ده باش
 قوماندان اولوب مؤخرأ تقاعد ایدلش اولان (سووروف) ی ده
 ایستهمش بولندیغندن (پول) در حال موما الیهی محل اقامتدن
 « پترسبورغ » . جلب واقضسا ایدن تلخیصاتی اجرا ایلدکن
 صوگره آوستریا ایچون احضار ایلدیکی عساکر معاونه به باش
 قوماندان تعیین ایده رک « آوستریا » به کوندردی .

برنجی الکساندر Alexandre I^{er} - (برنجی پول) ک وفاتنده
 اوغلی (عاکساندر) (برنجی عاکساندر) عنوانیه روسیه به چار
 انتخاب اولندی . موما الیه (بیوک قازینه) نك اك سوکیلی
 طورونی اولوب حین سباونده موما الیهک حس تربیه سنی
 کورهش و ۲۵ یاشنه وسوانده روسیه تاجنی تتوج ایامش
 اولدیغندن اول امرده اهالی وتبعه سنک محبت وتوحهی قارانهرق
 و (بیوک قازینه) نك نظام و اصولی موجبجه حرکت ایده رک
 روسیه ک نام وشانی اوج بالایه اعلا ایامشدر .

(برنجی عاکساندر) ۱۸۰۰ دن ۱۸۳۵ تاریخنه قدر امتداد
 ایدن زمان حکومتده حقیقه حکمدارلک همان جمله سینه
 تفوق ایدوب هر نه قدر فرانسزلی ایله ایتدیکی ایلک محارباتده
 مغلوب اوله رق «پترسبورغ» ۱۸۰۵ و «تیا سیت» ۱۸۰۷ معاهده
 مضره لرینی امضایه مجبور اولدی ایسه ده ۱۸۱۳ ده (ناپولون

یونابارت) ك روسیہ اراضیسی داخلندہ ابتدكری محاربات متوالیہ دن سوكرہ فرانسه عسكری تاہو۔ وقوہ، یہ قدر كلش وشہرك محاصرہ سی انناسندہ مثلی نامسبق بر شدتلی قیشك حكمنی اجرا اتمی و (یونابارت) ك ہر نوع امداد واستعانہ دن دور ومہجور قالسی (علكساندر) ك نتیجہ مطثری قازانسنہ بادی اولشدر ۔

(علكساندر) وقوعات مسبقہ بی متعاقب دولت علیہ عثمانیہ اداره مندہ یونان ہ مورہ ، جزیرہ سندہ قیام وقوعبولغله بو خصوصہ مشار الیك اقدام ومعونت ایتدیكنہ شہہ حاصل اولدی ۔

۱۸۲۵ دە وقیم، طرفلریخی سیاحت ایدر ایكن حما خستہ۔
لغدن وفات ایلدی ۔

(علكساندر) ك وفاتندہ اوخلرنندن بیوكی بولنان پرنس (قسططین) مقام حكومتہ دعوت اولندی ایسہدہ موما الیك وقوع بولان استعفا سنہ مبنی برادری (نیقولا) چار انتخاب اولندی ۱۸۲۵ ۔

بنجی نیقولا Nicolas I^{re} — موما الیہ گنجلكنی تعلیم وتربیه الیہ كچیرمش و اكثر مواد اوزرینہ بر خیلی تجربہ لر حاصل ایلمش ذکی وغبور وشجیع بر ذات اولوب داخلا حكومت ایمراطوریہك نفوذ واستقلالنی تقویہ وتایید اسبابی استكمال ایتكدن واوروپا الیہ مناسباتی تأمین ایلكدن سوكرہ

مالککنت توسیعنه غیرت ایده رک اول امرده ایرانسلر علیهنه
بر محاربه آجش وقوماندان (باسقوویچ) ک غیرت وهمنی اثری
اوله رق غلبه یه دسترس اولمشدر .

ایران محاربه سنی متعاقب سلاحنی دولت علیه عثمانیه علیهنه
جو برمش واو وقت درسمعدتده یکیچری اوجاغی هنوز لغو
ایدلش اولدیفندن روس عسکری «طونه» بی عبور و (بلقان)
طاغلرینی مرور ایده رک (ادرنه) سحراسنه قدر کلوب سلطنت
سنیه بی (ادرنه) معاهده سنی عقدده مجبور ایلدمشدر .

ادرنه معاهده سندن سوگره (قافقاسیه) یه سوق عسکر
ایدوب ابتدای حاللرندن بری کندی باشلرینه یشایه کلش
اولان قافقاسیلر ایله یکریمی بش سنه قدر اوضراشدی .

۱۸۳۹ ده دخی آسیا حقدده کی امالک حصوله بر مبدأ
حرکت اولق اوزره «خیوه» طرفلرینه دخی براردو کوندرمشدر .

(نیقولا) ۱۸۳۲ ده مصر والیسی (محمد علی پاشا) نک
اوغلی (ابراهیم پاشا) آناطولیده عسکرمنزی تفضیق ایتمکده
ایکن بزه معاونتده بولندی ایسه ده ۱۸۵۲ ده سلطنت سنیه دن
برطاقم مطالب نامشروع ایله برابر مسئله نک ایچنه غیرت دینه
قاهره «قدس شریف» اراضیسنه دائر بر قاج تسکلیفه دخی
ابتدار ایلدیکندن میانه ده حرب ووغا ظهوره کلشدر .

انهای محاربه ده «سینوب» ده بیطرفانه لئکر انداز بولنان
«قره دگز» دوئمای هاپوتی باقسی جهتیله اوروپا دولترلرندن

[فرانسہ، انگلترہ، ساردنیا] حکومتلری دولت عالیہ عثمانیہ بی التزام ایدہ رک متفقاً (روسیہ) علیہ اعلان حرب ایتدیلر . انہای محارباندہ روسیہ لیلر متفقینک ایتدکلی هجوم و تعرضہ خیلی مدت مقابلہ و مدافعہ قصور ایتماش و حتی سیواستپول، قلعہ جسمہ سی متفقین طرفدن اولنان هجوم ایلہ فتح اولنمقدہ ایکن ، آناتولی ، جہتندہ بولسان روس عسکری (قارص) قلعہ سنک ضبطنہ مو فوق اولمشدر .

ایکن (سیواستپول) محاربہ سی اثناسندہ یعنی ۱۸۵۵ تاریخندہ وفاتی وقوع بولایفندن یرینہ اوغلی (علیکساندر) (ایکنجی علیکساندر) عدوانیلہ یکمشدر .

ایکنجی علیکساندر Alexandre II — موما الیہ مرحمتلی و حقوقشناس بر حکمدار ایدیسندہ صاحہ میال اولیوب محاربہ نک امتدادی طرفی التزام ایتدی . بوسرہدہ علیل الوجود اولدیفندن طولانی استعفاسی استرحام ایدن باش قوماندان (منجیقوف) ک رجاسنی بالقبول یرینہ (قورچاقوف) ی باش قوماندان نصب ایدہ رنک محاربہ سابقہ لیرینہ دوام ایلمشدر . نہایت ۱۸۵۶ دہ متفقین ایلہ صلحہ مجبور اولدیفندن کندی بہ مضر اولان « پارس » معاہدہ سنی امضا ایدہ رک او تہاہکلی محاربہ بہ ختام ویردی .

آندن سوگرہ توسیع ملک ایچون اقدام تام کوستروب آسیای وسطایی و خصوصیلہ « بخارا » ، « سمرقند » ، « خیوہ » طرفلرینی ضبط و بتون ترکستانی دائرہ اطاعتنہ ربط و دولت

عثمانیه ایله ۱۸۷۷ : ۱۸۷۸ عیار به سی اجرا ایلمش و هندستانی
دخی استیلا ایچون لازم کان تدایرده قصور ایتمش ایسه ده
وفاتی وقوع یولدینی جهتله افکار اخیره سنه موفق اوله میهرق
مقامنی اوغلی (اوججی علیکسادر) ترك ایلمشدر ۱۸۸۱ .

او مینجی علیکسادر - مشارایه (بیوک یتر) دن اعتباراً
(روماف) خانداندن اوتجی و (هواشتاین) قاملیاسندن
آتجی اولوب ۱۳ مارت سنه ۱۸۸۱ دن ۱ تشرین ثانی سنه
۱۸۹۴ تا یجنه قدر ۱۴ سنه قریب حکومت ایتمشدر . ذاتاً
کندیلمی صاحب ذکا اولوب مدت حکومتده مسلم اولان
مسالمته و راکا ندن طولانی روسیه دواتی هب صالح و آسایش
ایچنده اسرار . قت ایتمش و اصلاحاتی پدرینک راقیدینی محلدن
بدأ ایله اکاله همت ایدرک مقدا ضبط ایدلمش اولان آسیای
وسطی و ترکستان جهتلرینک اعمار و تزیینی ایچون او عراشلمشدر .
تاریخ مذکورده وقوع بولان وفاته مینی . مقامنی بیوک اوغلی
(ایککنجی نیقولا) حضرتلرینه ترك ایلمشدر . ۶۰

فصل ثانی

اسقاندویا

دایماریه اداره سی — وارا خاندانی ۱۵۲۳ : ۱۶۵۴ — ده پون
خاندانی ۱۶۵۴ : ۱۷۵۱ — هواستاین خاندانی ۱۷۵۱ :
۱۸۱۸ — برنادوت خاندانی ۱۸۱۸ .

﴿ دانیارقه اداره سی ﴾

« قلمار » معاہدہ سیلہ « دانیارقه » ایلہ « اسوج » « نوروج » قطعہ لری دانیارقه پر سسلرندن (سمیرامیس) دینکله معروف (مارغیریت والدہ مار M. Valdemare) نامندہ کی قرالچہ نک زمان حکومتندہ برلشوب بر دولت تشکیل اواندینی قرون وسطادہ بیان اولمش ایدی . آرہدن براز زمان مہورندہ اسوجلیر دانیارقه لیلرک سوء اداره سندن متفروداکیر اولملریلہ دفعاتلہ متبوعی علیہ روئی مخالفت کوسترمشلر و بو مخالفت ۱۵۰۳ تاریخندہ دانیارقه قرالیتہ قعود ایدن و (اولدنبورغ) خاندانندن بولنان (قرستیان ثانی) نک زمان حکومتندہ کسب شدت ایتیکله مومالیہ مذکورالاسامی اوج قطعہ نک اتحادی نامین ایچون « اسوج » اراضیسہ مقدار کافی عسکر سوق واسوج رؤساسندن یک چوغی بلا محاکمہ قتل ایلدیکندن اسوجلیر دانیارقه لیلرہ قارشى تسکینی ناقابل بر خصومت و عداوت پیدا ایلمشلردر . نہایت اسوجلیر « دانیارقه » دہ ظہور ایدن قاریشقاقدن طولایی دانیارقه لیلرک « اسوج » اراضیسندن چکلملریلہ اسکی اسوج خاندانہ منسوب (گوستاو وازا Gustave Vasa) نک قراللقی اعلان ایلہ کسب استقلایت ایتشلردر ۱۵۲۳ .



﴿ وازا خاندانک حکومتی ﴾

بو خاندانن اسوجده کوستاو وازا ۱۵۲۳ — ارغ ۱۵۶۰ —

ژان ۱۵۶۱ - ستر سمون ۱۵۹۲ - طمورخی شارل

۱۶۰۴ - کوسه و آدولف ۱۶۱۱ - قرسین ۱۶۳۲

حکومت ایتشلردر .

گوستار وازا Gustave Vasa مومالیه ۱۵۲۳ دن
۱۵۶۰ تاریخه دکن ۳۷ سنه اسوج سندالی حکومتده او طوردی.
زمانه ساحتندده ممالکک اخلاص اولمش اولان ضبط و ربطی
تأمین و استقلالای تحکیم ایچون خلیجه صرف ذهن ایتدی .
پروتسان آیدی ممالک مد کوریه ادخاله غیرت ایلدی .

اریخ (Erich) ایله (ژان Jean) بربرینی متعاقب اسوجیا تختیه
جالوس ایتشلردر .

بولردن (اریخ) هرره قدر دانیارقه لیلر اوزرینه آغاز
حرب و جدال ایلدی ایسه ده مامول ایتدیکی نتیجه یه نائل
اوله مدی .

(ژان) ایسه برادری مقامی احراز ایتدکن سوکره
« لهستان » پرسسلرندن برینی تزوج ایدهرک آندن (ستر
سمون) نامنده کی اوغلی دنیا یه کلدی . لهستان قرالی انتخاب
اولدقدن سوکره پدری (ژان) دخی وفات ایلمش اولغله
اسوج تختی مومالیه انتقال ایلدی .

سیر سمونه Sigismond — بو ذات والد سنک معتقدی
اولدینی قاتولک آیننده بولدی یی قاتولک مذهبک ترکیله
پروتستان آینی قبول ایچون اسوج لیلرک ایتدکری تکلیفه

جواب رد اعطا ایلدی کی جہتلہ اسوجایلر (گوستاو وازا) نك اوچنجی اوغلی (شارل) بیعت ایتمش-لردر. بونك اوزرینہ (سیژسمون) بولدی (شارل) قارشى اعلان حرب ایتدی ایسہدہ محاربہ (شارل) ك مظفریقلہ حتام بولدیغندن آرتق اسوج مملکتی (شارل) ك اداره-سنہ کچدی. مومالیہ شارل (مقوزنجی شارل) عنوانیلہ اداره حکومتہ ابتدا ایلدی.

مقوزنجی شارل Charles IX — بو ذات هر نه قدر ۱۶۱۱ تاریخہ دکین محافظہ حقوق ایدوب روس-لر ایله خیلی اوضراشہرق غابہ دخی چالیدی ایسہدہ نہ چارہ کہ: عمری وفا ایتمہرک فون اولمغلہ مقامی ۱۷ یاشندہ اولان اوغلی (گوستاو آدولف) احراز ایلدی.

گوستاو آدولف Gustave-Adolphe — (ایکنجی گوستاو) دخی دینور. مومالیہ استعداد و قابلیت ایله (بیوک گوستاو) عنواتی دخی قازاندی. اسوج تختہ جلوسی قاتولک پرنسسلری ایله پروتستان پرنس-لرینٹ میانندہ آچیلان (اوتوز سنہ محاربہسی) زمانہ تصادف ایلمش ایدی. بویله بر زمانہ سل سیف ایله محافظہ دولہ شدت لزوم کورندیکی تعقل ایدہرک اداره دواتی ارباب ایاق و اقتداردن مرکب بر مجلس مخصوصہ احالہ ایتدی. کندیمی دخی وقتی ضایع ایتمہرک لوازم حربیہ مداریکلہ اشتغال ایلدی.

(گوستاو) ك حرکات مشروحہسی بعض تدارکات عسکریدہ

بولتان روسلری تلاش و اندیشه به دوشوردیکندن ۱۶۱۲ ده
 روسلر و ۱۶۱۷ ده دخی دانیمارقه لیلر ایله عقد صالح ایدرهك
 «فین = فنلنده» کورفری سواحلی رو سیه دواتندن ضبط ایلدی.
 بعده «لهستان» ك استیلاسنه دخی کوز دیکدیکندن مهینه
 آلدینی اردویی مملکت مذکور اوزرینه سوق و تحریك ایدرهك
 لهلیلره کسب غلبه ایله آنلری اسوجایلره فائده لی برمه ایدرهك
 عقیدینه مجبور ایتدی.

«پولونیا = لهستان» ایشی بتیردکن سوکره آلمانیا
 بچنده بیان اولنه حنی وجه ایله «اوتوزسنه محاربه سی» نه بالمداخله
 سطوتی «آلمانیا» ده بولتان پروتستانلری «بحر بالطق»
 سواحلینه قدر تعقیب و تنکیل ایتمکده اولان حنزال (تیللی
 Tilly) ایله (والتستاین Valtstein) اوزرینه توحیه ایدرهك
 ۱۶۳۱ ده «لایپزیک Leipzig» شهری حوارینده هیج مغلوبیت
 آجیسی کورمیان (تیللی) بی امانه دوشیردی. اردوسنك ایکی
 مثلی راده سنده بولتان (والتستاین) عسکرینه دخی «لوتزن
 Lautzen» شهری حواریسند غلبه چالهرق موما الیهی رحهته
 مجبور ایلدی. بومظفریتلر اوزرینه اسوج عسکرینك نام و شهرتی
 آفاقه اعلا ایتدکن سوکره کندیسی دخی میدان حربده وفات ایلدی
 قرستین Christine — (گوستاو آدولف) دن سوکره
 اسوج تاجنی قیزی (قرستین) گیدی. موما الیه اهل معارف
 و صنایع حقنده اظهار ایلدیکی حایه مخصوصه ایله شهرت شمار اولدی.

تشکیل ایلیدیکی مجالس و کلاںک دلالت تدایر صائبه
و وساطت آرای عاقلانه سی نمره سبیلہ غایت عادلانہ احرای
حکومتہ انتدار ایلدی ایسه ده تحصیل علوم فلسفہ فی مشاغل
حکمداری به ترجیح ایلدیکندن شو خدمت ایلدیکی فکرک
بالاخره اداره امور دواته خلل ویره حکمنی درک و تيقن ایتسیله
کندیسه اداره سینه مقابل سنوی بر واردات تخصیص قلمق
شرطیله اسوج تختی اقربا سندن (شارل) ه ترك و کندیمی
بقیه عمرینی ترك وطن و تبدیل مذهب ایدرک « فلمنک » ،
« فرانسه » و نهایت « ایتالیا » محالکسده سیاحتلر ایچنده کچیردی .
موما الیهک ترك تاج و تخت ایتسیله (وازا) سالاه سی حکومتی
نهایت بوله رق (دوپون) سالاه سی آشکا خلف اولدی .

﴿ دوپون سالاه سنک حکومتی ﴾

دوپون سالاه سندن اسوجده اوتخی شارل ۱۶۵۴ — اون برنجی
شارل ۱۶۶۰ — اون ایکنجی شارل ۱۶۹۷ — اولریک الهوئو
۱۷۱۸ - وره دریقی دوهمس ۱۷۲۰ حکومت سورمشردر .

ارتجی شارل Charle — (اوتنجی شارل) عنوانیله
اسوج تخته حلوس ایدن (شارل گوستاو) اسوجده (دوپون
deux-ponts) خاندانک حکومتی تشکیل ایلدکن صوکره
اوتهدن بری منازعات و محارباتدن خالی اولمیان « پولونیا = لهستان » ،
« دانیمارقه » ، « آلمانیا » علیهنه حرب ایتکی پیشه فکر ایدندیکندن

جلوسنك ايكنجی سنه می اواسطه طوغری اولاء لهستان ده قارشى محاربه یی اعلان ایلدی . اوج ماه ظرفده عموم لهستانی ضبط و پای تحت اولان دوار صومیه یی استیلا ایتدی ایسه ده ایدیلان مصالحه ده یالگیز - واحل بحریه ایله قناعت ایدیه رك متباقیسی اعاده ایلدی .

(شارل) «بولونیا» مظهریتی متعاقب دانیمارقه لیلر ایله آغاز جنگ و حدال ایتدی شویله که: اسوج عسکری کملره ارکاب ایله «صوند» بوغازندن امرار و «سئلاند» آطه سنه سوق و تسیار ایدیه رك پای تحت اولان «قوپنهاگ» شهرى پيشگاهنده ناگاه ظهور ایلدی . ایدیلان حرب نتیجه سنده بر طاقم حزائر صغیره یی دانیمارقه دن اخذ و ضبط ایدوب «اسوج» ممالکینه ضم ایلدی .

۱۶۶۰ ده ایسه دولت مشارالها ایله تکرار باش-الادینی بر محاربه ده فوت اولمغین مقامی اوغلی (شارل) احراز ایتدی .

اوده برنجی شارل Charles XI — موما ایسه اسوج تخته حلوسنده هنوز بش یاشنده برصبی نا بالغ اولمغله نیابت خدمتی تشکیل ایتدکلى بر مجلس مخصوص درعهده ایدوب اداره حکومته ابتدار ایلدی .

بو مجلس اسوجك صاحب و مسالمله امراره قت ایتمی لزومى حس ایتمکله در حال دانیمارقه لیلر ایله عقد صالح ایدیه رك (شارل)ك واصل سن رشد اولدینی زمانه قدر اصلاحات داخلیه ایله اوغراشهرق دوننار ترتیب و لوازم حربیه یی اکال و تنسیق ایلدی .

(شارل)ك زمام حكومتی ید اقتدارینہ آلدینی زمان و صیاریك كندی ایچون حاضرلش اولدینی مكمل بر قوه حریه یی كورد كده در حال «دانیارقہ» یه حربی اعلان واسوج عسكری «دانیارقہ» یه سوق ایدرك كسب ایلدیكى غلبه كامله نتیجه سنده آنلری اسوجك كلی استفاده سنی موجب اوله حق صورتده بر معاهده عقیدینه مجبور ایتدی ۱۶۷۹ .

(شارل) معاهده مذكوره دن سوكره دوام ایدن ۲۷ سنه مدت حكومتی صاحب پرورلك ايله امرار و بونكله برابر همتی مالكك ترقی سعادت قی اغورنده صرف ایدرك موفق اولدینی اصلاحات داخله یوردنن اسوجی اوروباده كلی نفوذ اجرا ایدر بردوات معظمه هیئتہ وضع ایلدی .

اوه ایکنجی شارل Charles XII — عثمانلیرك (تیمور باش) اسمیله یاد ایتدکاری (اون ایکنجی شارل) پدرینك تاریخ وفاتی اولان ۱۰ ییلارك ۱۶۹۷ سنه سنده اسوج تحتہ اوطوردی . اووقت كندیسی ۱۵ یاشنه هنوز و سول بولش گنج بر پرنس اولمغله ۱۷۰۰ تاریخه قدر والده سنك نیابتی آلتیده اوله رق اجرای حكومت ایلدی كه: بومدت ایچنده اورسیا ییه اصلا میل ورغبت ایتمیوب وقتی خصوصات عسکریه ايله كچیردی .

تاریخ مذكوره زمام حكومتی ید استقلاله آله رق «دانیارقہ» و «روسیه» و «پولونیا» لیر ايله حربه باشلادی . «دانیارقہ» ايله ایتدیكى محاربه ده آنلری مغلوب و قراللری (دردنجی فریدریق) ی عقد صلحه مجبور ایتدی .

بوهنگامده روسیہ چاری (بوک پترو) اسسوحک
بحر و ماطق ، ده کاش ممالکی اورریہ حرکات تعرصیہ احرا
ایتمش اولمعلہ (ش ر ل) بحر ماطلقه سوق عسکر ایدمک (پترو)
اورریہ یوریدی . « ماروا » Narva ، « یری حواریده » و حود
معنی اولان عسکر ایله ۹۰,۰۰۰ راده سیده بولمان روس لره
عنه ایلمدی که : اشمو وقعه تاریخمده امثالی کورلماش وقائع
مهمه دن معدود در .

(شارل) «ماروا» ده (یوگ پورو) ایله او عراشتمده ایکی
هستان فرالی (اؤگوست) «شارل» ک مقدما آلامه در ضبط ایلمی
محرری استانی اینس و مودالیه و ماروا مطلقاتی
معروف هستان، اوریه، چیمه راس بلدیکی شهر، و قسائی
صبط و مقر اداره بر بوس و واروه، یه واروب ایله ک
اعظم کما بد نیری «اله» فرالی اص و اوراس «-» مده یاه
اوریه حرکت ایدر «-» دست «-» شهر ی تهیدیه نا ایش
اودیه ن رقی (اؤگوست) چیمه راس و «-» یاه
طرفلرست دخی ا، ا، ایش ی اینچون بر صاحب نامه تربیب و توف
(شارل) «-» سرس و «-» ایلمی «-» «-» رحق دیه «-»
و صمد ایلمی «-» «-» «-» «-» «-» «-» «-» «-»
برافاده ی مده «-» «-» «-» «-» «-» «-» «-» «-»

[illegible]

(شارل) بوکرہ دخی «روس» یہ حربی اعلان ابتدی . ترتیب
ایتدیکی عساکری روس مملکتہ سوق ایدہ رک «پورستی»
دنیلان شمدیکی «دیور» نہرینہ قدر کلدی . «پولتاوا»
پیشکاهندہ غایت جسم براردوایلہ (پترو) نی قارشولایوب آغاز
حنک وجدال ایلدی ۱۷۰۹ . لکن طالع حرب (پترو) طرفہ
کچمش اولغله اسوج عسکری مغلوب اولدیغندن و (شارل) مجروحاً
دوات عالیہ عثمانیہ یہ التجا ایدہ رک دوات مشار الیہا اداره سنده
بولنان «بندر» ده اقامت ایلدی .

(تیمور باش) ک دوچار ہزیمت اولسنی متعاقب لہستان
قرالغندن معزول اولان (اوگوست) «لہستان» «هجوم ایدہ رک
اسوحیلر طرفدن منسوب قرالی طرد و ماکنی بوصورتلہ استرداد
ایتدیکی کبی روسیہ لیلر «قلاندہ» جہتی ودانیمارقلیلر دخی
اسوجدن برچوق عماری اخذوضبط ایلدیلر . بوصرہ ده اسوجک
مستملکات خارجیہ سندن ممدود اولان «پومرانیا» ایالتی ده
پروسیا لیلرہ انتقال ایتدی ۱۷۱۵ .

(اون ایکسچی شارل) ۱۷۱۳ تاریخہ قدر «بندر» ده
اقامت ایتش و اومت ایچندہ (سلطان احمدخان ثالث) حضر تلینی
روسیہ لیلر علیہنہ تحریکدن خالی قانامشدرکہ : ۱۷۱۱ ده وقوع
بولان «پروت» وقعہ مشہورہ سی بولک نتایچندن بولمشدر .

(تیمور باش) ۱۷۱۴ ده ممالک شاہانہ دن حرکت واسوجہ
مواصلات ایدوب ملکنی ممکن مرتبہ اصلاح ایتدکن صوکرہ

۱۷۱۸ ده دانیمارقه علیننه اعلان حرب ایتدی . لکن میدان معرکه ده آتیلان قورشونلردن بری کندی به اصابت ایتمکله بونجه شجاعت وجنکاورلکیله مشهور اولان (شارل) فوت اولوب کیتدی .

اولریك اله تونور Elrique-Eléonore - (اون ایکنچی شارل) دن سوگره اسوج تاجنی همشیره سی (اولریك اله تونور) تنوج ایلدی ۱۷۱۸ . مومالیها ایکی سنه قدر مقام حکومتده بولندقدن سوگره کافه حقوقی قوجه سی بولان هس دو قه سی (فرهدریق) ترک و کندیسی ۱۷۴۱ تاریخنه قدر بقیه عمرینی تحصیل و تفتن یوانده اصرار ایلدی .

فرهدریق درهس Frédéric de Hesse — مومالیه عاقل ومدبر بر ذات اولوب ۱۷۵۱ تاریخنه قدر بمدد اولان مدت حکومتی اصلاحات داخایه ایله اصرار و « استوقهولم » شهرنده برده دارالفنون تشکیل ایلدی .

(فرهدریق دو هس) ک حکومتی مرته قدر ۱۷۲۰ دن ابتدا ایدر ایسه ده اصل حکومتی زوجیه سی (اولریك اله تونور) ک تاریخ وفاتی اولان ۱۷۴۱ سنه سنندن معتبر اولمغه مومالیه ۱۰ سنه قدر مستقلاً اسوجیا حکومتی اداره ایلدی . بونک فوتیله (دوپون) خاندانک حکومتی منتهی اوله رق (هولستاین) خاندانی اجرای حکومت ایتدار ایتدی ۱۷۵۱ .



❖ هولستاین سلاله سنك حكومتی ❖

بوخاندان اسوجده آدواف فره دربق ۱۷۵۱ - اوچنجی کوستاو
۱۷۷۱ - دردنجی کوستاو ۱۷۹۲ - اون اوچنجی شارل ۱۸۰۹
حكومت ایتشلر در .

آدواف فره دربق Adolphe Frédrice — (آدواف
فره دربق) طریق رهاینده بیومش بر باش یایاس اولوب
(فره دربق دوهس) ك وفاتنده اسوجه قرال اولدی . كندیسی
« هولستاین Holstein » دوقه لغتك حاكمی مثابه سنده بولندی
جهتله اسوجده (هولستاین) خاندانك حكومتی تشکیل
ایلدی ۱۷۵۱ . بو ذات علوم و قنونه اولان مراقدن ناشی
دول متجاوره و خصوصیه (روسیه) دولتیله دوست گچینه رك
۱۷۷۱ تاریخنه قدر ۲۰ سنه دوام ایدن زمان حكومتی صنایع
و معارفك انتشارینه و زراعت و تجارتك توسیغنه حصر ایتمش
اولدیفندن « اسوج » دولتی دول معظمه دن عد اولنه جق
بر حاله كتیر مشدر . لکن خصوصات مذكوره دن ماعدا
هیچ بر شیه دقت ایتامسی و خلقه لزومندن زیاده یوز ویرمی
داخلی قاریش قلعنی انتاج ایلدیكندن آسایش نمانك مختل
اولدی . بو قاریش قلعن هنكامنده (فره دربق) ك وفاتی وقوعه
كلكله مقامی اوغلی (گوستاو) احراز ایلدی ۱۷۷۱ .

اوچنجی کوستاو Hustave III — مومالیه ۲۰ یاشنده

کنج و گوزل تربیه کورمش متفق بر ذات اولایفندن مدت حکومتی اولان ۲۱ سنه بی محاربه اوزرنده کچیرمش اولدی بی حالده ترقیات مدنییه خدمتدن دخی گیری طور مامشد.

(گوستاو) حلونسک ایکنجی سوسی مدبر و کلاسنک همبیله اطناسی غیر قابل اولان آتش اختلافی بعدالاطفا ملکک سعادت و سلامته همت و ترقیات مدنییه خدمت ایچون تشمیر ساق غیرت ایتدی ایسه ده او وقت « روسیه » ده حکمران اولان (ایکجی قاتریه) نک « بحر باطوق » طرفلرینه تسلط ایتمسی مو. الیهک ترقیاته ایتدیکی خدمتی عوق و تأخیر ایلدی ، بوده (گوستاو) ک روسیه علیهنه اعلان حرب ایتمسی مؤدی اولدی .

میاهده وقوعه کان حرب اناسنده هر نه قدر دانیارقه لیلر روسلر ایه اتفاق ایدرک اسوچ علیهنه حرکت ایلدیلر ایسه ده « انکاتره » ، « هولانده » ، « پروسیا » دولتلری اسوچ طرفی التزام و دایماریه لیری تهدیده قیام ایتدکارندن دایماریقه لیلر روس اتفاقندن آیرلمغه مجبور اولدی .

آندن سوگره (گوستاو) روسلر ایله محاربه سابقه سنه دوام ایدرک « صوید » بوغازی جوارنده نائل اولدی غلبه عظیمه نتیجه سنده روسلری عقد صلحه مجبور ایتدی .

(گوستاو) روسیه ایله مصالحه نامه بی تعاطی ایلدکن سوگره بقیه عمری اولان ایکی سنه بی داخلی اصلاحات ایله اصرار و بعده

مقامی اوغلی (کوستاو) . ترك ايله كندیسی وفات ایلدی
۱۷۹۲ .

دردنجی کوستار Gustave IV -- (دردنجی کوستاو) ك
تخت پدره حلوسی هنوز ۱۴ یاشنه واصل اولدی زما
مصادف اولغله عیسی بوانان (شارل) وصی انتخاب و نصب
اولدی.

مومالیهك كرك وصایت و كرك اصالت زماي پدرندن
دها زیاده قاریشق مرورایتمش و بواناده روسایلر «فلانده» یه
گیرمش و نوروجك ساحی بوانان دانیمارقه ایلر ايله آره سی
بوزلدینی کبی فرانسه ايله دخی ایشی قنالشدیرمش اولغله روسلر
«فلانده» ابالتی و فرانسلر اسوج مستملکاتندن بعض محللری
اداره لرینه کچیرمشدر .

اوه اوینجی شارل Charles XIII — مومالیه (دردنجی
کوستاو) ك مقامی احراز ایلدکن صوگره درحال « روسیه » ،
« دانیمارقه » ، « فرانسه » دولتلری ايله عقد صاح ایلدی .
او آراق (ناپولیون) علیه اوروپا دولتلرینك ایتدیکی اتفاقه
دخالت ایتیموب استقلالندن امیدوار اولدینی « فرانسه » طرفه
میل ایتدی . حتی جلوسنك ایرتسی سنه سی (ناپولیونه) . عرض
خلوص ایچون (برنادوت Bernadotte) نامنده کی فرانسه جنرالنه
(اون دردنجی شارل) عنواتی ویره رك كندی یه ولی عهد
نصب و اوج سنه قدر بو حال ايله اصرار وقت ایدوب بعده

دول متفقہ نك تہیدی و نوروج ، لك اسوج ، ربطی مثللو
وعدلی اوزرینہ متفقین اعدادینہ داخل اولدی. لكن
تداركات ائناسندہ ،لا اولد وفات ایتكلہ مقامی مومالیہ
(برنادوت) احراز ایتدی. بونگا اسوجیادہ (هولستاین)
خاندانی حكومتی اندراس بولہ ق بردوام اولان (برنادوت)
فاملیاسنك حكومتی ایتدار ایلدی ۱۸۱۸ .



﴿ برنادوت خاندانك حكومتى ﴾

حائذان مذکور۔ اسماء دیویا، دہ برادوب نام دیگرہ اون درنجی
ش۔ ارل ۱۸۱۸ — برنجی اوسقار ۱۸۴۴ — لوفی اوژن نام آخرہ
اon بش۔ جی شارل ۱۸۵۹ — ایک جی اوسقار ۱۸۷۲ حکومت
سورمشردر۔

بولردن (اون دردنجی شارل) عنوانی الان (برنادوت)
 اصلاحات داخایه ایله امرار وقت ایده رک معارفه خدمت
 و زراعت و تجارتک توسعه غیرت ایلدیکی کبی خلف و ولدی
 اولان (برنجی اوسقار) دخی پدری مسلکینه تبعیتله حرکت
 ایتدی. بو اداره زماننده روسه لیلر اسوچک شمال طرفلرندن
 بعض برلرخی ضبط ایلدی.

(اون بشنجه شارل) عناقته حائز بولتان (لونی اوژن)
 صالح و صلاحی التزام و (اون اوچنجه شارل) زمانندن بری
 اسوجه مربوط اولان «نوروج» ایله سلفقری مثللو متحداً

❖ اوستريا خاندانك حكومتی ❖

مذكور خاندان آلمانياده ايکيجي آلبر ۱۴۳۸ - اوچنجي مره دريق ۱۴۴۰ -- برنجي ماقسبيلين ۱۴۹۳ - سنجي شارل ۱۵۱۹ - برنجي فرديناند ۱۵۵۸ - ايکيجي مائده ملين ۱۵۶۴ - ايکيجي رودولف ۱۵۷۶ - ماتياس ۱۶۱۲ - ايکيجي فرديناند ۱۶۱۹ - اوچنجي فرديناند ۱۶۳۷ - برنجي لئوپولد ۱۶۵۸ - برنجي ژورف ۱۷۰۵ - آلتنجي شارل ۱۷۱۱ - ماري ترهز، يدنجي شارل ۱۸۴۰ حكومت بيور مشلردر.

آلمانيا ايمپراطوري (سيژيسموند Sigismund) ك ۱۴۳۸ ده بلاولده ذكور فوتيله آلمانيا ايمپراطور لئنگ (هابسبورغ) خاندانه منسوب اولوب كريمهسي (ايزابت) ك زوجي اوستريا دوقهسي بولان (آلبرت)، انتقالی ايله آلمانياده (اوستريا) خاندانك حكومتی ابتدا ايلديكي قرون وسطاده ذكر اولمش ایدی.

ايكنجي آلبرت Albert II - موماليه ۱۴۳۸ ده آلمانيا ايمپراطوري نصب اوله رق و آلمانياده اوستريا سلاله حكمداريسي ميدانه چيقارمش و آلمانك قرون جديده قسمي كشاد ايلمش ايسده سلطان (مراد ثاني) حضرتلرينك نچته غاليتمده مغلوب ايكن وفات ايتمكه برادر زادهسي (فره دريق) آلمانيا ايمپرا- طور لئغه قبول و انتخاب اولمشدر ۱۴۴۰ م. ۸۴۴ هـ.

اوچنجي فره دريق Frédéric III - موماليه يارم عصردن زياده امتداد ايدن زمان حكومتده ماسوبي اولديني اوستريا دوقه لئغي آرشي دوقه لئق هيئته وضع و ارجاعه قيام و وارثلري

النده بولان «مجارستان» ایله «بوهیمیا» قطعه لرینی «آوستریا» به ربط ایچون اصرار ایام ایلدیکندن آلمانیانک منافع عمومیه سنی اونونتمش و بونگله برابر عساکر عثمانیه ک هجوملرینه مقابله ایدن مجار قرالی (ماتیاس) ایله بوهیمیا قرالی (ولادسلاو Vladislav) ویا (لادسلاس) بیننه دخی تفرقه براقش اولسی بونلرک اتحادیی انتاج ایلدیکندن متفقاً علیه حرکتلرنده «ویانه» به قدر ممالکی ضایع ایتدیکی کبی «فلمنک» الکاسنی دخی بورغونیا دوقسی (فلیپله بون) «قاپدرمش و آلمانی» دره بکلرینک یکدیگری عاینه آجدقاری خصوصی محارباتده دخی سیرجی بولمغله ایکی یوزدن متجاوز قرا و قصبات تخریب ایدلشد.

(فره دریق) هر نه قدر ایتدیکی محارباتده نائل فوز و غلبه اوله ایدی ایسه ده اوغلی (ماقسیمیلین) «بورغونیا دوقسی (جسور شارل) ک قیزی (ماری) یی تزویج ایده رک بورغونیا مالکانه سی دیمک اولان «باچیکا»، «فلمنک»، طرفلرندن برر قسمک «آلمانی» به الحاقه موفق اولدی.

برنجی ماقسیمیلین Maxemilien I^{er} — (فره دریق) «خلف اولان اوغلی (ماقسیمیلین) ایسه جسارت فوق العاده به مالک و علوم و فنونه راغب بر حکمدار اولوب آلمانیانک تخته تاریخ جلوسی اولان ۱۴۹۳ ده داخل ممالکده ضبط و ربط مفقود اولدیغندن اولاه صلیح داخلی و آسایش عمومینک اعاده سی

خصوصه تشبثه « وورمس Worms » شهرنده بر مجلس عمومی تشکیل و آلمانیاك اتحادینی تأمین ایله فرانسه قرالی « اون برنجی لوی » به امتتالاً پوسنلر احداث و طرق و معابر انشا ایتدیردی .

(سکنزنجی شارل) ك « ایتالیا » به هجومنده ۱۴۹۴ ده علیهنه قیام ایدن « اسپانیا » و سائر به بالا شتراك فرانسلر طرفدن « ایتالیا » دن ضبط اولتان ممالكك استردادینه معاونت ایلدیکی کبی ۱۵۰۹ ده پایا (ایکنجی ژول) ك دعوتی اوزرینه « ایتالیا » به کیده رك فرانسلر ایله متفقاً و ندیکلیلری مغلوب ایلمشلردر .

۱۵۱۳ ده فرانسلر ایله انکلزلر بینده وقوعه کلس « کینه - غات » محاربه سنده دخی انکلزلر طرفی بالاتزام فرانسه علیهنه قیام ایلمشدر .

(ماقسیملین) پدرندن منتقل (آلمانیا) ، (آوستریا) ، (مجارستان) ، (بوهمیا) حکومتلرندن باشقه عقد ایلدیکی ازدواج مناسبتیه (بورغونیا) تاجی کندی فاملیاسنه حصر ایش و اوغلی (گوزل فلیپ) « اسپانیا قرالی (قاتولك فردیناند) ك قیزی (مجنونه ژان) ی بالتزویم (اسپانیا) ، (ناپولی) قرالقلرینی دخی استحصال ایلمش اولدیعی حالدده وفات ایده رك مقامینی حفیدی (شارل) « براقشدر ۱۵۱۹ .

بشیمی شارل Charles V — (شارلكن) نامیله دخی مشهوردر . بو ذات والده سی طرفندن « اسپانیا » خاندانه منسوب اولدیینی ایچون « اسپانیا » بختنده بیان اولدیینی اوزره ۱۵۱۶ ده (برنجی شارل) عنوانیه اسپانیا تخت قرالیسنه جلوس ایلدیکی

کمی ۱۵۱۹ء دہ دخی آلمانیہ ایمپراطوری انتخاب اولنوب و آلمانیہ دہ (بشنجی شارل) عنوانیلہ ادارہ امورہ مباشرت ایلمشدر۔

مشارالہ آلمانیہ داخل قاریشقلقلرینہ نہایت ویردکن صوگرہ فرانسه بختدہ دخی بیان اولندی بی اوزرہ فرانسزلرایلہ آغاز جنک و جدال و قرالری بولسان (رنجی فرانسوا) بی دائرہ اسارتہ ادخال ایلدی ۱۵۲۴ء۔

(بشنجی شارل) یعنی (شارلکن) سلطان (سلیمان قانونی) حضرتلری ایلہ ہم عصر اولوب (رنجی فرانسوا) نک اسارتدن طولای والدہ سی (لوئیز دہ صاواوا) نک سلطنت سنیہ دن استمدادی حضرت پادشاهک آلمانلر علیہنہ حرکتی انتاج ایتمش و عساکر عثمانیہ یہ بیلہ مقابلہ یہ قیامی شہرت خنکارا۔ نسنی برقات دہا تزیدد ایلمشدر۔ (شارلکن) بو مشغولیتی آرسندہ پروتستانلک ظہوری وقعہ مہمہ سندن طولای بردہ داخل دین عوغلرلہ اوضراشدی۔ ہر نہ قدر ۱۵۳۵ء دہ (باربروس خیرالدین) پاشا ایلہ « تونس » دہ ایلدیکی محاربہ عظیمہ بی قازاندی ایسہ دہ اتی متعاقب « جزایر » دہ ینہ پاشای مشارالہ ایلہ ایتدیکی محاربہ بی غیب ایدہ رک بحر سفیدہ کی فوذ بحر یسنی ضایع ایلدیکی کمی فرانسه قرالی (ایکنجی ہانری) ایلہ ایتدیکی محاربہ دہ « وردون » ، « تول » ، « مچ » قلعہ لرینی ضایع ایتدی ۱۵۵۲ء۔ لکن کشفیات بختدہ دخی بیان اولندی بی اوزرہ ۱۵۲۲ء دہ « مکسیقا » بی و (فرانسوا پیزار) واسطہ سیلہ دہ « پرو » مملکتی کشف و ممالک وسیعہ سنہ ربط ایلمشدر۔

الحاصل مدت عمریخی محاربات ایله کچربوب اوروپاده نام آلمش و اواخر ایامنده کندیسنه یأس و بیماری طاری اوله رق ۱۵۵۶ ده «بروکسل» شهرنده ایمبراطورلقدن بالاستعفا برادری (فردیناند) ی مستقلایمپراطور نص و اسپانیا حکومتی اوغلی (فلیپ) ترک ایله «اسپانیا» ده رمناسترده ازوایی اختیار ایتدی، نهایت ۱۵۵۸ ده ترک حیات ایلدی.

برنجی فردیناند، ایلکیمی ماقسیمیلین - (شارلک) ک استعفا سندن سوگره آلمانیا تخت جنوس ایدن (برنجی فردیناند) ایله اوغلی (ماقسیمیلین) دورلرنده پروستان مذهب جدیدی بر سورت منتظمده انتشاره باشلادی. بولردن (فردیناند) مذهب جدیدک مروجی بولندیغدن پایاک اعتراضلری رد و قاتولکلرک بغض و عداوتنی جاب ایلدی.

(ماقسیمیلین) ایسه ۱۵۷۶ تاریخنه قدر ۱۲ سنه دوام ایدن زمان حکومتده پدری (فردیناندک) ک مسلکنی طوتمش و فقط مجادلات دینه و محاربات داخیهک ظهوری منع و حکومت احبیه ایله صاحی التزام ایلمش ایسه ده (قانونی سلطان سایان) حضرنلری علیه مقابلهیه جرأت و آلمانیا حدودینی مدافعه و محافظه خصوصنده یک چوق غیرت ایتدی.

ایلکیمی رودولف Rodolphe II - (ماقسیمیلین) ک خلف و ولدی اولان و محارستان قرالی عنوانیه بنام اولان (رودولف) دوات علیه عثمانیه قارشى آچدی محاربه پی

غیب و آلمانیاك نفوذ سابقه‌سنی ضایع ایلمش اولدیغندن
برادری (ماتیاس) «آوستریا» ایله «مجارستان» ی تحت اقداده
آلهرق (رودولف) ك مقامی احرار ایلدی ۱۶۱۲ .

ماتیاس Mathias — مومالیه صاحی سور و آسایش
مملکتك محافظه‌سنی التزام ایلر بر ذات ایدیه ده قاتولکیر ایله
پروتستانلر بینده تگون ایدن عداوتدن طولایی برادرینك
ضایع یتدیکی نفوذی عاده‌یه موفق اوله‌میهرق ،اولاد فوت
اولدیغندن (شارلکن) ك برادر راده‌سی (فردیناند) مقام
حکمداری‌یه انتخاب اولدی ۱۶۱۹ .

ایکیمی فربرنامہ Ferdinand II - (ماتیاس) . خلف
اولان (ایکیمی فردیناند) آلمانیا تختیه حین جلوس‌سند
قاتولکیری التزام و پروتستانلر علیه قیام ایتمکله ینلرنده
آئیده بیان اولنان (اتوز سنه محاربه‌سی) ظهوره کلدی .

۱۶۱۸ اتوز سنه محاربه‌سی محاربه مذکورہ‌ك سبب ظهوری
پروتستانلر ایله قاتولکیر بینده کی عداوت اولوب ایمپراطور
(ماتیاس) ك ولی عهد تعیین ایلدیکی (فردیناند) کمال تعصبندن
ناشی قاتولکیری التزام و پروتستانلر حقنده اسلافی طرفندن
وبریل امتیازانك الفاسنه قیام ایتمی پروتستانلرک قالدشمسی
بادی و ۳۰ سنه امتداد ایدن محاربه مشهوره‌ك ظهورینی مؤدی
اولدی .

۱۶۱۸ دن ۱۶۴۸ تاریخنه قدر ۳۰ سنه دوام ایدن اشبو

محاربه درت دوره مقسم اولوب برنجیسی (پالاتین Palatine) [۸]
ایکنجیمی (دانواز Danoise)، اوچجیسی (اسوچ)، دردنجیسی
(فراسه) دورلیدر.

برنجی دور — اهل قیامک «بوهیا»، «موراویا»، قرالی
نصب ایلدیکی (الکتورپالاتین) دنیلان (شنجی فرمدریق) ک
(ایکنجی فردیناند) «مقابل پروتستانلری حمایه ایامسندن
نشأت ایدرک ۱۶۲۳ تاریخنه قدر ۵ سنه امتداد ایتش و جنرال
(تیللی) قومانداسیله سوق اولان ایمپراطور اردوسی «براغ»
شهرنی جوارنده (فردریق) عسکرینه غلبه ایدرک پروتستانلر
حقنده پک شدتلی جور و حقارت ایلمشدرکه: «بوهیا» طرفلری
پروتستانلغ تکثر و توسع ایلدیکی محل ایکن اوانان تضییقاته
تحمل ایدرمدکلی حمله اوتوز بیگ قدر خانه ترک وطن ایله
دیار آخره هجرته مجبور اولدی.

ایکنجی دور — ایمپراطور فردیناندک «آلمانیا» ده بولسان
پروتستانلری تبدیل مذهبه مجبور ایتک فکریله جمع عسکر
ایتمسندن غلبه کلن دانیمارقه قرالی (دردنجی خرسیتیان)
فرانسزلرک تحریکی و هولانده لیلرک تشویقی ایله میدان کارزاره
آتمش و ۱۶۲۵ دن ۱۶۲۹ تاریخنه قدر ۴ سنه امتداد ایدن
«دانواز» یعنی «دانیمارقه» دورینه باشلامش ایسه ده (والستاین)،
(تیللی) نامنده کی جنراللریدیله مغلوب و «لوبک» شهرنده عقد

اولنان معاهده يې امضا يه مجبور اولدى. يو غاليت اوزرينه (فرديناند) نفوذ و قوتى تزييد و پروتستانلره ابتدايكي تصديق برقات دها تشديد ايلدى.

اوچنجي دور - بروج مشروح (دردنجي خرسنيان) ك مغلويتى و پروتستانلرك مظلوميتى اوزرينه اسوج قرالى (كوستاو آدولف) بر شدت و سرعتله «آلمانيا» ايچنه كېر مش و ۱۶۳۰ دن ۱۶۳۵ تاريخنه قدر ۵ سنه دوام ايدن محاربه نك (اسوج دورى) نه باشلايه رى ۱۶۳۱ ده (ايكنجي فرديناند) ك قاتولك اردولرينى «ليپزيق»، «لوتزن» شهرلرده مغلوب و (تيللى) ، (والستايين) ماننده كى جنراللرى فراره مجبور ايدوب پروتستانلرك دوچار اولدقلى هزيمت و منكوبيتك استقامى آلمقه ايكى موماليه آدولف «لوتزن» ده آلايى ياره دن متأثراً وفات ايتمكه محاربه مدهشه يه يه بر نتيجه وريله مامشدر.

دردنجي دور - بو دورى كشاد ايدن قاردينال (ريشليو) اولوب موماليه آوستريا خاندانك كسر نفوذى «فرانسه» نك توسيع حدودى انتاج ايدمچكى و بوده پروتستانلرك غلبه سيله حاصل اوله حى فكړينه دوشم سيله ۱۶۳۵ ده آلمانيا اوزرينه حركت و محاربه نك (فرانسه دورى) نه مباشرتله كرك ايمپراطور (فرديناند) ك وكرك پاپانك اردولرينى عاجز براقشدر.

اوچنجي فرديناند Ferdinand III - (ايكنجي فرديناند) ك تاريخ وفاتى اولان ۱۶۳۷ ده مقامى احراز ايدن (اوچنجي

فردیناند) چند سینه دهها محاربات سابقه‌لرینه دوام ایلدکدن سوکوره هر ایکی طرف حربدن اوصانوب بیقهش اولدیغندن «وستفالیه» ده عقد اولنان معاهده ایلله «آلمانیا» ده مذهب جدید اربابنک حر و سربست بر اقاملرینه موافقت حاصل اوله‌رق محاربه منجوسه به نهایت ویرلمشدر ۱۶۴۸ .

اشنبو (اوتوزسینه محاربه‌سی) «آلمانیا» بی هرج و مرج ایدوب کerk پروتستان و کerk قاتولک اها ایستندن همان نصفی بواغورده فدا اولدی . صنایع و تجارت مفقود حکومتی تنزل ایلدی بولردن فضله «اساس» قطع‌سی «فرانسه» به ویریلوب «بومراپا» لك بر نصفی «اسوج» دولته و نصف دیگر «پروسیا» به انتقال ایتدیکی کبی بوزمانه قدر ایمپراطور اناک هیئت عمومی‌سندن معدود اولان پروتستان پردلری دخی استقلاللری اعلان ایلدکری جهتله یکپاره بر صورتله اداره اولنان «آلمانیا» بعد ازن متفرق بر حاله سگیدی .

(اوچنجی فردیناند) ک وفاتندن اول (فردیناند) نامنده کی اوغلی ولی عهد نصب ایلدی ایسه ده اوغلی کندیسندن مقدم وفات ایتش بولندیغندن دیگر اوغلی (لئوپولد) آلمانیا ایمپراطوری انتخاب و نصب اولدی ۱۶۵۸ .

برنجی لئوپولد Leopold I^{er} - - مومالیه ۱۷۰۵ تاریخه قدر اجرای حکومت ایلدی . ایام حکومتده دولت علیه عثمانیه [سلطان محمد رابع دوری] ایلله ایتدیکی «سن غوتار» محاربه‌سنده

غالب ۱۶۶۴ م ۱۰۷۵ هـ فقط فرانسه قرالی (اون دردنجی لوئی) نك د آلمانیا به تعرضنده مقابله دن عاجز قاهر قرال غالبك تكلیفی قولة مجبور اولدی .

۱۶۹۷ ده فرانسرلردن اخذناره بالقیام (اون دردنجی لوئی) علیه اسپانیا دولتی [ایکنجی شارل دوری] ایله آلمانیا حکومت مستقله سندن بعضیرینك [ناویرا ، ساقسونیا] ایتمش اولدقلری اتفاقه داخل اولدی ایسه ده بو محاربه یی دخی غیب ایلدیکندن ۱۶۹۷ ده عقد اولنان د یسویقه معاهده سی موجبجه بتون «الساس» قطعه سنی ضایع ایتدی .

معاهده مذکورہ یی متعاقب مجارستان قاریشقلنی برطرف ایلدیکی کی (قره مصطفی) پاشا قومانداسیله د آلمانیا به کیره رك تا «ویانه» یه قدر فتح و استیلا ایتمش اولان عساكر عثمانیه به ایستان قرالی (زان) ك ولورن دوقه سی (لوئی) نك وپروسیا دوقه سی (اوچنجی قره دریق) ك معاوتیله غلبه چالمغله «صاوا» و «دراوا» چایلری آره سنده کائن (قارلوچ==قارلوفچه) موقعنده بر معاهده عقد اولدی ۱۷۰۱ م . ۱۱۱۰ هـ .

(لئوپولد) اسپانیا بحثنده بیان اولندیگی اوزره قرالری بولان (ایکنجی شارل) ك بلا ولد وفاتنده زوجہ سی و اسپانیا قرالی (دردنجی فلیپ) ك قیزی (مارضیت) دن حاصل اولان اوغلی آرشیدوق (شارل) ی اسپانیا تختہ اقماده و (اون دردنجی لوئی) دخی آنزو دوقه سی حفیدی (فلیپ) ی اجلاسہ قیام ایتدیکندن آره لرندہ ینه شمشیر عداوت باش کوستردی . ذاتا

فرانسز لر ایله جنکه حریص بوتسار انکلیز لر ایله پروسیا
قرالی (برنجی فرمدریق) براسهرك ۱۷۰۱ دس ۱۷۱۳ تاریخه
قدر امتداد ایدن (اسپایا وراثت محاربه سی) عنوانیه معنون
اولان حربه ابتدار ومظفریت کامله بی احرازه کسب اقتدار
ایتمش ایکن (ائوبولد) ك وفاتی وقوع بولدیفندن مقامی بیوك
اوغلی (ژوزف) . احراز ایلمشدر ۱۷۰۵ .

برنجی ژوزف Joseph II — موما ایله مؤخرأ فرانسز-
لر ك قازانمش اولدقلى . قاج مظفریت اوزرینه المایا
متفقلرینك تكلیف ایلدیکی صاحی رد و محاربه نك امتدادینه غیرت
ایتدی ایسه ده نتیجه سنه موفق اولمازدن اول فوت اولقله
مقامی برادری (شارل) . ترك ایلدی .

آلتیمی شارل Charles VI — وراثت محاربه سنك سبب
مستقلی اولان (آرشیدوق شارل) المایا ایمپراطورلقی احراز
ایدوب ۱۷۱۳ تاریخه قدر پدر و برادرینك مسلكنه خدمت ایتدی .
اسپانیا تختی (فلیپ د، آنزو) یه ترك ایلدیکی حالده
« ایتالیا دن « میلار » ، « نابولی » و « ساردینا » ایله « پینی باه » ك
کندیسنه ویریله حکی وعد ایدلمش اولدیغندن تاریخ مذکورده
عقد اولنان « اوترخت » معاهده سیله اسپانیا تختی موما ایله
(فلیپ) . براتقوب « المایا » یه عودت ایلدی .

۱۷۱۷ م ۱۱۳۰ هـ عسا کر عثمانیه ایله ایتدیکی « بلغراد »
محاربه سنی قازانوب سلطنت سنییه « پاساروویچ » = « پاساروفچه »
معاهده سنی امضا ایتدیردی .

عثمانی غائله‌سی ر طرف ایلدکن صوگره اسپانیا قرالی
(بشنجی قایپ) ایله آره‌لی بوریلوب پیدا ایلدیکی طرفدارانی
[انگلتره ، هولانده] ایله اسپانیا علیه حرکت و محاربه‌یه
مباشرت ایلدی ایسه ۱۷۲۵ ده عقد اولان «ویانه» معاهده‌سیله
محاربه‌یه نهایت ویردیلر .

۱۷۳۲ ده «لهستان» قراللی منحل قالمغه (شارل)
«لهستان» آلمایا پرنس‌لرندن (فره‌دریق) عهده‌سنه براقلمسنی
الزام و فرانسزلرده یرلی پرنس‌لرندن بری ایله اداره اولمسنی
تکلیفه قیام ایلدیکندن (شارل) فرانسزلر ایله حربه ابتیدار
ایلمش و ۱۷۳۵ ده عقد اولان بره‌معاهده ایله لهستان قراللی
«وما ایله» (فره‌دریق) «ویرلک» اوزره جنکه ختام ویرلشد .

(شارل) ک زمان حکومتمده لزه مسزیره حربلر آچامسنی
آلمانیانک قوت و مکنتنی بیهوده یره اسراف ایتمسنی انتساج
ایلدیکی جهتله دولت علیه عثمانیه‌نی «پساروفچه» معاهده‌سنک
اخذ انتقامنه بفرصت براقش اولدیفندن درحال اعلان حرب
اولوب (بلغراد) معاهده‌سی موجنججه «افلاق» «صرب»
طرفلری سلطیت‌سنیه جانبدن ضبط اولدی ۱۷۳۹ م ۱۱۵۲ هـ .
بومغلویت و مایوسیتی اوزرینه (شارل) معمر اوله‌میه‌رق بر
سنه صوگره وفات ایلدی ۱۷۴۰ .

برنجی شارل Charles VII — (آلتنجی شارل) ک وفاتنده
ارکک اولادی اولمدینی جهتله آلمایا ایمپراطورلنی آوستریا
ایمپراطوریمچه‌سی بولسان بیوک قیزی (ماری تره‌ز) «انتقال

ایده‌جک ایک دیکر قیزلرینک قوجالری و خصوصیه «باویر»
دوقه‌سی (شارل) (ماری تره‌ز) ک حقوقی طانییه‌رق فرانسنلرک
معاوتی ایله کلوب ایمپراطورلنی غضب و (یدنجی شارل)
عنوانیه اجرای حکومته ابتدار ایندیکی کی «ساقسونیا»
دوقه‌سی (ایکنجی اوگوست) و «پروسیا» قرالی (ایکنجی
فره‌دریق) دخی آلمایا ایمپراطورلغه حربص بولندقلری
جهتله موما الیه فره‌دریق پروسیا بمختده بیان اولنه‌جفی اوزره
۱۷۴۲ ده «آوستریا» اداره‌سنده بولسان «سیلزییا» ایالتی
اوزرنده اولان حقوقی دعوایه بالقیام «آوستریا» یه سوق عسکر
ایده‌رک ایالت مذکوریه «برسلو» معاهده‌سی موجب‌نجه پروسیا یه
الحاق ایلدی ۱۷۴۲ .

«برسلو» معاهده‌سندن ایکی سنه سوکره (ماری تره‌ز)
«سیلزییا» نک استرداد ایچون «پروسیا» یه اعلان حرب ایندی
ایسه‌ده بو کره دخی مغلوب اولغین «درست» معاهده‌سی
موجب‌نجه آرتق «سیلزییا» صورت قطعیه‌ده «پروسیا» یه ترک
اولندی ۱۷۴۵ .

بروجه مشروح باویرالی (شارل) ک آلمانیا ایمپراطورلغنی
غضب ایتسندن طولانی (ماری تره‌ز) ۱۷۴۳ ده مجارستان
پرنس‌لری ایله انکلتزه قرالی (ایکنجی یورگی) یی لهنه جلب
و (شارل) علیه حرکت ایده‌رک موما الیه مغلوب ایتش
و ایکی سنه سوکره (شارل) دخی وفات ایلش اولدیغندن

«باویرا، مالکاهیسی آوستریا ایمپراطوریچهسی (ماری ترهز) .
انتقال ایلمشدر .

بو صرهدده آلمانیا ایمپراطورلغنه دخی موما الیا انتخاب
اولسهحق ایکن زوچی اولوب (لورن) خاندانه منسوب
(فرانسوا) مؤخرأ انتخاب قارائمش اولمسیله ه آلمانیا،ده بوایکی
خانداندن مرکب تشکیل ایندککری (آوستریا، لورن) شعبهسی
احرای حکومته ابندار ایلمشدر .

﴿ آوستریا ، لورن خاندانك حكومتی ﴾

آوستریا، لورن خانداندن آلمانیا،ده برنجی فرانسوا ایله ماری ترهز
۱۷۴۵ - ایکنجی ژورف ۱۷۶۵ ویا ۱۷۸۰ - ایکنجی لئوپولد
۱۷۹۰ - ایکنجی فرانسوا ۱۸۹۲ حکومت ایتمشدر .

برنجی فرانسوا ماری ترهز — بونلر ۱۷۵۶ تاریخنه یعنی
یدی سنه محاربه سنك ظهورینه دگین داخلی اصلاحاته مبادرتله
تجارت و صنایعی وباخصوص معارفی احیا ایچون پك چوق
غیرت و همت ایتمش و تاریخ مذکورده پروسیا قرالی (ایکنجی
فره دریق) علپنه (فرانسه) ، (روسیه) ، (ساقسونیا) ،
(اسوج) دولتلری ایله اتفاق ایده رك یدی سنه امتداد ایدن
(یدی سنه محاربه سی) عنوانیله معنون اولان محاربه مشهوریه
باشلامشدر .

محاربه مذکورده یالگیز انكلتره دولتی پروسیالیلر طرفنی
الزام ایندیکی حالده نتیجه حربی پروسیالیلر قازانمغله

« هوبرتسبورغ » ده عقد اولنان . مصالحه متفقین مستملکاتنده
کلی تبدلات ایقاع ایلدی ۱۷۶۳ .

۱۷۷۲ ده روسیه ایمپراطور یحیی سی (ایکنجی قاترینه) دلهستان هی
مقاسمه به قویدی صروده پروسیا قرالی (ایکنجی فرهدریق)
ایله (ماری ترهز) دخی اشتراک ایلدیکدن امهستانک برقم
اراضیسی (ماری ترهز) ک اصل ملک مورونی دیمک اولان
« آوستریا » به الحاق اولمشدر .

مومالیها پدری (آلتجی شارل) ک وفاتندن اعتباراً
حکومتی تهدید ایدن حکمداران ایله مرده دلیرانه محاربه لر
ایتدی . تاریخ وفاتی اولان ۱۷۸۰ ده آلمانیا ایمپراطورلی اوغلی
(ژوزف) . انتقال ایلدی .

ایکنجی ژوزف Joseph II — مومالیه پدری (برنجی
فرانسوا) ک وفاتنده یعنی ۱۷۶۵ ده آلمانیا ایمپراطورلغی احرازه
کسب اقتدار ایلمش ایسه ده والدہ سی (ماری ترهز) کبی بر
قرالچهنک حال حیاتنده ایمپراطورلق مقامی احرازه تادب
ایلدیکندن بالفعل حکمدارلی والدہ سیک تاریخ وفاتندن معتبردر .
(ژوزف) والدہ سی کی عاقله برقادینک تربیه سی کورمش
و آوستریا و آلمانیا ایمپراطورلغی حین احرازده افکار عالیه
وجدیده به صاحب بر مرد عاقل بولمش اولدیفدن اول امرده
پالارک آلمانیا اوزرنده کی تحکم ونفوذی ازاله ایلدی .

۱۷۸۷ م ۱۲۰۳ ه ده دخی پروسیا قرالی (ایکنجی
فرهدریق کلیم) ی داخل اتفاقه آلهرق (ایکنجی قاترینه)

ایله متفقاً دولت علیه عثمانیه علیه حرب آچوب و بلغراد یی
استرداد ایلدی . اردوی هایون وزیر اعظم یوسف پاشا
قوماندانده ایدی .

لکن و بلجیقا ، طرفنده ظهور ایدن اختلاف کندی یه
فتور کلی کتیردیکندن اواخر حکومتی مهمام اموره باقیه رق
امرار ایلمشدر .

فراسه ایمپراطوری (اون آلتیجی لوئی) نك زوجہ سی اولان
(ماری انتوانت) موما الیه ایکجی ژوزفک همشیره سی ایدی .

ایکجی لئوپولد Leopold II — (ایکجی ژوزف) نك تاریخ
وفاتی اولان ۱۷۹۰ سنه سنده برادری (لئوپولد) (ایکجی
لئوپولد) عنوانیله تخت ایمپراطوری یه حلوس ایلدی . موما الیه
عالم و کارشناس بر ذات ایدیسه ده ایام حکومتی آلمانیا نك قاریشق
بر زمانه تصادف ایتدیکندن و مجارستان ، خلقی امتیازات مخصوصه
اخذینه قیام ایتمش و آوستریا لیلر ایله بوهیمیا لیلر و بلجیقا لیلر یگی
طرح اولتان ویرگونك آهرلغندن شکایت باشلامش اولدقلرندن
(لئوپولد) بونلر اوزرینه قوه جبریہ استعمال ایتمکسزین اعاده
اسایشی تأمین ایلمشدر . لکن ۱۷۸۹ وقوعاتنده (اون آلتیجی
لوئی) نك امدادینه شتاب ایتمکده ایکن اجل امان ویرمامکله فوت
اولدیفندن مقامی اوغلی (فرانسوا) احراز ایلدی ۱۷۹۲ .

ایکجی فرانسوا François II — موما الیهک زمانی فرانسه نك
عزم جهانگیرانه ایله اطرافه صالیدیردینی وقته تصادف ایلدیکندن

بیان اولته جفی وجه ایله (جرمانیا هیئت اجتماعیسی) عنوانه
تحويل و آوستریا ایمپراطورلنی حمایه سنه داخل اوله رق براداره
جدیده تشکیل ایلدیلر.

﴿جرمانیا هیئت اجتماعیسی﴾

بو اداره زماننده ایسه طریق ترقی به دخول ایله آذربوقته
جوق ایلرولمش اولان «پروسیا» دولتی آوستریالیلرک «آلمانیا» بی
حمایه سنه آلمسنی چکه مامکه باشلامش اولدیفندن ۱۸۶۶ ده آنلر
ایله «صادوا» محاربه سنی ایتمش و بو محاربه ده پروسیالیلر استعمال
ایتدکلری ایکنه لی تفنکله سایه سنده آوستریالیلره غلبه ایتمش
اولدیفندن آوستریالیلرک «پراغ» معاهده سی موجبنه (جرمانیا
هیئت اجتماعیسی) اوزرنده اولان حمایه سی قطع اولمشدر.

«صادوا» محاربه سی نتیجه سنده پروسیالیلر جرمانیا اتفاقی
فسخ ایله «آلمانیای شمالی» بی حمایه سی آلتده اوله رق اتفاق
وانحاده ادخال ایتمش و آلمانیا نك حكومات جنوبیه سی مستقل
قالوب «آوستریا» بی «آلمانیا» ایشلرینه مداخله دن منع ایلمشدر.
پروسیالیلرک فرانسزلر ایله باشلادقلری ۱۸۷۰ محاربه سنده
بی طرفی قالمسی مأمول اولان «آلمانیای جنوبی» حکومتلری
«شمالی آلمانیا» مثلو پروسیالیلره التحاق ایتمسی «فرانسه» نك
مغلوبیتی انتاج ایلدیکندن محاربه مذکوره عقیننده تکمیل
آلمانیا حکومتلری پروسیا قرالی (بشنجی فره دریق کلیوم) ی
(برنجی کلیوم = برنجی ویلهلم) عنوانیله آلمانیا ایمپراطوری

انتخاب ایدوب جمله سی بعض شرائط تحتده مشارالیهک حمایه
واداره سی آلتنه کیردیلر، اوروپا یاک وسطنده بریوک قوه بولتیقیه
حصوله کتیردیلر.

(برنجی کلیوم) ک وفاننده اوغلی (فره دریق) آلمانیا
ایمپراطورلنی تاجنی اکتسا ایلدی ایسده آجق بر قاج ماه
حکومت سوره یلمش وبعده بوزاز خسته لغندن وفاتی وقوع
بولغله مقامی الیوم حکمران اولان اوغلی (کلیوم) حضرتری
(ایکنجی فره دریق کلیوم) عنوانیه احراز ایلمشدر ۱۸۸۸.

فصل ابع

پروسیا لیلر

پروسیا لیلرک اوائل وقوعانی - دوقه لری زمانی - قرالری

دوری .

پروسیا یلک اوائل رفوعانی - ازمنه قدیمده «پروس»
دنیلان قطعه بو کونکی پروسیا قرالیتی داخلنده و روسیه
حدودنده بریالت اولوب قطعه مذکوره بر وقتلر (واندال)
(غوت) و سائر اقوام وحشییه و مؤخرأ اسلاوردن (پوروس)
نامنده برجماعته مسکن اولمش ایدی. بومناسبتله «پروسیا» اسمی
آندن مأخوذدر.

میلادک ۱۲۱۵ تاریخنه طوغری قاتولک مذهبک انتشاری

مقصودینه منی شکل ایدن (توتونیک) نامنده کی شوالیه جمعی
 مذهب مذکوری قبولده استنکاف ایدن (بوروس) قومی
 مغلوب و آنلری داخل تبعیته گیرمکه مجبورایلدیکندن «پروسیا»
 قطعہ سی مذکور شوالیه جمعی طرفندن ضبط اولمشدر.

جمیت مذکوره «پروسیا» قطعہ سنی حسن صورتله اداره
 ایدرک اعمار و اطراف و جوانبده کائن برطاقم محللری و از جمله
 «لیتوانیا»، «براندبورغ»، «لهستان»، جہتلری حکملری آلتہ
 ادخال ایلدی ایسده مؤخرأ اہالی بہ ظلم و جورایتمکہ باشلادقلرندن
 پروسیایلر ۱۴۵۴ده (توتونیک) جمعی علیہ قیام ایتدیلر. اون
 سنہ یی متجاوز دوام ایدن قیاملری ہنکامندہ «لهستان» حکومتہ
 دخالت ایتدکلرندن ۱۴۶۶ تاریخندہ عقد اولنان «تورن» معاہدہ سی
 «پروسیا» الکاسنک برقمی لہیلرہ و قسم دیکرینی «لهستان» ک
 نظارتی آلتدہ اولمق اوزرہ (پروس توتونیک) دیہ ینہ جمیت
 مذکورہ بہ ترک ایلدی.



﴿ پروسیا دوقہ لغی ﴾

«پروسیا» ده آلبر ۱۵۲۵ - آلبر فرہدریق ۱۵۶۸ - ژان
 سیژسمون ۱۶۱۸ - جورجی کلیوم ۱۶۱۹ - فرہدریق کلیوم
 ۱۶۴۰ - اوچنجی فرہدریق ۱۶۸۸ دوقہلق مقامندہ بولمشدر.

آلبر Albert - «پروسیا» قطعہ سندہ برنجی دفعہ
 اولہرق دوقہلق ہیئتتی تأسیس ایدن توتونیک جمعی رئیس (آلبر

دو براندبورگ (Albert de Brandebourg) اولوب موما اليه
 توتونيك شواليه لرينك مالكا هسي اولان «پروسيا» قطعه سني
 (پروسيا) دوقه لني عنوانيله «لهستان» ك نظارتى آلتده اوله رق
 تشكيل و كندى عنوانى ده (پروسيا دوقه سى) نامه تحويل ايلدى.
 خلفلى اولان (آلبر فريدرىك = ايكنجى آلبر)، (ژان
 سيژسمون Jean Sigismond) پروسيا دوقه لني خيلى توسيع
 اينديله .

پروسى كليوم George-Guillaume — (ژان سيژسمون)
 دن سوكره دوقه لق مقامنى احرار ايدن (جورجى كليوم)
 ايسه «براندبورگ» قطعه سى ايله «پروسيا» ده اجر اى حكومت
 ايتيش فقط ايام حكومتى (اوتوز سنه محاربه سى) زمانه مصادف
 اولدنى و كنديسى پروتستان مذهبنده بولندينى حالد مذكور
 محاربه مداخله ايتيوب «پروسيا» نك تدبيله سبب اولمشدر.

فريدرىك كليوم Frédéric-Guillaume — بوگا (ايكنجى
 فريدرىك كليوم) دنى ديرلر سالف الذكر (جورجى كليوم) ك
 خلف و ولدى اولان (فريدرىك كليوم) پدريك مسلكى خلافتده
 حركت و ۱۶۴۰ دن ۱۶۸۸ تاريخه قدر پروسيا دوقه لني
 حسن صورته اداره به بذل همت ايتدى . ۴۸ سنه قدر امتداد
 ايدر زمان حكومتى پروسياك قوه عسكريه سنك تنظيمى
 و اوتوز سنه محاربه سندن ناشى بوش قالان محللره اوتهدن
 برى دن فرار ايدن پروتستانلر ك حسن قبول و فلمنك اصولى

برخی تنقیحات اجرا و فضله و بی لزوم کوردیکی مصارفی انما
وزراعت و صناعت سکتہ ایراث ایدن ویرکولری عفو ایدہ رک
اھالیسنی مسعود و احیا ایتدی.

۱۷۱۵ تاریخندہ دانمارقہ قرالی (دردنجی فرہ دریق) ک
اسوجلیر ایلہ آجدینی محاربه به مداخلہ ایدہ رک (فرہ دریق)
طرفی التزام و دیگری علیہ قیام ایتمش و غلبہ لرندہ ایلدیکی
خدمتہ مکافاة حین معاہدہ دہ «یومرانی» ایالتک بر قسم
اعظمی «پروسیا» به الحاق ایتدیرمشدر.

(فرہ دریق گلیوم) پروتستان آیندہ تعصب فوق العادہ سی
اولدینی جهتلہ مقدا «پروسیا» دن طرد اولنان پروتستان
کروہنی مملکتہ جلب ایتدیکی کبی اطرافدن کلن پروتستان
ماہاجرلینی دخی حسن صورتلہ قبول اید ایدی.

الحاصل ۱۷۴۰ تاریخنہ قدر امتداد ایدن ایام حکومتی جمع
خزینہ ایلہ تعلیم عسکرہ حصرا یدوب حتی ممالک اجنبیہ دن کلودہ
اردولرینہ عسکر قید اولنان نفرا تہ بیلہ بالذات تعایم ایدر و فقط
امرا و ضابطانی پروسیا زادکانندن نصب و تعیین ایلر ایدی.

ایکیمی فرہ دریق Frédéric II — بوذات (بیوک فرہ دریق)
عنوائی حائزدر مومالیہ پروسیا تختہ حین جلوسندہ ۲۸ یا شندہ
کنج برپرس اولوب پدری (گلیوم) ک براقش اولدینی خزائن
ایلہ عسا کر منتظمہ به مالک و شجاعت و قابلیت عسکریہ پی حائز
اولدینی جهتلہ توسیع حدود و تکثیر نفوذ سوداسنہ دوشدی.

اوسروده آلمانیا ایمپراطوری (آلتنبی شارل) وفات ایدمرك
ملکی آوستریا ایمپراطوریمچیسی اولوب وارنہسی بولنان قیزی
(ماری ترہز) انتقال ایلدیکندن مومالیہ ۱۷۴۲ دە «سیلزیاء»
ایالتہ اولان حقوقنی اعلان واستردادینی ادعا ایدمرك «آوستریاء» یہ
سوق عسکر ایتدی.

برسنہ دن زیادہ آوستریا اردولریلہ اوغراشہرق مذکور
ایالتی «برسلو» معاہدہ سیلہ «پروسیاء» یہ الحاق ایلدی ۱۷۴۳ .
«سیلزیاء» نك الدن کیتمیسی (ماری ترہزی دلکیر ایتدیکی
جهتله موما الیہا معاہدہ منعقدہ دن ایکی سنہ مرورندہ «پرو-
سیاء» یہ اعلان حرب ایلدی. فقط غلبہ بوکرہ دخی (فرہدریق)
طریقده قالمغین «درسد» ده عقد اولنان معاہدہ موجبہ آرتق
«سیلزیاء» صورت قطعیه ده «پروسیاء» یہ کسب ارتباط ایتدی ۱۷۴۵ .
آندن سوکرہ (فرہدریق) یدی سنہ محاربه سی ظہورینہ
دکین صلح ومسائلته امرار ایتدیکی ۱۰ سنہ قدر وقتی اصلاحات
داخلیہ یہ حصر ایدوب ترقیات علمیہ وادیہ یہ خیلی خدمت
ایتدیکی وتجارت وزراعتی دخی حمایہ ایدمرك اربابی تشویق
والتفاتلر ایلہ تلطیف ایلدیکی جهتله «پروسیاء» اوروپا ایچندہ
نام آلتش وکنسیدیسی دخی حقیقہ بیوکلك عنوانی قازانان
حکمداران صرہ سنہ داخل اولمشدر. لکن بو حال دول
سائرہ نك غبطہ وحسدینی وبودہ (یدی سنہ محاربه سی) نك
ظہورینی انتاج ایلدی ۱۷۵۶ .

۴ بری منہ محاربہ سی — اشبو محاربہ آلمانیا بمحشدہ دخی بیان اولندینی اوزرہ د آستریا دولتشک «فرانسہ»، «روسبہ»، «ساقسو- نیاء»، «اسوج»، حکومتلریخی «پروسیا» یعنی (بیوک فرہدریق) علیہنہ اولہرق کندی دائرہ اتفاقنہ آلمسندن عبارت ایدی .

محاربہ مذکورہدہ پروسیالیر یالکزانکلزلی داخل اتفاق آله بیلمشلر ومتفقین ایله اوافق تفک محاربہ لردن باشقہ اون آلتی محاربہ عظیمہدہ شجاعت ومہارت عسکریہ لریخی گوسترمشلر ایسہدہ متفقینک کثرتی «پروسیا» ممالکندن برقسم اعظمک الدن کیتمنی بادی اولدی . فقط ۱۷۵۷ دە «روزباخ» Rosbach دە وقوع بولان محاربہ شدیدہ (فرہدریق)ک غلبہ سیلہ ختام بولدیغندن دشمن الہ دوشمش اولان کافہ ممالک استرداد اولدی . «ہوبر- تسبورغ» Hubertsbourg شہرندہ عقد اولنان معاہدہ ایلہدہ «سیلزیاء» ایالتی بتکرار «پروسیا» ایالاتندن معدود اولدینی اعلان ایدلدی ۱۷۶۳ .

(بیوک فرہدریق) معاہدہ مذکورہی متعاقب افکار سابقہ . سنہ براقدینی محلدن بدأ ایدہرک اول امردہ بتون مساعیسی محاربہ نتایجی اولان مضایقہنک دفع وازالہسی یولندہ صرف ایتدی ، بعدہ ویرگولری تعدیل وتنظیم وزراعت وتجارتی اولکندن زیادہ حمایہ وترویج ایدہرک آز وقت ظرفندہ پروسیا قرالیتی دول معظمہ صرہ سنہ ادخال ودین محاربہ لری اوروپانک ہرطرفی آل قانلرہ بویادینی جہتلہ ممالکندہ ہر دین ومذہب ایچون حریت کاملہ اعلان ایدلدی .

«لهستان» ك «آوستریا» ، «روسیه» دولتری یښنده چین تقسیمنده اشتراك ایدرك «لهستان» ایاالتلرندن معدود اولان «پروسیای غربی» (فره دریق) حصه سنه اصابت ایتدی ۱۷۷۲، الحاصل ۱۷۸۶ تاریخنه قدر دوام ایدن ۴۶ سنه حکومتی زماننده اولجه اوروپاده نامی بیلله یاد اولنمیان «پروسیا» حکومتی بر دولت معظمه صورتنه وضع ایلدی .

۱۰. ایکنجی فره دریو کلیوم — (بیوک فره دریق) دن سوگرمه پروسیا تختنه جلوس ایدن یکنی (ایکنجی فره دریو کلیوم) (بیوک فره دریق) ك حسن تربیه سنی کورمش بر پرنس اولوب ۱۷۹۷ تاریخنه قدر ۱۳ سنه حکومتی دوام ایلدی . زمان حکومتده ۱۷۸۷ م ۱۲۰۴ هـ ده «روسیه» ایله دولت علیه عثمانیه یښنده آچیلوبده «قریم» شبه جزیره سنك «روسیه» یه انتقالی موجب اولان محاربه مزده (فره دریو کلیوم) آلمانیا ایمپراطوری (ایکنجی زوزف) ی روسیه لیلر [ایکنجی قازینه] لهنه تحریك و اتفاقی ترویج ایلدی .

۱۷۹۱ ده دخی هر نه قدر «فرانسه» علیه اوروپا دولتری ایله اتفاق ایلدی ایسه ده . مؤخرآ آنلردن آیریلوب ۱۷۹۵ ده خصوصی اوله رق «فرانسه» ایله عقد اتفاق ایتش و «لهستان» ك ایکنجی مقاسمه سی زمان حکومته تصادف ایلدی کی جهته بو مقاسمه ده دخی پروسیانك جنوب جهتدن حدودینی توسیعه همت ایلمشدر .

۱۸۶۱ اوچنجی فروردیه کلبوم مومالیه پدری (ایکنجی فروردیق کلبوم) ک وفاتنده ۲۸ یاشنده اولدینی حالده مقامی احراز ایلدی ۱۷۹۷ .

کندیسی عاقل و درایتی یرنده و دور امدیشلسکی تأمین حکومت ایچون دکرنده برذات نادرالامثال اولوب زمان حکومتده روسیالیلر اوروبا دولترینک (ناپولیون بوناپارت) علیه ایتدکلی ایفاقه داخل اولیوب بی طرفلی التزام و بوسایهده روسیایی مومالیهک صدماتندن تخلص ایلدی ایسهده (ناپولیون) ک ترقی شوکتی تنقیصه غیرت ایدن دول معظمهک ، و آخراً اصرار و تهدیداتی اوزرینه ناچار آنلرک اتفاقه داخل اولدی . فقط ۱۸۰۶ ده ایتدکلی « ایلنا » محاربهسی (ناپولیون) ک غلبه سیله « برلین » شهریک فراسزلر طرفندن ضبطی و اوج سنه صوگره وقوع بولان « تیلست » معاهدهسی ، و حینجه « روسیا » مالکندن بر قسمک الدن کیتمی استاج ایلدی ۱۸۰۹ . آندن صوگره روسیالیلر بی طرفلق مسلکی اختیار ایله مملکتک عمراننه و بطامات و ترقیات داخلیهک اتمامه حصر ایتمشلردر .

دردنجی فروردیه کلبوم — (اوچنجی فروردیق کلبوم) ک اوغلی (دردنجی فروردیق کلبوم) ک ۱۸۶۱ تاریخنه قدر ۲۱ سنه امتداد ایدن زمان حکومتی قانون اساسی وضعندن طولانی ظهوره کلی داخل قاریشقللر ایله کچمش و تاریخ مذکورده زمام حکومتی برادری (فروردیق کلبوم) ک ترک ایلمشدر .

بشنجی فره در بری کلیوم - بو ذات برادری (دردنجی
 فره در بری کلیوم) ک تاریخ وفاتی اولان ۱۸۶۱ ده مستقل پروسیا
 قرالی اولدی. مومالیه ۱۸۶۳ ده آوستریا لیرایله متفقاً «دانیمارقه»
 علیه آجدق لری محاربه ده دشلزویق، هولستاین، ایالتی ملکنه
 ضم و ۱۸۶۶ ده «ایتالیا» ایله عقد اتفاق ایدمک وقوع بولان
 «صادوا» محاربه سنده دخی آوستریا لیری مغلوب و فرانسرلر
 ایله ایتدیکی ۱۸۷۱ محاربه سنده پروسیا قرالغه عموم آلمانیا
 اعراضورانی عنوانی و کندی به (برنجی فره در بری کلیوم) مامی
 علاوه ایلدی.

وفاتنده هر نه قدر اوغلی (فره در بری) (اوچتجی فره در بری)
 عنوانیله پروسیا تاجی کیدی ایسه ده چند ماه مرورنده بوغاز
 خسته لغندن وفات ایتمکله الیوم حکمران اولان (ایکنجی
 فره در بری کلیوم) حضرتلری بدی (فره در بری) ک مقامی
 احراز ایامشدر ۱۸۸۸ .

فصل خامس

﴿ تکمله ﴾

بوفصلده (فلمنک) و (بلجیقا) کی حکومتات صغیره احوالک
 ذکرندن صرف نظر ایدیلهرک یالکگز (ایتالیا) نک مختصراً بیانی
 ایله اکتفا ایدمیشدر .

ب۔ ایتالیانک احوالی

۱. «ایتالیا» قرون وسطا دن بری بر رینہ ضد و متفرق اولہرق (حکومات عدیدہ دن عبارت ایدی .

«ایتالیا» نک بو حالندن استفادہ یہ قیام ایدن (فرانسہ) (آلمانیا)، (اسپانیا) حکمدارلری مذکور مملکتی ضبط و تصرف ایچون آرہ لرندہ خیلی محاربہ لر آچمشلر ونہایت «ایتالیا» نک بر قسمی قبضہ تصرفلرینہ کچرہ مشلردر . (ناپولیون) ک نجم اقبالہ عارض اولان انخساف اوزرینہ ۱۸۱۵دہ عقد اولٹان «ویانہ» قونفرہ سندہ ویریلن قرار، وجبجہ مقدا پاپا جنابلرینک حکومت جسمانیہ سنہ تابع اولان «ایتالیای وسطی» پاپالق مقامہ اعادہ و تسلیم اولندینی و «ناپولی» اسکی حکمدارلرینہ ویرلدیکی کبی «ایتالیای شمالی» جہتی آوستریاہ ترک ایدلدی . «ساردیا» آطہ سنہ مالک اولان (ساووا) ویا (نورن) خاندانی دخی مستقل بر اقلدی .

معاهدہ مذکورہ دن چند سنہ مرورندہ «ایتالیا» دہ تفرد فکری اویاندینی و آوستربالیر حال حاضرک بقاسنہ تثبیت ایلدیکی جہتلہ ۱۸۲۱دہ میانہ دہ غائلہ حرب وقوعہ کلش و نتیجہ حربی آوستربالیر قازانمقلہ ایتالیانلر نائل سرام اولہ مامشلردر .

او آرالق ساردنیا قراللی باش وکیلی بولنان (قونت قاوور) ایتالیانک اتحادی ایچون دول سائرہ نک موافقت و توجہنی استحصال

ضمننده صرف ایتدیکی غیرت و همت فوق العاده ایله تاریخده نام
براقشدر . ۶۰

دولت علیه عثمانیه نك روسیه لیلر ایله ایتدیکی ۱۸۵۶
محاربه سنده (فرانسه) ، (انكلتره) دولتری دولت عثمانیه نك
امدادینه كلدكلری صروده ساردنیالیلر دخی متفقین عدادینه
داخل اولدیغندن اشبو محاربه خارجه « ایتالیا » بی « آوستریا » به
قارشی مخالفتن منع ایلدی . لکن آوستریالیلر ۱۸۵۹ ده ایتالیا
اقسامنده داخل اولان « پیه مون » قطعه سی اوزرینه وقوع بولان
هجومده ایتالیالیلر و خصوصیه ساردنیالیلر آوستریا عسکرینه
مقابله کشتاب ایلدی .

بو صروده فرانسه ایمپراطوری (اوچنجی ناپولیون)
ساردنیا قرانك معاونته گمنجه آوستریالیلر مغلوب اولغین
« ویللافرانق » ده عقد اولان مصالحه موجبجه « لومباردیا » قطعه سی
آوستریادن تفریق اولنه رق ساردنیا قراللقنه ویرلدی . آوستریالیلر
طرفی التزام ایدن ایتالیا پارسلری « ایتالیا » دن طرد ایلدی ۱۸۵۹ .
« ویللافرنق » معاهده سنی متعاقب جنرال (غاریبالدی
Garibaldi) نك ریاستی آلتنده بولان ایتالیانلر بر جسم واحد
هیتنده بولنسی مقصدینی اورتیه قویه رق عظیم بر مخالفته قیلم
و ساردنیالولر دخی اهل قیامه معاونت ایلدیکندن ۱۸۴۰ ده
ایتالیانك حكومات صغیره سی برلشدریلرک (ایتالیا قرالیتی)
تخوانی آلتنده بر حكومت تشکیل اولنمش و پالکزی « ونديك »

قطعہ سنک آوستریادہ و « روما » نک پاپالر اندہ قلمسہ قرار
ویرلیدیگی کبی « نپس » و « سادوا » ناحیہ لری فرانسه یہ ترک ایدلمشدر .
« ساردنیا » ایتالیا حکومتلری انجندہ اک اپلری کیدہ فی اولدینی

جہتلہ ۱۸۶۱ دە قرالری بولان (ویقتور اما نوئل Emmanuel
Victor) ی ایتالیا قرالی نصب و انتخاب ایللمشدر .

۱۸۶۶ دە ایتالیا لیلر « آوستریا » ایلہ « پروسیا » بینندہ وقوع
بولان « سادوا » محاربہ سندہ روسیا لیلر ایلہ اتفاق ایدہ رک آوستریا لیلر
عاینہ حرکت ایتمش اولدقلرندن « براغ » شهرندہ عقد اولنان
معاهدہ ایلہ « وندیک » قطعہ سی « آوستریا » دن نفریق رشتہ رقی
« ساردنیا » قرالیتہ الحاق اولدینی مثللو ۱۸۷۰ دە « برانسه »
ایلہ « آلمانیا » آره سندہ ظهور ایدن محاربہ اتماسندہ دخی (ویقتور
امانوئل) بر فرقہ عسکر ایلہ « روما » یہ گروب یالکگز پاپانک
حکومت روحانیہ سندہ تعرض ایتدہ رک حکومت جسمانیہ سی
صبط و مقر حکومتی « فلورنسه » دن « روما » یہ نقل ایلدی .
بو صورتلہ « ایتالیا » حکومت واحدہ ہیئتہ کیرہ رک الیوم
اوروپانک دول معظمہ سی عدادینہ داخل اولدی .

حائے جلد ثالث



